

中國第一歷史檔案館
遼寧省檔案館

編

中國明朝檔案總匯

(八八)

廣西師範大學出版社

中國第一歷史檔案館
遼寧省檔案館

編

中國明朝檔案總匯

(八八)

廣西師範大學出版社



目錄

淮陽雜錄

卷之一 題稿

題為改正那移以祛夙弊事	二
題為鹽徒拒捕殺傷官兵乞賜嚴加禁緝以靖地方事	六
題為鹽課侵折太多懇乞聖明嚴責成以便催督事	九
奏為病久不能供職懇乞天恩容令回籍調理事	一四
題為薦舉兵備官員以昭激勸事	一六
題為舉劾有司官員以昭勸懲以飭鹽政事	一九
題為循例舉劾江南有司官員以飭吏治事	二九
題為循例舉劾職官員以昭勸懲事	三六
題為餘剩鹽課懇乞天恩暫借買引以蘇商困事	三九

卷之二 會稿

議鹽法疏	四五
議興化縣民竈糧疏	一三
建運學疏	一九

卷之三 書簡

啟方雙江	一三五
啟李石麓	一三五
啟方雙江	一三六

啟溫少谷	一三七
啟朱鎮山	一三八
啟邵鳳山	一三九
啟周象峰	一四〇
啟方雙江	一四一
啟顧直齋	一四二
啟周少魯	一四三
啟譚敬所	一四四
啟王越峰	一四五
啟馬鍾翁	一四六
啟麻慶川	一四七
啟譚敬所	一四八
啟劉安翁	一四九
啟王敬宇	一五〇
啟顧來山	一五一
啟王越峰	一五一
啟丁荆山	一五二
啟蒙近野	一五三
啟王復齋	一五四
啟蒙近野	一五五
啟鄒見岳	一五六
啟李石麓	一五七
啟王敬宇	一五八
陳懷山	

啟方雙江	一五九
啟方雙江	一六〇
啟方雙江	一六一
啟郝少泉	一六一
啟馬龍岡	一六二
啟朱鎮山	一六三
啟賀洪濱	一六四
啟陳燕野	一六五
啟翁見海	一六八
啟趙緝齋	一六九
啟宋龍山	一七〇
啟王印洲	一七〇
啟陳青田	一七一
啟方雙江	一七二
啟王明軒	一七三
啟牛近溪	一七三
啟王敬宇	一七五
啟栗東岩	一七七
啟翁見海	一七八
啟李與竹	一七九
啟梁分教	一八〇
啟白掌教	一八一
啟朱諧所	一八二

卷之四 集簡

啟陳淇竹	一八三
啟沈澄川	一八四
啟王見峰	一八四
啟喬純所	一八五
啟方雙江	一八七
啟蔣日峰	一八八
啟龐惺菴	一八九
陳聯芳	一九四
龐尚鵬	一九五
邵鳴岐	一九五
福時	一九六
周標	一九七
溫如玉	一九八
戚繼光	一九九
邵鳴岐	二〇三
喬懋敬	二〇四
方廉	二〇五
喬懋敬	二〇六
朱衡	二〇七
譚啟	二〇八
王嘉賓	二〇八
陳廷芝	二一〇

麻永吉	一一一
徐階	一一二
李春芳	一一二
郭諫臣	一一二
岳相	一一三
魏時亮	一一五
王秉鑰	一一六
王堂	一一七
龍施	一一八
孫光祐	一一九
王本固	一二〇
王好問	一二〇
冀鍊	一二一
楊俊民	一二二
沈淵	一二二
陳行健	一二三
王湘	一二四
曹自守	一二五
張希稷	一二六
劉繼文	一二七
謝廷杰	一二八
陳應薦	一二九
孫枝	一三〇

李與善	二三一
李用敬	二三二
鍾谷	二三三
劉孚	二三四
朱崇道	二三六
鄭大經	二三六
劉采	二三七
丁應璧	二三八
劉泮	二三九
王世貞	二四〇
蒙詔	二四一
鄒廷望	二四二
龐尚鵬	二四三
袁洪愈	二四四
顧承勛	二四五
馬森	二四六
朱繪	二四八
張瞻	二四八
何起鳴	二四九
潘民模	二五〇
盛時選	二五一
孫以仁	二五二
盧鳳來	二五三

曹邦輔	二五四
王友賢	二五四
龐尚鵬	二五五
徐元氣	二五六
方廉	二五七
孫代	二五八
王積	二五九
方廉	二六一
朱炳如	二六一
副啟	二六三
戚繼光	二六七
宋良佐	二六九
朱衡	二七〇
賀賁	二七〇
朱衡	二七一
胡心得	二七二
陳于階	二七三
胡心得	二七四
陳聯芳	二七五
辛應乾	二七六
陳聯芳	二七七
翁大立	二七八
陳烈	二七九

蘇朝宗	二八〇
劉光	二八二
蔣機	二八四
王應吉	二八五
宋良佐	二八七
沈淵	二八九
王篆	二九〇
蔣機	二九一
龐尚鵬	二九三
喬懋敬	二九四
喬懋敬	二九六
殷士儋	二九八
王之垣	二九九

卷之五 詳□

為陳言興利抵賦役以甦民困事	三〇二
為新河工竣條陳應舉事宜以圖永久以裨國計事	三〇二
為衝疲地方夫差偏累懇乞俯從議處以蘇民困事	三〇三
為衝疲地方夫差偏累事	三〇三
為有司抗減明旨飛差害竈事	三〇四
為豪橫打死人命事	三〇四
為給由事	三〇五
為土豪打死人命事	三〇六
為貪官枉法受財賣放大伙鹽徒等事	三〇六

為慣擺私鹽戳傷官兵乞恩提究事	三〇六
為大伙鹽徒拒捕殺死官兵等事	三〇七
為盜窩鹽黨敵奪人犯打傷兵快事	三〇八
為地方事	三〇八
為影竈違法事	三〇八
為貪弊冤殺三命事	三〇九
為地方事	三一〇
為捕獲大伙鹽徒船只事	三一〇
為議改折以便供應事	三一〇
為極惡謀奸傷殺嫡兄事	三一〇
為軍務事	三一〇
為殺人放火事	三一〇
為捉獲大伙興販私鹽人船事	三一〇
為捉獲江洋大伙殺人強盜事	三一〇
為軍務事	三一〇
為捉獲江洋大伙鹽徒拒殺官兵事	三一〇
為懇乞申明冤大急救生事	三一〇
為捉獲徒船私鹽乞申近絕後患事	三一〇
為打死人命事	三一〇
為仰仗玄威倭患久寧懇乞天恩等事	三一〇
為鑛賊白晝搖旗戰殺人命事	三一〇
為請賞吏缺以激人心以勵後效事	三一〇
為欽奉聖諭事	三一〇

為清處私鹽功罪以蘇民困事	三一七
為出巡事	三一八
為出巡事	三一八
為群豪謀田陷命事	三一九
為議處鹽斤牙用充餉以蘇民困事	三一九
為衝疲地方復罹極重旱災等事	三二〇
為欽奉聖諭事	三二〇
為出巡事	三二一
為遵憲條陳地方利弊事	三二一
為查議浮橋事	三二二
為乞憐地方極重災傷請發賑濟暫停逋欠以安人心以固邦本事	三二二
為給由事	三二三
為乞憐申豁扣追工食以解倒懸極苦事	三二三
為申管支餘銀買麥穀以備賑濟事	三二四
為乞推仁恩俯念蔽衛懇賜修理事	三二四
為比例分辯事	三二五
為出巡事	三二五
為捉獲私鹽事	三二六
為勢豪非法致死人命事	三二六
為清審獄囚事	三二六
為出巡事	三二七
為出巡事	三二七
為遵例設立官店以禁私販等事	三二八

為旌表節婦以勵風俗事	三二八
為出巡事	三二八
為出巡事	三二九
為大伙鹽徒違法興販擾害莊村事	三二九
為查處未完以弘國恩以彰憲紀事	三三〇
為捉獲人鹽事	三三一
為懇恩便商以通鹽法事	三三一
為捉獲屢犯刺字等事	三三二
為明會計以通時變預遠圖事	三三二
為給由事	三三二
為檢奸蔑法事	三三三
為朋凶打死人命事	三三三
為恩賜旌表以彰純孝事	三三四
為清審獄囚事	三三四
為豪民妄變成規違法事	三三四
為鹽河害民事	三三四
為緝訪拒捕大伙鹽徒事	三三五
為貪酷寒心事	三三五
為巡鹽捕盜事	三三六
為偷爬商鹽事	三三六
為公務事	三三六
為明會計以通時變遠圖事	三三七
為出巡事	三三七

為虎里害竈陷課事	三三八
為暫折賑銀湊完額課事	三三八
為黑夜走失徒夫事	三三九
為乞憐災民復罹水患懇乞轉達分豁等事	三三九
為捉獲鹽犯事	三三九
為污吏不法事	三四〇
為恤刑事	三四〇
為大伙鹽徒拒捕殺死官兵等事	三四一
為清審獄囚事	三四一
為迭罹旱災秋禾失望等事	三四二
為絕課陷命事	三四二
為大伙鹽徒假公報私等事	三四三
為乞憐貧軍苦差懇賜俯便免致流亡事	三四三
為出巡事	三四三
為衝疲殘民疊遭水患等事	三四四
為地方危急事	三四四
為闖茸失職違誤答應迎候事	三四五
為乞正鹽法事	三四五
為霹空打詐捐財殺命事	三四五
為議改解贓罰銀兩修理軍器事	三四六
為清審獄囚事	三四六
為懇復舊例全課超生事	三四七
為分撥餘銀預積邊儲以備緊急事	三四七

為恤竈全課事	三四七
為阻壞鹽法事	三四八
為遵例均蕩裕課事	三四八
為鹽法事	三四八
為大伙鹽徒興販私鹽拒捕戮傷兵勇事	三四九
為暫救時艱懇天甦竈事	三四九
為推情超拔事	三四九
為劫財殺命事	三五〇
為疏通官鹽事	三五〇
為遵例濬河益課以便商竈事	三五〇
為比例建學養育人材以勵風教事	三五一
為虎吏捐財壞法羈邊事	三五一
為出巡事	三五一
為懇救極苦事	三五二
為給賑安竈事	三五二
為懇憐故官孤苦不得還鄉事	三五三
為隨鹽賑濟事	三五三
為剪革老人事	三五三
為大伙鹽徒拒捕戮傷軍快糾官聚眾等事	三五四
為籲天超援引鹽事	三五四
為鹽法事	三五四
為準照舊例領賑事	三五五
為前事	三五五

為公務事	三五六
為地鄰失火沿燒堆鹽事	三五六
為懇杜殘課超生事	三五七
為童子割股救母事	三五七
為商竈兩便事	三五七
為準照舊例領賑事	三五八
為立法修舉廢墜以杜奸弊以增國課事	三五八
為乞憐遠途寒苦懇復舊規以濟公務事	三五九
為比例轉詳明降事	三五九
為陳言查理錢糧以便查盤事	三五九
為分撥餘銀預積邊儲以備緊急事	三六〇
為懇憐超活邊困事	三六〇
為懇乞循舊賜給衣服以沾恩澤事	三六一
為黨奸謀引事	三六一
為懇乞轉移仁術以免流移事	三六一
為定掣單以例便解事	三六二
為俯憐商困補掣完課事	三六二
為清理鹽法事	三六三
為出巡事	三六三
為定掣單以便徵解事	三六三
為修理賢祠以敦風化事	三六四
為懇恩遵例減免恤困事	三六四
為事遠人亡辨豁極苦全生事	三六四

為隨鹽賑濟事	三六四
為懇恩人單補掣事	三六五
為乞諭覲面交易事	三六五
為清理鹽法事	三六五
為稽查包索稅銀事	三六六
為變產完課救命事	三六六
為飾舊典補徵謀以圖海防以裨久遠事	三六六
為查催盤鹽事	三六七
為虎吏賣法事	三六七
為箴憲匿贓事	三六八
為檢舉侵盜官銀滅法事	三六八
為窩鹽害命事	三六八
為大伙鹽徒聚眾興販私鹽拒捕戕傷官軍違法事	三六九
為吏書買免事	三六九
為奸豪妄捏躲差事	三七〇
為黨賊執器黑夜截路打傷人口搶擄財物事	三七〇
為前事	三七〇
為船戶盜鹽虧本事	三七一
為大伙興販事	三七一
為群虎詐財殺命事	三七二
為懇破群奸事	三七二
為污吏殺命事	三七三
為災變事	三七三

為有司抗滅明旨飛差害竈事	三七三
為非常大變事	三七四
為非常急變事	三七四
為出巡事	三七四
為豪商玩法私賣故商鹽引不行報官過坑血汗工銀事	三七五
為懇卹安煎以全國課事	三七五
為遵例復業事	三七六
為乞復舊規分理鹽政事	三七六
為冒破侵欺河工官銀事	三七六
為出巡事	三七七
為設閘以杜私販事	三七七
為饕總科害事	三七七
為軍解申計匿文弊害事	三七八
為指河冒詐官銀事	三七八
為惑衆殃民事	三七八
為查處社學以勵風化事	三七九
為場虎侵匿官銀貽害事	三七九
為盜賣倉課事	三七九
為比例折價全商事	三八〇
為乞申修理古遺賢祠以隆風教事	三八一
為欽奉聖諭事	三八一
為場官黑夜逃走事	三八一
為讎梟劫產事	三八二

為追併鹽課事	三八二
為弟總侵課羈商事	三八二
為追併鹽課事	三八三
為出巡事	三八三
為出巡事	三八三
為鹽棍歐害事	三八四
為出巡事	三八四
為清審獄囚事	三八六
為暴白心跡以全名節事	三八六
為出巡事	三八七
為完解錢糧事	三八七
為給由事	三八七
為俯憐危病懇乞休致調理事	三八八
為寵妾殺妻事	三八八
為給由事	三八九
為土豪打死人命事	三八九
為極惡聚眾打傷人口搶奪官銀事	三八九
為極天冤枉事	三九〇
為議處折鹽鋪戶以恤民艱事	三九〇
為酌處議疏通鹽法事	三九一
為祈禱雨澤事	三九一
為極惡假威無故行凶搶奪財物事	三九一
為請給官銀以資公費事	三九二

為支給學租銀兩事	三九二
為大壞鹽法事	三九二
為奪婦事	三九三
為清審獄囚事	三九三
為遵例告給優養事	三九四
為清審獄囚事	三九四
為雷火燒毀城樓事	三九五
為推恩奏旌孝行以勵風化事	三九五
為出巡事	三九六
為恤刑事	三九六
為恤刑事	三九六
為出巡事	三九七
為申明盤詰以便防守以靜地方事	三九八
為捉獲大伙強盜事	三九八
為恤民分豁俯救倒懸事	三九九
為擄妻殺子抄家事	三九九
為恤刑事	四〇〇
為出巡事	四〇〇
為出巡事	四〇一
為清審獄囚事	四〇一
為懇乞議處學糧事	四〇一
為查究詐偽事	四〇二
為清審獄囚事	四〇二

為出巡事	四〇三
為酌陳安民救時之要以慰聖心以隆聖治事	四〇三
為檢舉事	四〇四
為給由事	四〇四
為遵奉詔旨乞賜表楊等事	四〇四
為公舉清貧孝行以沾國恩以勵風化事	四〇五
為大伙局賭登時打死人命事	四〇五
為勢豪打死人命事	四〇六
為土豪打死人命事	四〇六
為奸豪計同吏書玩法侵盜官銀貽害事	四〇七
為指衙誑騙民財事	四〇七
為誑君冒襲事	四〇七
為打死人命事	四〇八
為公舉節孝以勵只行事	四〇八
為貪官欺國殃民事	四〇九
為久旱災傷懇賜申豁錢糧事	四〇九
為緊急開工事	四〇九
為捉獲船戶偷盜官鹽事	四一〇
為捉獲鹽犯事	四一〇
為強橫內臣違禁多索應付騷擾地方事	四一一
為請乞裁銷遠年未完以清案牘事	四一一
為捉獲鹽犯事	四一二
為出巡事	四一二

為強盜放火劫財事	四一三
為飛糧蘆竈事	四一三
為強奪良妻事	四一四
為清查未完事	四一四
為遵例清查未完事	四一四
為出巡事	四一五
為出首以杜後患事	四一六
為遵例革弊事	四一六
為捉獲大伙鹽徒船器事	四一七
為異常風雨倒塌城垣事	四一七
為積老倚公科害里甲事	四一八
為十分旱撈災傷事	四一八
為大伙強盜劫財傷人事	四一九
為虎總違法事	四一九
為捉獲江洋大伙鹽徒拒敵官兵事	四一九
為辭免長夫銀兩以蘇民困事	四二〇
為出巡事	四二〇
為查理稽遲公文事	四二一
為挨查公文事	四二一
為清查獄囚事	四二一
為豪展人命彌憲殺害事	四二二
為出巡事	四二二
為出巡事	四二三

為無干人命事	四二三
為查究公文事	四二四
為查革常例以清鹽法事	四二四
為舉報烈婦死節事	四二四
為給由事	四二五
為出巡事	四二五
為條陳末議以俟採擇事	四二六
為出巡事	四二六

王

李

未

日
稿

一
紐

題爲改正那移以往夙弊事隆慶二年四月二十五日接
管督理兩淮鹽課查得本年春季分餘鹽銀兩尚
未解部牌行兩淮都轉運鹽使司起解去後續據
該司呈稱每年春季餘鹽銀額解三十萬兩例該
掣淮南四單淮北二單共六單湊完解部即今掣
過淮南儀字四百八十二單八十四單邊字四百八十
三單八十五單淮北淮字二百五十八單五十九單共
六單掣銀二十九萬二千四百一十三兩二錢二分三厘
內除減免火燒鹽一千四百八十六兩七錢止正銀二
十九萬九百二十六兩五錢二分三厘仍該補上年

秋季借解在庫賑濟等項銀一十九萬八千九百七十八兩二錢三厘實在聽解銀止有九萬一千九百四十八兩三錢二分尚少銀二十萬八千五十一兩六錢八分又要借庫等因到臣隨吊取節年借銀底簿逐一查勘自嘉靖四十年因循銀兩加添以致秤掣不及歷年俱有那借因循至隆慶元年秋季借出在庫賑濟銀七萬七百九十八兩贓罰銀三萬七百九十八兩挑河銀九萬二千八百七十五兩二分四厘食鹽銀一百三兩一錢八分九厘暗耗工食銀一千五百九十七兩八錢五分八厘鹽價銀七兩六錢五分六厘變賣附餘鹽銀

二十九兩二錢一分五厘水脚盤纏銀七百一十九兩八錢
七分二厘會手工食銀八兩八錢二分代辦鹽價銀二
百六十七兩七錢五分席簽銀一千六百一十九兩九錢
六分七厘修隄銀一百五十二兩八錢三分二厘通共
銀一十九萬八千九百七十八兩二錢三厘朦朧抵作未
掣儀字四百八十二單八十四邊字四百八十三單八十五
單各銀兩借解去後委尚未還除將經該官吏另行查
究外為照錢糧所在

國計攸關必收支之以正方出納之惟明似此移東就徇旋
還旋借若不亟行改正誠恐日復一日則卷案錯雜有難

稽考侵漁之弊所不免矣臣愚以為為今之計莫若將
前銀二十九萬九百二十六兩五錢二分三厘通作今
年春季銀兩併將見掣儀字八十六單內湊足三十
萬整解部其已借過在庫銀除賑濟緊要特將儀
字八十六單解剩銀兩儘數補還外其餘併挑河等
項暫作開除候解部之外若有贏餘聽其陸續補
還自今以後仍查照舊規每年定掣淮南八單淮北
四單不許多寡越數先後過期其掣過鹽銀遂即徵
收完足按季解部亦不許任其延捱庶歲徵歲額前
後可免棒連而正收正支出入永無欺弊矣臣愚待

罪督理偶有所聞不敢隱默伏乞

聖明

勅下戶部將_臣所言允行是亦清理鹽銀之一端也則

_臣不勝幸甚

題爲鹽徒拒捕殺傷官兵乞

賜嚴加禁緝以靖地方事隆慶二年五月二十二日據海
州申准本州判官李紳牒稱本月初七日有鹽徒一夥
各趕驢頭在於本州地方陳家莊經過當即會同西
海所千戶殷大勛等督兵追至東關口對敵間被鹽

徒將本州民快吳堂戳死及將宋豸葛芹周文秀戳傷是紳又率兵勇徐禎等向前追捕各徒跑走止獲鹽徒一名宋斌驢二十二頭車七輛私鹽一千六百斤十斤審據宋斌係贛榆縣人供出鹽徒張白花老婆子等夥合爬鹽私販等情到州轉申到臣隨行海防兵備副使傅希摯查勘相同據此除行徐州各道兵備副使陳奎等督同淮安府海州二所各掌印官嚴行緝捕併將所獲人贓發州招詳外為照海州一帶接連沂邳俗尚驍悍人多知兵弃農業於不事惟偷販以為生故來則成夥徑至臨洪等場搶爬

去則車驢成行直抵沂徐等處發賣張方恃刃略不
畏人而所在軍衛有司方以緝捕私鹽為非已責既
不安撫又不禁治地方有事率推委於巡鹽官而巡
鹽之官又多佐二所領不上一二十人以致力不能敵
殺傷官兵似此若不早加禁緝則黨類日蕃猖狂日
甚將來之患恐有不可言者臣愚待罪理鹽今鹽徒
竊發皆臣奉職無狀所致是以不敢隱昧以滋禍蔓
伏乞

勅下該部轉行鳳陽等處督撫衙門嚴督各該軍衛
有司俱要同心協力先將渠魁張白花等擒拿以後

但遇前項鹽徒生發即便互相傳報彼此應援或堵截
要津以防其去路或究正巢穴以止其窩藏多方擒捕
務期盡絕如或所過地方任其往來官員坐視不理者
許臣指名叅究重加懲治庶緝捕盡心而鹽徒之儆私
販屏跡而官鹽亦通矣

題爲鹽課侵折太多懇乞

聖明嚴責成以便催督事臣惟鹽廩之積貯爲飛輓之資
關係匪細而運司之分司廼督課之職委任匪輕臣初
至兩淮即以鹽課之登耗考之各該分司官皆懵然不知

若以爲非已責者臣隨於隆慶二年九月間徧歷各場
分投委官查盤去後續據揚州府通判秦可久等查
報前來各場鹽課歷年侵欺消折不等共少六十一萬
五千四百四十引有零臣聞之不勝駭異夫海場之產
鹽甚易竈戶之餘鹽甚多而正課若此其侵折者豈
小竈之拖欠耶徐訪其故皆因分司官因循玩愒全
不以

國課爲重舉七十萬之鹽盡付之三十場官之手完與不
完曾未有能啓齒一問者是以總催人等納賄官攢通
同作弊盡將小竈名鹽包收入已或賣與商人添包或

交結大夥興販或為勢豪所逼湊還私債運司止以
催取通關為了事竟不知鹽廩之虛實也雖節經臣等
衙門查盤問罪譬如一時湯火閃爍易過既查之後
各場官總依舊朦朧惟以繳詳為塞責耳何曾實有
千百引之鹽以還官耶言之至此實可痛恨若不及此
立法責成各官將來弊日益滋課日益損商人不勝其
守支之苦而稽遲壅滯

國用邊儲將何所藉以取足也伏乞

勅下戶部早行議處將一切鹽課盡責之各該分司使
嚴督所屬官攢趁時催徵計引入倉務要當年完

足稽查無弊方許出給通關凡該年鹽課延至次年三月不完者分司官與官攢一體住俸至一年不完者各降一級其虛出通關而廩無實鹽者除官攢總催照例問遣外分司官不能覺察亦不罷軟論黜若有別項情由仍從重論凡遇陞遷給由先查經管鹽課但有未完又侵欺者俱不許離任仍著為定例使永久遵守庶乎在司官知有專督之責則徵查必勤在總催憚其防閑之密而侵損者亦少矣其隆慶元年以前侵欺過鹽課亦卽行令今三分司官俱以隆慶三年為始每年帶徵三分之一務要三年通完仍另貯一廩

乃給實收不許踵襲常套虛報塞責若嘉靖三十九年
以前鹽課除見在聽支外少鹽一萬六千七百一十五引
妄係支剩年久風雨消折必欲盡數追賠恐貧竈多有
不堪合無念其看守之久連累多端姑與除豁果有該
年勘合到司量將收賣餘鹽處補則商竈均之不累
是有望於

皇上特恩也再照分司旣以督課為職然必任久而後可
以責成近來分司員缺大率處以謫官員豪雄者多
不屑於就職覲遷轉者人無心於任事是官雖設猶不設
也欲其事不廢他誠難矣伏乞

勅下該部再量行酌處今後三分司官不拘陞除謫調俱
覆任之後或二年或三年稍有成效方可轉遷凡授此
職者亦要依期赴任不許故違憑限坐待陞轉敢
有在家遷延觀望至半年以上不赴任者許臣指
名叅究重行懲降此不惟官有任事之心可免廢弛
之虞且杜其覬覦之念未必非所以成就遷謫者也

奏爲病久不能供職懇乞

天恩容令回籍調理事該臣欽奉

勅諭督理兩淮鹽課隆慶二年四月二十五日接管視事今

隆慶三年四月二十四日一年已滿方懼奉職無狀豈敢
因疾辭勞顧臣稟賦原薄身體原弱先於今歲二月
間廵歷泗州因是飲食不節兼以勞心動火忽然頭
暈目眩顛臥於地即神散氣沮昏惑不省至半日始蘇
常覺中心恍惚驚悸似有所追捕者彼時臣猶以為元
氣素實偶爾動火不足為慮調理未及數日復出辦
事以此每遇勞苦前疾輒便舉發一發或五六日或八
九日晝夜惶怖坐臥不寧然猶未甚也不意延緩日
久積病日深至五月初二日又因勞感無觸風邪遂氣
息喘急胃膈惡逆頭目沉重不能舉視手足軟而無力

逐日昏暈惕無寧時且兩肋脹飽飲食不進詢之醫人
皆謂病久傷神非一時所能調理心掃空閑事僻居一
室徐徐服藥方可圖效臣思憲職不容一日無事關
防難於頻數迎醫調理不便非惟臣之微軀難保而
曠職廢事臣之罪過又有甚焉伏望

聖慈憫臣孤弱放臣回籍倘得苟全性命則臣有再生之
慶皆

陛下之所賜也臣區區不勝感激瞻望之至

題為薦舉兵備官員以昭激勸事臣竊惟兵備之職

風紀攸司而江北之付託尤重臣奉

命督理兩淮鹽法兼管海防河道其於各兵備官員蓋嘗
留心訪試頗得其真今茲壹年已滿荷蒙

聖恩容臣回籍調理臣謹以賢能昭著者為

皇上陳之除徐州兵備副使陳奎賢勞茂著今已告病
回籍不敢槩舉外訪得海防道兵備副使傅希摯
器宇恢宏才猷縝密民情吏弊之周知若燭照數計
而龜卜網紀兵戎之振肅似石畫井辯而淵澄議鹽政
平竈差調停深協輿論清軍餉查驛傳擢節不失人
情刑罰握寬嚴之中而民懷其惠裁剗得果斷之法

而吏服其威賴州兵備愈事劉得寬朴素不同乎
流俗簡靜自遠於塵囂練戎務則調度多方而群
黎有賴興屯政則懇查盡法而宿弊一清幹濟之志
不遑於寢食之安憂勤之深何計其疾瘁之苦器
業已知不凡人品尤為高古此二臣者雖才能政績
各有不同均之為兵備之賢所當薦揚以備擢用
者也如蒙伏乞

勅下吏部再加查訪如果臣言不謬將傅希擊等循資擢用
庶激勵有道而賢才思奮其於鹽法海防所裨不
淺矣

題為舉劾有司官員以昭勸懲以飭鹽政事臣竊
惟有司最為親民而政治之得失關於生民之休戚
鹽法之通塞斯甄別之典不容以不嚴也臣待罪兩
淮壹年已滿其於按屬有司固嘗隨事考驗多方
博訪賢與不肖似得於聞見之真謹據實為

皇上陳之除廬州府同知鄧一相宿遷縣知縣宋伯華
山陽縣知縣高時泰興縣知縣朱南雍俱賢能任
淺兩淮運司運使徐衍祚儀真縣知縣劉訥清河
縣知縣劉文彬俱賢能禮待不敢槩舉外訪得淮安
府知府黃國華卓識宏才淵思邃養地當盤錯而

措置有方歲值凶荒而無鮮知愛禁火耗平羨餘見
一塵之不染清驛連厚儲蓄知百廢之俱興理詞訟
而請託不行查錢糧而飛詭以正風清弊絕允為保障
之資吏畏民懷何忝循良之業鳳陽府知府周汝德
沉潛之度縝密之思防姦弊而御之以謹嚴撫刁疲
而治之以鎮靜錢糧之出入親自稽查訟獄之質成共
推平恕濬塘渠修學宮民事與文事俱舉清驛傳
重鹽禁積滯並積敗頓消屬邑承風黎民仰德揚州
府同知陳觀衡器宇磊落性資剛方雄才益精于久
練而勤勵如風之生壯志不回于屢遷而威嚴如霜之

肅鎮瓜洲則寇盜潛踪江洋免騷擾之患署府篆則
姦猾歛手公門絕苞苴之私有守有爲任勞任怨
淮安府同知劉應民情性閑雅志慮精詳敷陳時
政調停曲中機宜查盤錢糧綜覈不尚科細防範
密而左右無窺竊之姦問斷審而遠近播仁明之譽
運司副使楚孔生性資醇篤才思沉毅散賑濟清草
蕩萬竈稱平公掣手詳獄情商民仰德收課銀
而一毫不染署司篆而百度咸興揚州府通判秦可
久性質實而心尤謹恪才敏練而事更周慎承委賑
濟則給散有法而民受其恩清查鹽糧則丈量得休

而竈服其智不激不隨惟徵適緩急之序克勤克
儉署篆聞撫字之聲泗州知州張鎬強毅之性振
拔之才嚴稽察以杜侵漁羣姦翕然退聽運精明
以修廢墜百務煥然更新思民力之惟艱經費悉
從節省知鹽政之積弊條陳尤切時宜學政俱優
才守並茂和州知州晉朝臣識見精明才猷老練洞
悉民間之利病而興革盡心深知衙門之奸蠹而搜
剔盡力供應不擾乎里甲編派務秉其公平政皆宜民
守允潔己靈璧縣知縣薛志義本愷悌之德而濟
之以剛明有精銳之才而出之以沉靜審編則多方籌

計貧富適均折獄則委曲求情原被不枉羊夫羊馬
羊民壯無經之費悉除修學修舍修城垣有要之政
盡舉廢稟積實囹圄虛空清澹有寒素之風悃
悃絕近名之意安東縣知縣范惟恭器識厚重而
有文才幹明敏而有體留心節省里甲復蘇銳意
招徠流移歸業查欺隱則履畝稅糧而完報甚易
慎刑罰則原情鞫獄而末減尤多作養首念乎儒
生寬恤并及於商賈鳳陽縣知縣王一卿器局凝重
才識精明處繁劇之地剖決如流當廢弛之餘振刷
尤銳給牛種以撫流移而復業者不下百有餘戶汰

浮費以蘇困苦而改觀者已見十有數端聽斷則兩
造俱服操持則一塵不染以上數臣雖資格不同行能
各異要之皆廉勤公謹所當薦揚者也又訪得興化
縣知縣李戴年青而丰姿秀麗才敏而事體練達因
賦稅之偏重而隨事曲為調停知民力之困疲而諸用
皆從節省招撫流移之戶逋欠者與之豁除革刷積
慝之姦舞文者為之申宥嚴一介以率官常公廉
自信著六條以還淳俗治教更新法家誠如老吏經
術豈愧科名舒城縣知縣徐成位溫純和易之度明
朗決斷之才崇儉約以律已而里甲不煩持鎮重以

安民而地方有賴徭役得調停之法惟徵適緩急之
宜查侵欺行文量田賦一舉可正黜冗役清冒濫經
費充然有餘此二臣者履任未深芳聲已著所宜
併薦以需遠效者也入訪得壽州知州今陞任楊
惟喬貌恭足以要譽智巧足以濟貪指修城請銀
數千兩而上料皆派之於民申請之銀安在因放
賑發銀一千兩而稍穀皆罰之於衆發下之數何
存庫銀似不可動也廼敢侵五百兩以入已見有糧
房吏魏祝招認甚明磨稅似不可匿也廼歲剋四百
兩以肥家見有經收簿具在一查便見官塘易稻已

非明文矣而太平折取佃戶毛仁等可審也鹽引
納稅已為阻滯矣而全然乾沒戶吏齊寵等可證
也詞訟濫行科罰而追比更苦錢糧加收火耗而
剋減尤多此一臣者貪跡顯著物議沸騰離任雖
久民怨猶深所當亟為罷斥以清仕路者也運司
同知杜棟年資衰暮志氣昏庸攝釐政而諸務
不知真如木偶署分司而一籌莫展有愧素官經
紀黃應鳳等四十八家無故而換帖豈非各圖紙
銀三兩引行阮必通等一百餘戶有意而邏致迺
共索其常例百金進表盤費自有公處矣而各

場又派水夫銀不下二百用之果能盡乎到任家
火原有定例矣而各店又料器用銀五十餘金要之
皆入已也聽斷取決于私衙徒致民謠之擾擾土宜
買辦于行戶難免物議之紛紛此一臣者操守雖
未至於大壞而才力則甚不可驅策所當容令致
仕者也淮安府通判崔相性本迂緩才更疎庸施
為常顧左右滿聽皆簸弄之徒裁決止憑吏書一
座如泥塑之狀在賴州信用皂隸李相致騙鄭党
之百金打點人言嘖嘖佐淮安繼令家人崔二官得與
門快等禮節往來物議紛紛發批票則爭奪擁案

銷繳漫無所稽聽詞訟則執言盈庭曲直竟不能辨
署印邳州將及三月祇見諸務廢弛督理河工幾有
半年未聞一籌展布臨淮縣知縣賈輅心昧而性
緩才庸而志疎文移之沉閣者滿案裁割一無所
能左右之縱橫者盈庭威嚴全然不立崔後泉積
年書辦也任其指稱以誑鬴知誰入已李輔等問
發軍紀也聽其出入以打詐安可咎人徒嗜盃酒以
自娛盜賊入城而不知惟求罰贖以自私百姓困苦而
莫恤審編徭役隨撥置定貧富坐派者大半皆失其
平分理詞訟以傍言辯曲直質成者十中九合其冤

事決於吏皂之口何辭乎賈官之名此二臣者論才則委靡不堪論守則操持未定均之所宜降調閑散以示懲創者也如蒙伏乞

勅下吏部再加查訪倘果臣言不謬將黃國華等循資擢用李戴等久任責成楊惟喬罷斥杜棟致仕崔相等降調庶乎賢者有所勸不肖者有所懲吏

治修而

國計生民均為有補矣

題為循例舉劾江南有司官員以飭吏治事臣奉

命督課兩淮凡江南應太寧池安慶五府所屬皆係按屬
地方今廵歷已周聞見頗悉謹以耳目所及尤得其
真者爲我

皇上言之除太平府推官鍾庚陽南陵縣知縣熊瑞宣
城縣知縣李東井芳聲漸著履任尚淺安慶府同
知劉愷東流縣知縣王作書江浦縣知縣王之綱才
守素優已經禮待俱不敢槩舉外訪得寧國府
知府鍾一元器宇端凝才猷精練布條教以諭黎庶
導化克先嚴體統以來官僚紀綱聿振裁冗役省
公費諄然節用愛民之心革火耗謝請託確乎別

嫌明微之意。補偏救弊。事事更新。尚德緩刑。人人懷惠。慈祥可比古之召杜。正大不愧今之循良。池州府知府馮叔吉恢宏博大之體。縝密詳明之政。剔衙門之姦蠹。雖積胥巨猾。屏跡而無遺。念里甲之困窮。即片割寸絲。絕塵而不染。積粟練兵。有憂深慮遠之謀。省刑薄稅。知恤災救饑之方。文事與武備兼全。才幹與操守並著。應天府治中王簡器度凝重。才識通明。約已以防姦吏。胥無舞文之弊。正身以率物。衙門絕請託之私。不激不隨。屬僚皆推其中。正有才有守。百姓咸仰其嚴明。應天府通

判羅鳳翔老成之度明練之才總糧則查催有序
管馬則綜核無遺審編旬容糧長而條陳興革五
事鑿鑿可行稽查漂陽積弊而裁革冗費數件井
井足法御史嚴而關防甚肅持心恕而折獄允平太平
府通判郭大綸性溫而圭角不露守正而安節不渝
署篆惟務寬厚訟理而政日益平督稅無事苛求賦
足而民稱不擾官雖屢改見寒素之如初宦已久淹
渾怨尤之不作安慶府同知管高淳縣事鄧楚望
德器醇正才識精明崇儉約以律已而無名之供應
悉除尚雅淡以寬民而有常之經費亦省十條布政

動億萬口懽聲五事均田舒百十年積困入其境
惟見盜息民安觀其政久矣風清弊絕桐城縣知縣
周芸性敏而器識老成養邃而才猷暢達條議數千
言罔非便民美意更革三五事率皆可久良規省支
費慎審編合境播青天之頌懲奸頑禁刁惡一路騰
鐵面之謠當官曲盡乎六事守己更嚴於四知涇縣
知縣劉世亨雅飭不群敦厚可掬慈祥愷悌以存心
精明嚴毅以立政崇儉去奢衙無供應之需發奸摘
伏邑有神明之譽置社倉而豐凶有賴練保甲而防
禦胥資清操始終不渝賢聲遐邇無間以上數臣

雖才質不同均之廉能公謹為有司之良所當薦
揚者也又訪得池州府同知葉璽性資滑稽假側
媚而恣嗜慾行藏狙詐似柔和而甚姦深掠美譽於
長官趨承無所不至徼聲名於僚友遮掩何所不為
指稱進表為由則索貴池長夫銀八十兩皂隸銀七
十兩而其所用者仍舊共派於五縣假以京費為辭則受
各縣贐禮銀四十八折馬銀二十四而其所費者照常分派
於六屬昔任雲和贓跡狼敗人稱老葉如虎今署青陽
費用奢侈民言度日如年迎上司剪段裹柱裁錦結
花靡而無益待過客盛張酒宴厚贈餽遺濫不可言

借口查盤而剋落者排年備用銀一百二十兩里甲鋪陳銀一百七十兩知之者徐璋張志賢也公然明目而索取者收頭大耗銀五百兩庫吏交盤銀二百兩出之者李雲鶚張一鎮也姜阜林為人命受銀八十兩沉埋半年而不問江鍵占官山受銀三十兩延擿數月而不行物議已騰官箴漸喪此一臣者才以可惜而行不厭衆所宜重行降調以示改圖者也如蒙伏乞

勅下吏部再加查訪倘以臣言不謬將鍾一元等循資擢用行取葉璽降調庶淑慝分而庶官自勵黜陟當而治道益隆矣

題為循例舉劾武職官員以昭勸懲事臣竊惟淮海

防汛要扼所關而兵勇雜陳將領為急邇來仰伏

天威濱海無警江北稍寧諸將官之先事戒嚴矢心圖報

者固有而宴安怠肆專意營私者不無其人也臣督

鹺兩淮兼管海防巡歷所至見聞頗的謹以賢否之

尤者為

皇上陳之訪得狼山副總兵王繼祖丰姿魁偉膽畧驍

雅謹厚少文謙退彷彿乎大樹善射多武長技可比

於穿楊時操閱而紀律甚肅公賞罰而激勸尤嚴念

軍餉之詘乏供億且裁足徵清修之節懲卒伍之

虛冒請託併謝尤見任事之心兵糧馬料驗給無
憚於身親戎器戰船造作必求其堅利恩威大服乎
三軍智勇可當乎一面此一臣者所當薦揚以備大將
之選者也又訪得儀真守備時熙年已衰殘性殊貪
婪據防禦之重地訓練全無假緝捕之圈套騙詐
為事酣飲不分晝夜全鎮之痛癢何關嗜財奚辯
軍民一方之脂膏殆盡強盜重情也得富戶楊瑚等銀
百五十兩免其咬攀過付者舍人白代也私鹽重禁也
得楊舉等銀五十餘兩任其興販引進者舍人陳表也
良民劉招機兵張虎一嫁禍於賊口一羅織於買倡共

要銀七十餘兩毛冕為之歛收者民徐甫寡婦任氏
一誣陷於開賭一故容其江船共要銀三十四兩金佃為之
通送書手張近波在傍公然通賄索堆鹽牌所戴璋
等十三家銀一百七十兩代辦陶允中立地幫翼營私索
大夥鹽徒孫琳等共八起銀二百四十兩以出

表為由而罰銀及於僧人真果等取之不遺錙銖以禁約
為名而攫金至於樂戶陳銀等鄙之奚啻穿窬此一臣
者官箴久喪民怨已深所當亟行罷斥以痛快人心者
也如蒙伏乞

勅下兵部再加查訪果以臣言不謬將王繼祖酌量推用

時熙罷并庶旌別明而將領思奮用金當而海防益
飭矣

題為餘剩鹽課懇乞

天恩暫借買引以蘇商困事查先奉都察院勘劄准

戶部咨該臣會同總理鹽屯都御史龍尚鵬

題將割沒餘銀暫留二十萬兩以備買邊商倉鈔該戶部

議恐遲悞邊餉要責臣及運司酌處補解方准施行覆奉

欽依備行到臣除欽遵外臣今查得自隆慶二年七月起至

本年十二月止掣過淮南邊字四百八十七單該餘鹽

銀六萬五百八十九兩四錢二分儀字四百八十八單該餘
鹽銀六萬四千四百九十九兩五錢九分八釐邊字四百
八十九單該餘鹽銀六萬六千七百七十七兩八錢四分
二釐儀字四百九十單該餘鹽銀六萬五千五百二十
三兩三錢五分九釐淮北淮字二百六十單該餘鹽銀
三萬二百二十五兩六錢一分淮字二百六十一單該餘鹽
銀三萬一千三百一十兩二錢二釐以上六單共掣銀
三十一萬八千九百二十六兩三分一釐除解部外尚餘剩
銀一萬八千九百二十六兩三分一釐自隆慶三年正月
起至本年六月止掣過淮南邊字四百九十一單該餘

鹽銀七萬一千一百四十兩六錢三分一釐儀字四百九十
二單該餘鹽銀六萬八千五百六十五兩八錢二分八釐
儀字四百九十三單該餘鹽銀六萬九千四百七十八
兩九錢二釐儀字四百九十四單該餘鹽銀六萬七千
三百八十三兩七錢一分八釐淮北淮字二百六十二單該
餘鹽銀二萬九千八百五兩一錢六分四釐淮字二百六
拾三單該餘鹽銀三萬四千二百六十六兩五錢八分一
釐以上六單共掣銀三十四萬六千四百四十兩八錢二分四
釐除解部外尚餘剩銀四萬六千四百四十兩八錢二分四釐
此外又有邊商殘鹽五萬九千引有奇向因停止河

鹽以致進退無據該臣權宜酌處隨單掣放不得正課又共掣過銀四萬六千一百四兩七錢九分六釐連前二項通共餘銀一十萬五千六百七十一兩六錢五分一釐皆係正課之外一年所積者見今徵收將完且欲暫留在司備買邊商倉鈔候三年之後引鹽疏通仍將前銀作為餘數盡行解部接濟邊儲如蒙伏乞

勅下該部再加覆議

俯賜施行則邊商不困於留滯而邊儲之上納亦速矣臣已奉有

成命回籍養病但干錢糧未經題

請萬一乏解不明皆臣之罪也輒敢冒昧上
瀆臣無任激切恐懼之至

雅揚雜錄

卷之二

會稿

往

抄錄會題稿

議鹽法疏

題為清理鹽法事竊惟

國家經費莫大於邊儲兩淮煮海為鹽歲課甲天下九
邊之供億實賴之先年邊計常盈公私無利邇來時
異勢殊沿革不一成法幾於蕩然矣或取給於一時
而不防其末流之患或牽持於衆論而不察其受弊
之源專事紛更迄無寧歲臣職叨觀察之任愧無經
畧之才博採輿情旁稽往牒衆言淆亂有難折衷已
經督同各該兵備道及運司府州縣等官就事叅詳

因時考訂復會同巡撫廬鳳等處地方都察院左副
都御史方總理江北等處鹽屯都察院右僉都御史
龐悉加籌度曲示劑量酌通變權宜之方為救弊
補偏之術欽遵

勅諭條目照款開陳實出于慮之愚似為一得之見伏乞

勅下該部再加覆議若果臣言可採俯賜施行則鹽法
自此疏通邊儲永有攸賴矣臣無任激切竚望之至為此
具本謹題請

旨

計開

壅滯者作何疏通

一設法銷引夫引目壅滯則鹽法不通積累數多則勢難盡掣如先年加增工本鹽三十五萬引以致停積引目至五百有餘萬此壅滯之病根也若非權宜酌處終無疏通之期查得淮南每年掣鹽八單每單七萬三千引今議加為八萬五千引淮北每年四單每單該鹽五萬引今議加為五萬五千引淮南淮北每歲共加引一十一萬六千有奇行鹽地方消遣甚易商人稱課額益增見在堆鹽不三年可以盡掣矣至

於銷引銷鹽皆疏通之良法除各單加掣外更
欲比照嘉靖初年事例改行小鹽每引止四百
八十五斤淮南納銀五錢二分五厘淮北三錢七分
三厘若令即日解細小包未免工費繁難商人
虧損恭候題奉

欽依到日為始即行各場細鹽俱照嘉靖初年斤數不許過
多候堆鹽掣手盡然後挨掣小鹽淮南每單八
萬五千引扣筭加增為十萬四千引淮北五萬
五千引扣筭加增為七萬引一年之內復多銷
引目二十一萬有奇較諸常額每年多銷引目

共三十二萬八千引疏通之法何以加此或曰小鹽
之行銷引雖易每年少餘銀二萬五千七百六
十兩於課額得無損乎臣反覆思之歲額餘銀
六十萬非盡為餘鹽得此蓋於割沒取盈焉今引
目既多則割沒益倍矣當不下十萬之數又何
患餘銀之不足乎每引少餘鹽六十五斤因而
減納餘銀一錢七分五釐一則寬恤商人一則疏通
引目不惟可銷目前之壅滯雖傳之經久似亦
可行而無窒碍矣若欲照見行則例每引五百
五十斤須待引目盡銷之後再加酌議另行亦

未為晚也伏乞

聖裁

一稽查實效竊惟天下之事職掌既相關則責成當有明法彼此相退託則綜覈盡為虛文兩淮行鹽地方除臣歲經廵考成外其餘事關各省禁令難齊先年總理鹽法都御史累經題奉

欽依坐委江西湖廣河南鹽法道嚴行監督各該有司以銷引之多寡別功過之殿最其有不及數者即考滿給由嚴行查覈叅問住俸各有明條而該道之舉劾臣實柄之法可謂詳且密矣然引之銷

繳十無四五官之勸懲百無二三若舉刺該道則
寂乎未聞此無他皆積習相沿之過也臣至兩淮

查前後題

請事宜悉已通行各省矣然稽其成效造報者誰與覆覈
者誰與簿牒全不相聞功罪何由考見鹽法之
壅塞何恠其然也臣愚再三籌之謂各省地方郡
縣遼邈獨以鹽法道一人兼督雖稱事有專職
其實勢力難必行遇智巧有司輒以空文相蒙蔽
豈能二就近察之且文移往來動經旬月興革利
病其能幾何查得各府皆有守巡道分駐一方就

令將部內州縣各從近地分管某州縣隸分守道
某州縣隸分巡道各府州縣設立循環文簿二扇
每季內開商人運到官鹽若干引目若干或自行
發賣或鋪戶轉販彼此有無抑勒鹽法果否疏通
州縣一體查造各府併造所屬凡有利弊事宜逐
一具詳區處如或水陸難行商人不到有何緣由
俱要明開以便查議每季終將原簿并截角文
引同時賫送各該道覆查無異即另具印鈐白
簿一扇通將分理府州縣驗其引目分別功罪某
完及幾分某不及幾分遵照先年題

隹事埋明開某應旌異某應戒飭或叅問住俸等項各為
差等聽臣上半年於六月終下半年於十二月
終查道路遠近各差人給與脚力費文前去查取
守巡道即以原引連簿封付本差領回臣即將
各守巡道所擬再加叅酌照例開列條款應叅
者叅應獎者獎通於接管一年內具

題該部據實覆

請亟加勸懲其守巡道坐視遷延及無所甄別通行叅究往年
一切公文絕不相報故不得已勒限差人以便查考
庶隨在皆有責成不致仍前視為文具而鹽法

庶乎其流通矣所謂官鹽不到之處設法以行
官鹽者是也伏乞

聖裁

一單除煩擾查得先年總理鹽法都御史題奉

欽依凡商人運鹽前往江西湖廣等處俱赴鹽法道查驗船

隻及於布政司查對引目方許分行各府發賣

其所以防察姦弊可謂詳矣近據商人告稱鹽

船報到即蒙本道分委本司首領官前來查

船往往酷索常例肆意留難不即回覆或遇出

巡即連月守候控訴無由夫商人行鹽各省近者

數百里遠者千餘里私鹽夾帶之弊累經盤詰
似無遁情今盡令運赴省城委官查驗非惟橫起
科索抑且淹滯歲時求鹽法之不壅滯亦難矣
臣愚欲令各商徑赴原派府分投引發鹽若有
別項弊端俱聽該府覺察文引截角連季報簿
送守巡道類繳不必復由布政司鹽法道查驗以
省煩文以杜紛擾此亦清壅滯之一端也至於查比
私鹽坐委巡鹽官比照淮浙事例隨各州縣衛所
之煩簡而責捕私鹽斤數各以是為差皆鹽法
道定擬委官呈撫按衙門詳奪若按季查比仍

專屬守巡道就近督責庶免跋涉之勞鹽法道則兼理一省官鹽之通塞責在掌印官私鹽之禁捕責在巡鹽官各考其經理之實分別功罪歲終備造文冊送臣查覈施行該道之賢否於此考見而舉刺因之則事不勞而民不擾法其必行矣所謂官鹽既到之處設法以禁私鹽者是也伏乞

聖裁

一議減開中竊惟兩淮鹽法自昔疏通近因開中數多而商人附帶餘鹽益倍蓰無筭鹽多則消遣不盡引多則支掣不及日積月累力無所施今

工本之鹽已停一二年來漸見疏通此其明驗也然
守支商人今猶苦之查得

舊制兩淮鹽法七分常股三分存積近因報中紛紛而二項
名色亦混然無辯矣今欲於七分常股照常開
中而存積三分暫行停止使引目既少鹽價必增
人情樂趨而疏通立見矣此於本色供邊之數雖一
時未免少減然權宜通變責效將來誠未可
屑屑為錙銖計也况掣鹽之數一如往年解部
餘銀照常不廢亦何憚而不為耶稍待引目既
銷仍前開中不得拘此為例較損益利害之間於

此當有權衡矣伏乞

聖裁

一先期給引查得鹽運司每年預處官銀遵奉

欽依事理差人前往南京戶部請給當年引目回司給發商

人以免守候之苦此法人人稱便但據各商告稱南

部請引姦弊多端托故留難科索無厭有後至

而先給者有坐守經年而展轉遷延者此皆職掌

官員失於稽察以致左右人等任意科求商人久

羈鹽法壅滯亦多坐此臣愚乞行南京戶部每

年坐委司官一員專管鹽引如運司預請開給

即呈臣移文該部經管官員務要依期給發
仍具回文查驗若復仍前遲悞據實查叅庶
事有專職閔領如期而商人支鹽不致曠日持
久矣其借支引價通候商人補還實為公私俱
便伏乞

聖裁

私販者作何禁制

一收買餘鹽查得私鹽橫溢則官鹽壅滯而私販之
所以盛行者以餘鹽未盡區處也蓋動竈數口
之家全資餘鹽以為歲計若商人收買不盡則

其勢不得不歸諸私販矣今欲查各戶竈丁之多寡人力之強弱盤鐵若干草蕩若干涵池若干終歲所煎正鹽若干應有餘鹽若干分司官先期督同場官總催人等逐戶面審登記簿籍每年除正鹽併商人收買餘鹽外仍有剩數若干官為收買其合用鹽價請於割沒餘銀內借留十餘萬以備支用或謂官買餘鹽即竈丁與官交易未免納鹽有轉輸之難給銀有守候之苦其何以堪若轉販於民間即俄頃立就絕無留難雖至愚者亦豈肯舍此而趨彼哉此其說誠然臣

三復思之亦處之未盡其方云耳查得各場多
殷實竈丁皆習聞鹽場之利病而朝夕與俱者
也今欲於上場僉四名中下場各二名免其總催
等役責令管買餘鹽按月給領官銀授以印
信文簿令其將銀自一錢以上者皆預先鑒定各
照輕重數目另封收貯如遇竈丁交鹽即時秤對
明白就給見銀不許頃刻番滯其各場俱有鹽倉
通行修理苫蓋每倉添設人夫大場四名小場二
名同原設倉夫看守如有侵欺各從重追究每
年收買餘鹽或貯以為存積或給買補商人令

其照常納價其苫蓋席草等項俱用官銀每半月該場官吏查算一次每月終將買過鹽斤用過銀兩開印信手本送各該分司稽查每季終各分司親赴各場照依月報數目查丈鹽斤有無少欠類造鹽冊關送總司備呈臣每年冬夏二季造冊報部查考凡一切典守之責或力不能支如水火盜賊之類即分司官親行勘驗不得貽害追陪其收支各項利弊事宜俱聽逐一稟官亟為酌處使彼身任其勞永無後累庶經久可行至於餘鹽之價比商人交易者量為增益蓋鹽倉

之遠近難齊道路之險夷不一有商人應支正鹽而榜派場分隔遠自願別場買補不願本場關支以避腳價之費即此推之則竈丁餘鹽不可不收而其價實有不可強同悉聽分司官隨地劑量曲為區處每百斤比常價或加五分或加三分使竈丁樂於官買而翕然從之乃為長策其收買之人如有抑勒虧損許竈丁即時口告以憑究罪若竈丁未納正鹽先行轉賣及販與鹽徒定行從重處治各分司刻示曉諭通知以便遵守或曰解部餘銀歲不可缺今借買餘鹽則不能取足原額矣年

例所需何以應之夫事固有先損而後益者借餘銀以買餘鹽銀固不能依期以解部而原銀初未嘗損也況所收餘鹽番為存積以備他年開中則其利更有不可勝言者臣所謂毋取給於目前而圖為經久之利者此類是也若夫監臨督察皆臣主之庶隨事責成私鹽不禁而自息矣伏乞

聖裁

一禁止私煎查得淮南安豐諸場鹽出於煎燒必藉用盤鐵淮北白駒諸場鹽出於攤晒必借用埵池然盤鉄原有定額埵池原有定口非竈戶所

得私專置造也。今則家家增鑛，戶戶開池場。官畏而不敢問，司官遠而不及知。私晒私煎，日增月盛。蓋不知私鹽之積，將何所紀極也。失此不治，而規規於私鹽之緝捕，譬諸治水，泉源方濬，丸泥可封。洚水橫流，則千防莫障矣。臣細加思度，訪之貧竈，極陳時弊。謂在嘉靖叁拾年舊鑛損壞，告官修理。富竈奸商合謀作弊，始告於官曰：「盤鐵重大而難於修補，鍋鑛輕省而便於置造。且盤煎之鹽青而緇，鍋鑛之鹽白而潔。」商人有取舍焉。官司聽其便宜而許之。鍋鑛之興，始於

此然猶官有防禁也繼而富竈與經紀合謀再白
於官曰鍋鐵雖容置買但鐵冶住在鎮江隔越長江
之險置買甚難乞要召將開鋪於揚州就近買辦
免遭復溺官司又墮其可欺之方而信之遂召鐵
匠就白塔河開場鼓鑄而擅買私鐵者明目張膽
而為之縱橫絡繹蕩然而莫之禁矣是以各場富
竈家置三五鍋者有之家置十鍋者有之貧竈
為之傭工草蕩因而被占巨船興販歲無虛日
問其一鍋日煎火鹽幾何謂每鍋一伏火可得火
鹽一大桶一伏火者一日一夜也一大桶者以斤計之

可得二百餘斤也夫一鍋日計火鹽可得二百斤
則十鍋一日可得二千斤百鍋一百可得二萬斤
各場終歲殆莫計其幾千百萬矣多方緝捕
可得而止之乎今欲將鐵匠即日遞回鎮江原籍
不許留住揚州開鑄以絕其私煎之具各分司官
督令各場官吏親詣各場督同總催竈頭逐場
逐戶查報磚池若干私池若干盤鐵若干官鐵
若干私鐵若干盡數開申以憑酌量每場用盤
幾角用鐵幾口計一場額鹽若干皆用鍋鐵若干
如盤鐵不便煎燒從宜易以鍋鐵亦可也但須

官為置造每一官鐵必鑄造運司花押無花押則為私鐵置私鐵比照私鹽千斤坐以重罪有犯而不舉者則同竈連坐本場官吏坐贓併究至於晒鹽場分私築鹽池者盡行填塞每歲臣出其不意倏委一官行查庶幾法禁嚴而私鹽絕私鹽絕而興販息矣蓋鹽徒之出沒無定而巡緝為難竈戶之煎煮有常而禁捕為易其本又在三分司官各在本場住劄以時督率場官巡視譏察則姦弊無所逃矣否則以邊海產鹽之地而盡委於十數場官而責其令行於姦竈私煎私鐵其

可得而禁乎說者又謂鹽法固在通商尤當恤竈
假令盡禁私煎彼貧竈日不聊生將何所資以
為衣食俯仰計耶此其慮誠然臣愚則曰置私
鑛私池以私煎者非貧竈之力所能為也皆富竈
有力者之所為也貧竈無立錫之地不過自食其
力而已惟富竈累貲千萬交結場官串通總催
大開國鬻之門坐收壟斷之利若一槩姑息而不
思所以處之是所恤竈小而妨者大也此私煎之所
以不可不禁也伏乞

聖裁

一巡鹽委官凡行鹽之地皆有巡鹽官所以捕私鹽而禁私販者也近來軍衛有司員缺數多且踴稱廉幹者尤不易得或管糧管河巡捕清軍及部解錢糧各有差占此外復擇巡鹽官亦難矣往往以雜職備員所領巡鹽兵夫不過數名小販且不能追捕况大夥鹽徒孰能撓之今議巡鹽除有堪委官員外如無即屬巡捕兼管凡私鹽強竊盜皆得而捕之如遇鹽徒橫行力不能制水路則飛報各水寨叅遊等官陸路則飛報各州縣巡司及整堡巡路等官亦其所至必使盡數就擒而後已若徘徊

觀望不行飛報而水陸官兵不行追捕或受財故
縱各該守巡鹽法兵備道不時查訪一有故犯
即便叅呈以憑拏問其各處叅遊守備等官
通行巡撫操江衙門給與批劄使得無捕鹽徒
隨地巡緝一體督責施行其捕獲私鹽而執稱鹽
犯脫逃者不錄其功仍追究賣放之人所獲鹽犯
各根究來歷原係某場某竈丁轉賣棒頭何
人官攬何人及經由某處地方巡鹽人員一體究問
連坐庶幾校本塞源而私販或可息矣伏乞

聖裁

專利偏累者作何調停

一酌處引價查得

國初原無邊商內商名色自邊商難於守支故賣引於內
商內商難於報中故買引於邊商一專報中一
專守支其初鹽法疏通引可速賣鹽可速掣
彼此交易兩利俱全今鹽法不行在內商有支鹽
上堆數年而不得掣者則其不樂於買引非得
已也勢也由是抑勒減價之弊生而邊商始蹙額
矣在邊商有中引到司數年而不得賣者則其
告掣河鹽亦非得已也勢也由是展轉增價之

議興而內商始側目矣轉相攻擊視為寇仇故曲
示調停河鹽制于三單堆鹽制于五單蓋以邊商之
報中也捐資於一二年之前輸粟於數千里之外櫛
風沐雨履危蹈險甚至官司逼勒監併鬻產以應
其求及賣倉鈔到司而又苦於內商之抑勒若非
超掣河鹽激勵而鼓舞之即諸商解散邊塞空
虛將欲導其流而先竭其源將欲強其枝而先戕
其幹為

國家飛輓者誰與此河鹽誠不可不掣矣又據邊商呂應麟
等赴臣控訴執稱河鹽既行即內商堆鹽守支年

久深以壅塞為患若分撥引目必待八年以上方得
 掣賣坐受虧損雖至愚者不為也故邊商至此
 引既不能賤售鹽復不能親支亦於是乎坐困矣
 臣反覆咨詢乃知邊人中納糧草利在賣引以資
 奇贏之利朝入淮而暮還家乃其情也今留滯他
 鄉奄踰歲月閑給引目收買餘鹽勞苦萬狀邊
 人何以堪此况餘鹽納價動稱鉅萬負重貨而
 奔走南北往返畏途豈無他虞且聞告掣河鹽
 坐規厚利者多係截買之人於沿邊報中者無與
 為故質之輿情皆稱河鹽之行否而鹽法之通塞隨

之近查內商支鹽上堆比三年前十減七八人情向背利害較然河鹽決不可不停矣然停掣河鹽而不詳議引價即彼此分爭何時而定已經劄行兵備道督同運司等官召集邊內二商從公酌議將邊商引價著為三等分撥見引淮南定銀九錢淮北定銀八錢分撥起紙關引淮南八錢淮北七錢分撥到司勘合淮南七錢淮北六錢酌量得宜彼此稱便若非設法再為區處則將來內商之仰勅邊商之坐守猶夫故也今令內商將的名報出造冊在官如遇支鹽到橋頂壩行令白塔河安東壩各巡司驗放

鹽船如商人該掣鹽一百引務要見有新引一百引
方准造單呈掣驗畢用印鈐記不得再照如無
新引不許過橋入單臣覆審各商心悅誠服謂
處分曲當別無異詞以後邊商上納糧草內商
分撥引目彼此相濟著為定規若邊商倉鈔已到
而內商執拗留難許邊商齎送運司照數給價
以便即日回邊凡有引目在官內商依原價承買其
官給價銀乞暫留割沒餘銀二十萬以備支用轉移
之間當不出三月外即原銀照常解部矣數年紛
爭寢於一旦停河鹽固所以速堆鹽也恤邊商亦所

以厚內商也自今論之邊商交涉諸艱視內商何啻
什伯蓋內商利重則趨利輕則散鹽斤非價貴不
賣餘鹽非價賤不收雖有守支之勞終獲自然之
利是專利者內商偏累者邊商也告掣河鹽乃其
不得已之下策云耳

國初正鹽之外原無餘鹽隨到旋支隨支旋掣故不勞餘力
而引目疏通今超掣河鹽似為邊商得利然支掣之
費浮于內商而轉販獲利復遠不逮焉所得無幾
而利歸稱貸之家矣然則邊商亦何樂而為此耶
故邊商自以為偏累而以專利惡內商內商亦以

為偏累而以專利仇邊商其趨利也猶水之無防也
苟無所底止則橫決之患孰能禦之溝壑之慾無
窮豈能人人盈其意惟引價一定則停河鹽於邊
商不惟推抑行堆鹽於內商不為偏利在此無
濡滯之患在彼無缺望之私二商相為表裏本相
濟而非所以相病也輿論僉同似可著為定例勒石
運司以垂經久矣復據邊商告稱引價已定人心
樂從但恐邊上管糧衙門不知商人艱苦以官價
五錢之外少有餘息復令加納糧草別生他費則
引價所得徒冒虛名終罹實害最為隱憂夫邊

商之利視內商不過十之二三耳往年鹽法疏通
邊引有增至一兩六七錢者今所擬之數豈獨擅全
利耶優恤商人使望風飛輓者不期而集乃為足
邊長策豈可以其畧有盈餘而輒苦之使規避逃
散耶况搭配浙江及山東長蘆朝齊暮越所得幾
何乞行各邊管糧郎中加意存恤毋得例外科派
強其所難庶公私無受其利鹽法疏通邊餉常盈
矣伏乞

聖裁

一割沒餘鹽查得商人掣鹽自正餘斤數外凡有多餘謂

之割沒令其每斤納銀一分照常問罪發落亦足以
示懲矣近有積筭鹽斤之多寡以為罪名之輕
重有一人而問徒數名納銀至百餘兩者有積筭
二千斤以上即引例發遣者揆之情法似為過重夫
罪無二科從一歸斷於律本有明條若一事而問徒
數名此何法也大夥鹽徒橫行水陸問官不能禁且
曲示寬假恐為厲階雖蔓引株連皆不能盡法而
鋤治之乃於各商多帶餘鹽即累徒坐軍不少貸
為輕重失其平舛亦甚矣今議割沒之鹽照原數
追罰止擬一罪不得仍前加徒及引例充軍此不但

寬恤商人實所以祇奉明法為天下持平也再照行
鹽多而銷引少壅滯之患此其大端若將割沒鹽斤
姑免重罰只積筭五百五十斤令照近日議定引價
納銀若干餘鹽銀若干賑濟挑河銀若干就將
運司收買官引給與一道以便照鹽發賣則割
沒之銀雖免而引隨鹽銷亦疏通壅滯之法也
或曰每引照鹽一包今積累斤數而以引給之恐
查驗不便且商人競打大包勢不能禁而壅塞
之弊益又甚矣夫水商買鹽自委官秤掣之後
盡解為小包則以引照包之說似不必拘泥也今

查常年割沒銀多不過七八萬以此劑量定為
則例若有分外多個大包者每斤罰銀三分即
賞之亦不為矣伏乞

聖裁

一拆鹽鋪戶查得各商人掣鹽之後運赴各州縣地方不
能親賣即有司查報殷實之家督令承買隨便
轉販而先以鹽價給商人謂之拆鹽鋪戶各該地
方去鹽場隔遠者私鹽不到官鹽大行鋪戶皆
樂為之惟淮揚地方附近鹽場民間買食私鹽
視官鹽價減十之七八以致鋪戶之鹽無地消遣官

商徵價破產包賠且報充之時有力者皆實緣脫
免惟中人之家乃身任此役其為累蓋百有餘年
矣完銷引目追併甚難鹽法壅滯此亦一端臣初
入境即紛紛起訴因召集各處水商細加訪問各
稱大江以南地廣人稠食鹽數多隨宜分派再增一
二十萬引綽然有餘已行兵備道督同運司面審
諸商開坐數目查二府拆賣之引計六萬有奇均
派各省地無致偏累鋪戶似為調停之法矣或謂
鹽法之行當自近始若附場各州縣軍民通令坐
食私鹽恐非所以明法古有計口授鹽而納值於

官其法似為可行請查各州縣戶口冊酌量差等
盡以官鹽付掌印官照里分授而歲徵其價解司
庶法守畫一遠近無議夫私鹽之禁律例甚嚴若
使法不能行則課額何由取足但鹽之給散銀之
追徵戶口實數難憑未免日增煩擾且貧難軍民
肩挑背負易米度日者原不在法禁之內則民間
買食亦不盡禁可知也况聞有汲水為溷而終歲
不食鹽者即一槩派徵可乎夫革去拆鹽鋪戶使
免偏累傾家無容議矣若使近場居民盡食官
鹽照常納價以為難行寬一分則民受一分之賜

此實有望於

陛下特恩也伏乞

聖裁

一報中糧草查得各邊開中鹽糧務要量彼處米價
貴賤及道路遠近險易定奪則例具奏召商中
納此

祖宗成規也邇年邊上中納多不依時估而轉運交收領給勘
合其間私費尤難盡言甚或以勸借為詞而陰
行科罰之計邊商之不堪命久矣糧草湧貴商人
規避遂督責沿邊有司或報殷實富戶或提原

日商人驅逼上納如捕重囚其間鬻田宅括資財破家以奔命者飲泣呼天無從籲告可勝嘆哉夫

國家以鹽課供邊其利甚大往年權貴之家囑托夤緣歛捐於其間猶恐不能入手今商人逃散招之不徠而逼勒富民代之此其利害較然矣經費無窮民力有限以九邊兵食大計而偏累無辜固非仁人之所忍聞亦豈備邊長久之計耶臣生長東方於商人中鹽納糧草利病纖息未得其詳獨念利之所在人必趨之惟裁抑已甚即嚴父不能強其子豈勢力之所能驅遣乎今議於商人報納糧草

曲加存恤減斤重寬斗頭計時估若干仍量減數
目若干以補其各色私費至於科罰勸借通行禁
單倉鈔勘合給不踰時凡能寬一分使商人受一分
之賜莫不極力為之其間別有區處事宜關係
內地鹽法有非邊臣所能經行者乞行各邊巡撫
及管糧郎中等官隨事擬議務欲委曲周全勉
為商人計各不時題

請行臣與總理鹽屯都御史加意籌畫內外相應互為變通
必使鹽法大行商人輳集始為千百年永利其責
報商人逼納糧草不知此法創自何年乞行沿邊

撫按衙門早為區畫毋令偏累傾家各另具足
邊長策以

聞庶轉輸相繼而邊民賴有寧居積貯常盈而司農不至
告匱矣伏乞

聖裁

行鹽地方今昔不同者作何定擬

一行鹽地方照得淮鹽之利所以甲於天下者以行鹽之地
周徧廣潤而流通不滯也江西一省先是南贛袁吉
四府俱借行廣鹽以資贛州軍門兵餉近該前巡
鹽朱御史題奉

欽依改令素吉二府仍行淮鹽舊地既復鹽法漸通矣尋聞軍門
具題仍令吉安一府復行廣鹽夫廣鹽之行專為
兵餉計也今淮鹽願納兵餉亦何以異於廣鹽哉
復原額行鹽之地納軍門兵餉之銀可謂此兩全矣
既奉

明旨復中易之彼各為地方用情誠非以此為爭端也但贛州與
吉安一府連接河流如飛不信宿可達臨江直抵南
昌矣若廣鹽行於贛州而吉安不與焉則於萬安
縣臨河咽喉之地設官盤詰禁捕私鹽庶幾無攪
越之弊今既達吉安既晝夜橫行孰能捕之近審

水商皆稱廣鹽滿地淮鹽不行非惟吉安地方朝

更夕改卽袁州臨江等府亦不能發賣矣各商

推避紛紛有詞雖經派給水程絕無一人認領豈

其逐利之心故有所擇哉蓋或淮或廣與奪無常

官鹽私鹽勢難並發商人之從違靡定有司之禁

令不行雖至愚者亦不敢投足其間自虧資本矣

今查廣鹽每引納軍餉銀一錢二分若淮鹽到吉

安照此納稅恐偏累不均合無於通省淮鹽每引均

派若干先令納稅然後准其發賣每年務足原數

類解軍門則行淮鹽是卽行廣鹽也在先年已

題有成案奚容中變其說哉否則吉安既行廣
鹽而袁州臨江皆非淮鹽所樂就矣坐失二府之
利皆自古安致之往於峽江設浮橋為杜絕廣鹽之
路曾未踰年盡行毀滅皆鹽徒惡其厲己而以
洪水衝激為詞此往事有明鑒也江西十二府而六
府不行淮鹽欲引目之疏通其勢能乎湖廣如
衡州寶慶永州郴州查

舊制俱係兩淮行鹽地方向聞各府執稱奉兩廣軍門明文
通行廣鹽以致淮商不入其地而廣鹽自此盛行
若非剖斷分明未免依違無據查得前巡鹽御

史題稱淮商若到量免抽稅以資剝淺之費必待
淮鹽賣盡方許廣鹽發賣仍抽納稅銀解布
政司隨便解部以給邊需曾經題奉

欽依似難別易但廣鹽既許兼行而復使暫讓淮鹽彼此互
市誰能禦之且軍門題

准明文未知有何考據徵銀解司解部未聞定數幾何臣愚
乞行該部查兩廣軍門曾否於何年題

請為何年用兵各府每年徵解稅銀若干有無完欠若干
仍咨湖廣巡撫衙門備行該府守巡及鹽法道通
查各府鹽額每年應消若干應納餉銀若干淮

鹽與廣鹽至此道路險夷果孰為便或淮商可到
即今廣鹽不得仍前侵越若淮鹽全不入境即當
專行廣鹽所納課程或應解軍門以充兵餉或應
解戶部以濟邊儲悉著為畫一之規而淮鹽原課
若干應否量為末減亦於此當有定論矣若河南
南陽府亦淮北行鹽故地也初因淮鹽少到暫許解
鹽兼行其後乃稱人情向背道路遠近獨使解
鹽專行於一府十二州縣惟舞陽一縣仍行淮鹽

夫銅板

祖宗舊制也一旦持異論遂起而更之初云暫許兼行今則全

專之矣淮商未聞以遠道為辭南陽未嘗喜解
鹽為近淮北之路雖稍遠而舟行甚便淮鹽到彼人
競得之以為食貨之珍解鹽之路雖稍近而馱載為
難每遇雨雪載途連月不到即價值高騰復插和
沙土人甚怨之臣嘗面門揚州府知府衛東楚江
都縣知縣方九功皆南陽人也悉稱郡人喜淮鹽惟
恐其不至有得之私販者自以為出於望外則所謂
人情之向背道路之遠近其說得無誕乎況行鹽各
有地方安得由人取舍鎮江去兩淮近在咫尺而遠
數百里以食浙鹽豈不辨遠近若是哉法制所限

不容越也節經前巡鹽御史具

題行該省覆議今猶未報事之與奪公議甚明臣何敢瑣
瀆但臣奉

命而出以疏通鹽法為先若待議論定時恐歲月牽持無救於

目前壅滯臣愚欲權仿兼行之說曲示調停乞

將南陽各州縣分而為二某州縣行淮鹽某州縣

行解鹽權一時之宜為目前之計待會議既定然後

永久遵行是亦疏通鹽法之一端也再照兩淮之鹽流

布各省不為不廣矣自今觀之江西之南贛吉安湖

廣之衡州永州寶慶鄖陽郴州河南之南陽皆行

鹽故地也事變無常遂為他省侵越竟不能悉舉而復之地方日見促狹

國課日漸加增原額正鹽且不暇論彼數十萬餘鹽將安所消遣乎蓋鹽法之行譬則水為上流壅則導之下流壅則疏之所謂上流者西北飛輓之人是也所謂下流者東南行鹽之地是也下流壅滯而欲上流之疏通雖有絕倫之才亦安能為神輸鬼運之術哉至於各省有司視為末務通塞利害全不與其責為臣與總理都御史雖夙夜焦勞勉加綜覈亦豈能耳提面命身親督之此事勢之掣肘難行而成效之

不可必者凡以此也臣前所言者皆曲為兩全之說豈今日之疏通急務哉乞

勅該部破格區處通查各省原題或稱兼行而非為全與或稱暫行而終必復還或以事寧停止而占愴不吐或以年久因循而久假不歸事本出於權宜後遂掩為已有其初邊儲充足故酌量緩急與之今日九邊視往年大異且考之

舊制銅板具存即當據理折衷明示與奪以便遵行其各省地方凡府州縣巡監官俱聽臣節制舉劾獎戒與江北同則激勵之權得以行其勸懲之法人人皆知策

勵事事悉有責成鹽政不患其不行矣伏乞

聖裁

本色折色今昔不同者作何定擬

一議處本折竊惟淮鹽供邊其利甚大而山東長蘆次之故全納本色惟兩淮為然山東長蘆俱納折色仍搭配兩淮如遇年豐頗納本色者聽從其便此定例除山東長蘆無容別議外今以兩淮言之
邊中海支原係

祖宗舊制自弘治五年戶部尚書葉淇以邊二斗五升支鹽一引費少而利多遂改令納銀發邊糴買初年甚以為利其後邊糧騰貴儲積空虛尋復開

中本色而飛輓艱難商人利薄大非往時矣故
論者每歸咎於洪謂其廢壞成法自改折色始而
不知自洪改廢者今已復其舊矣每鹽一引洪武
初年納銀八分永樂年間納糧二斗五升官之徵
甚薄商之利甚厚蓋取給邊費者不專於鹽課
故未暇深較也臣於兩淮吊查各邊倉鈔每鹽一
引官價五錢其間所納粟米雖時歲之豐歉道
路之夷險不能盡同然每引所納多者五六斗少
亦不下三斗以上其路近而價賤者將及一石則其視
國初不特倍之矣至於解部餘銀每年六十萬此皆正德

以前所未有也而邊儲常缺大司農往往告匱其
故何哉蓋九邊額供之數以各省民運為主屯糧次
之此年例也而鹽糧乃補其所不足亦千百十一耳
先年民運屯糧歲盈常數故中鹽納糧草多在
缺乏之時開中不常故引價騰湧此鹽法所由疏
通也若謂每引二十五升即能充實邊儲計淮鹽
七十三萬五千引共該邊糧一十八萬三千石有奇其
能盡給諸邊之費否乎今各邊中鹽一引官價五
錢甘肅四錢五分盡令中納本色決不可紛更矣
若改納折色事出權宜此弊端不可開也議者謂

餘鹽開邊最為大利種種論列確乎可行抑不知竈戶餘鹽本無常數若商人報中支鹽不知令竈戶出辦乎抑商人自買乎額外加派竈戶決不能勝若商人既納糧草復令買鹽不知其能堪此否耶報中正鹽全以餘鹽為利者盡納本色即耗損多矣雖強之必不就也且餘銀納於運司原在掣鹽之後隨時營辦易於斡旋孰不畏其所難而樂其所易哉責人之所不能事必不立強人之所不欲法必不行臣愚謂正鹽以本色開邊餘鹽以折色解部此不易之法也至於革去餘鹽

則引目易銷誠救時之論然困商病

國竈亦苦之其弊殆有甚焉蓋行鹽地方數千里人民萬億家
若止行正鹽七十萬其何以足用乎此餘鹽決不能革
也且各場竈丁皆倚此為命私販之門不開即枵腹
死矣若稍弛其禁則百萬私鹽橫溢遠近間欲官
鹽之不壅滯得乎故徵銀解司發邊糴買較之開
中本色者不為大相懸絕一旦革除則課額大虧
商竈絕望於鹽法可利為况改行小鹽每引量減
其數而引目立見疏通又何必盡革而後可也計
部大臣悉有定論臣何敢再瀆伏乞

聖裁

利有何者當興

一慎選鹽官竊惟江淮為財賦之地運司為經濟之官邊
計盈虛商竈之利病胥此賴為非才智絕倫則
或徂於因仍而不能自振或喜於更張而無所取
裁終歸於廢弛焉耳非平生耿介則義不能自決
而利或昏心法不能必行而動多掣肘欲其釐革
奸弊表正官僚不為鹽法之蠹亦難矣查得該司
運使皆由知府陞任其餘同知等官多出遷謫往往
不能安其職上為者恃祿養望株守量移下為者

謂此官可以歲月計遂無顧忌而醜顏為之觀望
既輕事難展布人無固志孰肯遠圖臣愚謂運
使之缺當於各府知府及各部郎中素著才名為
輿論所共推者明著其賢題

請注授六年以上果有卓異成績即陞按察使布政使或府
尹太僕光祿卿以示破格甄錄其同知運副判官
悉於進士舉人內其敏達廉正者酌擬陞任三年
之後聲實並著累經荐揚即不次超遷及一体行
取考選科道該司惟聽撫按及臣節制其附近司
道等衙門不得以統轄臨之庶體貌優崇期待高遠

而隨事展布莫不各盡其才乞查見在稱職者通行申諭久任責成其有不稱職者即為官擇人早行更置蓋用人理財實王道之先務甄別之餘當有英明特達極一時之選者出於其間改令一新百弊盡掃而九邊兵食大計舉無遺策矣伏乞

聖裁

一分司住劄夫運司各該分司給有印信正欲其隨地分理凡竈丁之勤惰鹽課之盈縮總惟之利病場官之賢否私鹽之出沒皆就近督察設法考成即有分爭立為剖斷蓋將以一身繫各場之休戚而經

畧布置舉無暇時至於收買餘鹽禁止私煎皆
耳目必親而後可也今乃觀望遷延不赴該司住劄
各場相隔數百里利害休戚寂然無聞是此官
為徒設矣往年倭寇充斥各司孤懸海上恐有
他虞故一向因循衙門荒落及今措處官銀早行
修輯即旬月可以迄工攜家與俱朝夕視事別
無奔走之擾何所顧戀而不能安意於此耶臣
已督責該司行令亟修衙門即日就道矣但舊
襲相沿或難遽改自今以後凡各分司官通往該
衙門住劄每季終將行過事蹟揭其總目造冊

送臣查考如有公委亦須申請明白某日起程
某日回司逐一具報仍豎牌於運司之門凡分
司官不往該司住劄者定行叅問庶鹽筴分理
隨在得人而百務具舉矣至於淮揚二府凡附近
鹽場各該巡檢司皆當聽分司節制以便按季查
比緝捕私鹽此亦修舉鹽法之大端矣伏乞

聖裁

弊有何者當革

一禁治權豪竊惟阻壞鹽法莫甚於勢要之家借名開
中網利橫行正德年間奏討無虛日鹽課入權奸

之漏卮殆十九矣今遇

皇上御極法紀森嚴此弊悉已掃除若有指稱夤緣比例陳乞
倚借權勢侵撓官鹽者在內聽戶部科道在外
聽臣與總理都御史據法執奏從重處治庶群
奸屏息鹽法疏通邊儲不致缺乏矣伏乞

聖裁

一銷繳退引節經題奉

欽依嚴行各該有司追銷商人引目近查各處奸商借此影
射專販私鹽弊蠹萬端不可窮詰今議嚴行運
司通查過限未銷鹽引及客商貫址逐一造冊

聖裁

送部覆查移咨都察院轉行各該巡按御史追
究銷繳庶杜影射之奸而私販之弊可絕矣伏乞

一禁止截賣查得內商掣鹽之後即發水商程買給與
水程各照行鹽地方前往各府投引發賣近有奸
商乘時規利常於中途得善價輒便截賣所領
官鹽全不到原派地方以致食鹽缺乏衆口嗷嗷阻
壞鹽法莫此為甚今議內商掣鹽之日轉販水商
即查其的確姓名籍貫取結投司該司備將水商
原派某府州縣地方通呈臣各省鹽法道轉行各

聖裁

屬稽查若過違限期四月以上不到即便呈臣衙門
以憑移文水商原籍嚴行追究連內商一併提問
庶官鹽無往不達而各省之民並受其益矣伏乞

一嚴核報中查得九邊開中准鹽每年七十三萬五千引
有奇每引定價五錢隨照時估上納本色先年皆
商人親自報中獲利甚厚名曰飛輓是以

國無轉輸之勞邊有積儲之富近年以來鹽法壅滯糧草缺
乏官司召商不至遂逼勒而監併之於是奸徒包
攬之弊生矣利孔一開而勢豪之請託官憤之常例

科罰之舊規隨在有之雖有監收委官亦多上下
扶同更相欺蔽以致糧多糠粃單多朽腐甚有
實收未獲而先出通關者有開報累百千而倉
無擔石之儲者徒存中納之名原無收支之實其
弊皆起于包攬是以引鹽之報中數雖取盈而倉
場之收支十無五六士馬不强邊塵未靖職此之由
管糧衙門實不得辭其責合無申明舊例其辦
納本色也則隨時價以定斗斛之多寡禁科斂以
杜官償之誅求毋令費出五錢之外其報中也則
令商人飛芻輓粟親自赴邊而積年包攬巨奸

盡行處治通責管糧郎中躬親督察不時稽查
將給過倉鈔編立字號登記循環各倉場收過糧
草若干或折色若干聽撫按衙門隔別委官覆行
盤驗若有前弊即時叅究庶幾嚴行申飭宿弊
潛消而奸人不得倚官以為利也夫中納核實則一
引有一引之積而邊關不至空匱鹽課不至虛糜
食足則兵強而緩急有所恃矣此今日邊計首
務也伏乞

聖裁

議興化縣民竈糧疏

題議處民竈糧差以杜紛爭事據整飭淮揚海防兵
備副使傅希摯呈詳該臣并巡撫鳳陽等處方都御
史總理江北等處鹽屯龐都御史各批據揚州府申及
泰州分司小海草堰等場鹽課司竈戶楊策等并興
化所縣軍民鮑茂周東等各申告狀詞俱蒙先後批行
本道備案行委兩淮運司判官楊廷選揚州府推官
胡維新會同從長審處續據各官呈稱會審得鮑茂
等執稱種地納糧無間起運存留一色科派此

國朝定制也向使竈不買民田誰能以糧加之又使民田

盡規於竈則起運將何輸納且興化原額之田止有此數即今竈戶承買已居四分之一猶曰竈田盡納存留則起運之數勢必偏重於民計今揚州一府十州縣起運不過九萬石興化一縣該三萬有餘復欲以竈買民田不派起運是為竈者益富為民者益貧又審據竈丁楊策等執稱各有田地坐落興化地方中間有祖遺新置二項不等是以前院俯念煎辦之勞欲少加優恤嘉靖二十年以前祖遺之田盡派存留二十年以後新置之田不食頭役奈有司民竈異視凡有差糧不照明例動輒加派有站糧有水夫有四料有馬夫工食等項銀兩名色甚

多十分困苦不勝征求乞查節年題

准事例寬恤除豁等情據此職等勘得有田則有租若將
嘉靖二十年以前竈田盡派存留其不足以服百姓之心
也宜矣試問竈戶祖遺之田當伊祖存之時更無置買別
田未知盡納存留之稅否也今酌為調停之法莫若將各竈
田自捍海堰運鹽河西以至縣治一帶五千六百餘頃盡數
派入該縣徵糧數內起運存留鳳陽等倉與民一體徵派
不許一毫偏重其站田由田出按糧起科似應一體增派此
外銀差力差如四料銀及雜派經費銀與夫力役之徵俱係
人丁之差難以橫加竈戶合宜盡行除免等因具呈到道據

此看得起存田賦皆小民惟正之供銀力差徭俱歲派額辦之
數但地方之徵科曾無定規而州縣之沿襲各有舊例或照
田起科或照丁起派或照丁田通融科派為今之計必須劑
量調停使之各得分額無以民竈分糧差惟以丁田定徵
派凡照田起科如夏秋稅糧驛遞站糧三項無分起存俱
民竈一體辦納不許偏累編民凡照丁起派如民壯養馬四
司料價等項無論多寡俱民戶自行辦納不許槩及場
竈及魚照丁糧起派如均徭銀力二差里甲靛渚等銀及
經費聽差等項竈戶通行豁免用示優恤如此事體人情
似屬公溥熟思審處計止於斯仍乞行通泰等州縣一體

遵行等因具呈到臣會同巡撫鳳陽等處都御史方總
理江北等處鹽屯都御史龐議照兩淮鹽課供邊歲以

百萬計皆出竈丁煎辦其艱苦萬狀控訴無由視民間勞
逸相懸何啻百倍故一切雜役悉與蠲除至於夏秋稅糧
亦欲多派存留量免起運特示優恤至意此在各州縣莫
不相安惟興化縣田糧自先年孫閔保

奏稱欺隱遂致增額數多故揚州一府所屬起運糧凡九萬石
而興化額派至三萬有奇則其繁重難堪不待言矣若該
縣竈田只派存留盡免起運即民力困竭勢起能支此鮑
茂等所以紛紛有詞也今據兵備司府等官議稱凡起運存

留及站糧三項俱民竈一體均納其餘各色科派不得復累
竈丁曲示調停似無遺論此在興化糧重之地乃為權宜區
處若各州縣一槩比例通行則竈丁日疲於奔命其偏累益
不能勝矣伏乞

勅下該部再加查訪早為處分將該縣民竈起存及站糧
照議坐派其竈丁銀力二差通行豁免各州縣不得援引
為詞以起爭端則輿情安而

國賦悉裕矣

建運學疏

題比例建學養育人才以勵風教事據兩淮都轉運鹽使司
呈稱奉臣批據本司判官楊廷選揚州府推官胡維新
會呈前事切惟士首四民商居其末無恒產而有恒心惟
士為能商固財利之趨不可律以士行者也古來士出於農
而工商不與為非工商不可以為士亦教與不教學與不
學之異耳即如兩淮鹽商挾貲旅寄多隲其家生長子
弟豈無茂異之可以招選俊良之可以登宗者乎但父兄
之教競逐興敗浮游乾沒况又驕奢淫逸導慾興邪水漬
其坊流而益下飽食煖居致喪其赤子之心肥馬輕裘曾

顧乎白丁之誚安得從學問知禮義以漸返於士習哉由是利心益熾義心益微姦罔蠹數從此罔極間有穎秀出群明敏卓類厭薄故態願為諸生者乃或苦故鄉之遐阻勒客籍之詐冒為有司者疏外而不與明避嫌而不與進則又銷阻其正志終歸於末習而已又如兩淮三十鹽場竈籍童生許充儒學生員雖附名隣近州縣然無專師教育終不免習俗狂悖或毆辱場官而冠裳毀裂或囑托公事而雀鼠橫興從以老竈如虎而翼動以微利若狼之貪有司制之而曰我竈也運司問之而曰我某學生也以青衿自恃竟白首為期此豈無良心哉亦教之不專而為

善之心弗固也

祖宗於河東地方設立運司儒學深計遠慮有以仰測其由而山西薦紳其起於運司者歲不乏人爲賢才彙征亦既有明效矣四民雖有專業儒術本無專門士大夫之子而失教爲下達而日不肖矣工商之子而教爲上達而日賢矣且廣陵當天下之中俯視河東其爲勝會可知也財賦居天下之半即能培植其人才又可知也恭遇

聖明御宇文命誕敷一道德而同風俗家禮樂而戶詩書豈宜留此盛事使爲曠典况既富方穀古訓也衣食足而後知廉恥名言也如以商之子安於商則近若范伯榮胡

文衢者此非商乎如曰竈之子安於竈則

國朝名臣若高少保楊侍郎者此非竈乎夫安得獨抑商

竈子弟自外於庠序之教耶合無比照河東事體將空

閑祠宇改建兩淮運司儒學磚木足可以充用准令竈

戶并商人真正兒男有讀經書諳曉文理者赴運司報

名聽考其可者申呈學院嚴考定奪送學肄業廩增

附名數及科條作養一如河東之制相同大比之年照數多

寡定額起送應天府科舉其竈戶原充各學生員願改

入者聽其自便通候比例議設教官幾員若以錢糧無處

查得該司續設會手一百名原因運司僻居城外繼以倭

亂議增募兵銀兩選雇會手防守庫藏今既築有新城
前項冗役應合裁革歲可得銀千餘兩亦足以抵俸廩
等項支費中間可否并議所未盡事宜再行運司掌印
正官覆議詳奪題

請設官主其教事如此上為可以為

國得人下為可以因利為義生財之道無得淑人之方矣等
因又據本司守支商人黃紹先等告為乞興運學作養人
材事呂四等場總催袁銳等告為建立運學作養人材
事俱奉批行本司會同揚州府查議繳蒙此遵依會同
揚州府同知任賢推官胡維新查議得兩淮當天下之中

財賦之地學校為人才之本風化之原顧三十鹽場百千萬灶
中間賢哲之產代不乏人教育之基豈容終缺哉

國家開創洪基培植生息垂今二百餘年况近服

畿宇深涵

聖化尤倍萬于他方者乎茲者躬逢

皇上御極海隅黎獻鼓舞奮庸咸謂乘此

昌時合興盛舉已經司府會呈商竈呈懇比照河東運司

事例建學育才職等會同司府等官協心查議謹將一應

事宜開款申達伏惟裁酌速賜題

請施行商竈幸甚風教幸甚具呈到臣會同巡撫鳳陽等處

都察院左副都御史方 總理江北等處鹽稅都察院右

僉都御史龐 議照人才為邦家之賴學校為人才之地我

朝興賢育才學宮徧海內即河東運司亦特為建置為蓋人

才之生本不擇地培養而錄用之亦不以其地有間也查昔

日兩淮竈丁其子弟彬彬然多以異才名天下鴻猷駿烈

卓越古今歷考前代未嘗乏人其初事章句就試有司或

秦越視之謂其方籍不隸州縣也同學諸生亦復積嫌相

忌往往擯之不為伍至於各省商人占籍揚州者凡數百

家有祖宗墳墓丘隴成行已歷數世於此長子育孫蓋世

為揚人矣其間以儒為業者土著之人輒群起而排之視灶

戶猶特甚焉故嚮往壯心強半銷毀遂以貨殖世其家而
不能自拔於流俗之外先是前巡鹽御史及運司各官亦
曾建議興學尋復報罷蓋借籌乎財力或取給於經
費之難相度乎地宜牽制於堪輿之說故持論不一竟屬
空談今地不假於人謀而環合擅江都之秀財不煩箕歛
而鋪張借公帑之餘反覆劑量可謂有其具矣官不勞而
民不擾其為力豈不易易哉恭惟

皇上自御極以來天下文明光被四表薄海內外莫不嚮風
況兩淮為三輔近地際此

昌期舉數百年之曠典非有待于

今日乎伏乞

勅下該部再加覆議亟賜施行以副一方輿望則文教誕敷
於江北人才濟美於河東禮義相先墾戶多衣冠之族弦
歌胥慶海濱皆鄒魯之風不獨資飛輓以給邊儲抑且思
激昂以為世用而人才之盛其可量哉臣等無任激切跂望
之至為此開列款目具本謹題請

旨

計開

一學基查得運司逼東空閑官地一段係先年馬監今
廢不用周圍約可四百餘丈平原曠衍迎陽聚氣

委堪建立學宮為興賢育材之地且不係民地
復無屋舍阻礙真運學上游有開必先之形勝
也伏乞

聖裁

一聖廟大殿五楹兩廡迴廊東西各二十間相拱儀門西
旁外向各一間為鄉賢名宦中濬泮池上起石橋
櫺星三門外空地一方多植桃李以為葱鬱佳氣
儀門東作堂三楹為啓聖祠伏乞

聖裁

一明倫堂置聖殿後五楹露臺寬衍高聳兩旁作齋

舍各六間分為四齋志道據德依仁游藝伏乞

聖裁

一

御製亭置明倫堂後為堂三楹東作教授衙十二間西作訓導衙各九間列以周垣伏乞

聖裁

一廟祀每年春秋二次上丁各祭品視揚州府學為例動支本司地租銀治辦伏乞

聖裁

一祭器鍾鼓磬鐸供卓香爐燭臺籩豆簠簋爵杯

帛匣等項動支本司官銀治辦伏乞

聖裁

一器用其卓椅廚凳等項臨期議製俱動支本司官銀治辦伏乞

聖裁

一官師應設教授一員訓導或四員或二員其一應齋夫膳夫月糧等項俱動支本司募兵挑河銀兩備用不必加派州縣以滋煩擾伏乞

聖裁

一供應該吏一名教授門子四名訓導各二名祭器庫

役一名掃殿夫一名俱本司募兵銀內動支每名每歲八兩按季支給該吏本司屬缺撥叅伏乞

聖裁

一主員廩膳四十名增廣四十名附學不拘俱將竈籍見寄各州縣學者盡數查出取回以充作養廩增附俱照舊收學仍每歲考充伏乞

聖裁

一運學原為竈民子弟收充作養其有真正內商守支揚州置有產業親生兒男家鄉邈遠不便赴考限年二十以內者方准送考其年過二十以外及

旁支遠房者不准送考伏乞

聖裁

一號舍查得本司見有江都相等祠屋舍甚多堪為藏
修作養之所伏乞

聖裁

一運學該司提調屬南京提學御史考校伏乞

聖裁

一建學所費查得見有該司庫貯歷年挑河銀堪用
蓋數本盈餘不待科派伏乞

聖裁

一估計坐委揚州府佐二官一員協同運司官拘集各行
工匠將一應物料估計差能幹官二員督工事完
量行獎勵伏乞

聖裁

淮揚雜錄

卷之三
書簡

往

啓方雙江

恭惟 門下碩德重望大畏江淮某拭目久矣茲
者承乏是役密邇 清範得以親聆

道言幸何如之幸何如之向圖修

候乏便未遂廼荷 大雅不弃特辱

飛翰遣使祇拜 高誼益切汗媿人旋先此附

謝入揚當即顙人趨候 左右者伏惟

台慈照登萬萬臨楮不任馳仰之至

啓李石麓

某以樗櫟菲材仰荷

培植覆庇感戴無涯昨

以淮役行特辱

華筵魚

賜嘉貺

恩愛優渥鏤刻難名適於四月廿五日已抵揚州交

代接管惟自愧駑鈍日切冰兢恐不免於蝨負之

辱也懇祈

俯賜指南倘得少免罪責某當啣結

圖報矣遙憶

台光無任馳仰茲因報代敢肅

具荒啓奉申

謝忱統希

慈照不盡下情

啓方雙江

承諭兵食停調增減至精至密撫綏防禦兩得

其道矣真善後永圖淮揚軍民之福也不才受成

弘猷仰藉

覆庇感刻曷可言惟以某甫到地方百

凡懵然軍國大計在

門下必自有張主也敢曰

可否云餘附別楮統希

台照萬萬不盡

啓溫少谷

京邸辱承

台教懇悉鏤刻難銘奉

別逾冬歷春未緣裁

候深爲積歎仰唯

門下風裁端凝謀猷持重

憲節所臨雷霆露雨

並施矣吳民何幸吳民何幸如某庸劣非才謬

膺是役日惟慚媿未能補塞萬一懇惟

俯念臺誼

少賜指南俾不才有所承藉抑曷勝感

德之至耶專人肅具蕪啟幸候

左右併別楮附言統希 台照萬萬臨楮不任馳仰

啓朱鎮山

某荷 培植感 恩在夙圖 謝未能春仲遠辱

翰惠令某倍切愧悚昨月廿四如維揚即圖奉

候倥偬中荒啓纔具而使 命忽臨

情誼稠疊後生曷克以當之敬唯 臺下心切

廟廊勞無胼胝新河告成豈惟一時漕運之利真萬世

無窮之福也鴻猷丕績烜赫宇宙間欣仰欣仰如某

謏劣匪才謬茲駑役日切兢惶弗堪幸依

龍門得領 清誨聊以此自寬假耳懇惟

俯賜指南俾某有所承藉則不止後生感慶即於

國家大計亦未必無補益矣敢肅此專人代申

問敬薄儀少陳下悰統希

台慈照原臨楮不任瞻依企戀之至

啓邵鳳山

曩辱 誨愛曲至令人得空膏腹曷勝銘刻別後

忽三閱歲未緣裁候罪歟罪歟恭惟

門下氣量汪洋才猷持重某一登 龍即知吾

丈奇迥非區區尋常比也行將 握衡秉符為生

民造無窮之福目前事業何足以槩

翁之平生耶非佞非佞生咫尺

光儀未遂仰攀如

饑如渴諒此情在

門下必有先得我心之同然者

謹肅啓奉候

左右併謝

遣賜秋至當躬詣

部臺請

教也伏惟

台照不備

啓周象峯

京邸辱蒙

誨愛曲全無任銘鏤奉

別將期月日切懸仰茲者謬役兩淮密邇

道範請

教又有期也何幸如之昨辱

翰惠遠暨益切媿感顧自分愚俗有負器使日夜冰

兢莫克自效萬惟道脉弘錫

垂示龜鑑倘得少

免罪尤皆

兄丈之所庇也懇祈懇祈茲肅具

蕪啓專官奉

候併菲儀聊陳下悰統希

台照萬荷

啓方雙江

某密邇

台光日切馳仰止因炎暑未能躬候

左右祇領

雅訓罪歟殊深承

誨海州鹽徒事干地方誠不可以隱諱而覈實

奏報在

臺下業已張主詳慎矣某又何言惟以

臺下既欲有

聞恐在鄙末不可以付之罔知也擬

欲具疏隨

上未審於事體安妥否祈惟

台下批示萬萬大疏底稿尤望

慨然賜教庶中間情節不至自相抵牾也敢肅具荒

啟專人代

候統希

慈照不悉

啓顧直齋

京邸極辱

誨愛曲主無任銘鏤瀕行遠勞

台駕特

賜餞送益切愧感恭喜

錦畫南歸榮耀

華堂無任欣懌緣瑣瑣羈絆未

獲躬伺

台階祇申

賀忱罪歟如何罪歟

如何生菲庸陋劣庸茲驢役極知如蚊之負惟以

淮揚爲桑梓重地中間利弊亮不能逃

門下之洞察也敢祈特賜指示俾生得以祇服

遵式萬一免於顯罪感德當自不淺矣懇仰

懇仰茲肅具荒啓專人代候薄儀聊陳下悰

伏惟台鑒不勝感荷之至

啓周少魯

恭惟門下闡揚性命理學淑人

按節所過士民咸爭先向化聲教籍籍滿溢淮海

欽仰欽仰某自如揚尚未少暇昨方圖修

候輒勞遣使賜餽感汗多矣敬詢

動定知吳下事竣秋初即可渡江而北

台光日近令生跋翅益何如也不才下乘無能馳驅懇惟

高明指南俾無爲臺中之辱則區區感圖當銘諸肺

腑間矣敢肅具蕪啓願人馳謝併薄儀聊陳

下悰統希台慈鑒答臨楮無任瞻依之至

啓譚敬所

久違

台光日切懸戀方擬修候

起居廼辱

遣使過

賜翰惠拜領

高情雅誼恍然如對

面命者憶彼往昔此心如結令人惆悵益何如弟在揚

尚有多日計來春

台駕北上淮揚所必臨也倘

不弟外握手良有期矣敬候敬候使回肅此附

謝尚容專人代

面希

慈炤不悉

啓王越峯

陳懷山

都門沃領

教愛無任銘鏤隔濶倏尔踰期殊失

裁問罪歟罪歟迺特厘

眷念遠勞

遣使

瑤函珍貺並辱

寵馳祇領

高情雅意感忤何如也竊慙菲薄仰藉

覆庇濫厠臺末尺寸未效今復承乏是役適當商竈

兩困之日邊儲告急之秋司藏一空疏通多礙惟幸

密邇

臺端得聆

台誨

弘猷遠謀必有以導寡昧者區區隱憂聊因此以自
寬什耳使旋謹肅啓附 謝尚容專人奉

候希

台炤萬萬不悉

啓馬鍾翁

果辱蒙

誨愛無任銘鏤京門拜別

台光日遠此心殊耿耿昨如拂即查兩淮見堆之鹽

在場在司之引一千零八萬有餘而每歲所掣纔

七十三萬引目不得疏通邊內商人互相爭持即才

者處之尚費調停况駕鈍下乘如某之至不才者乎

恭惟

台下

鴻猷駿烈聲溢寰區而轉餉儲

邊卓有成等其於鹽法利弊諒已籌之久矣伏惟
俯賜指南尤見愛雅懇祈懇祈小疏冒昧偶因該司
錢糧不得清楚故有此陳耳備附別楮更乞

台慈照答早

賜俯行某不勝感激馳瞻之至

啓麻慶川

京邸叨陪

法從得聆

大雅緒綸自謂平生幸

願良足為慰偶因承乏復廁鄰壤事同一體伏

庇尤多惟自媿不才無以勉副

知己而兩淮課重積壅

尤齟法中之最壞者兼以兩商相持調停且費力矣

况疏通乎

高明閱歷燭照良久幸惟

指示萬萬茲特肅裁蕪啓差人齎

候外薄儀聊陳下悰乞

鑒存尤荷

啓譚敬所

恭喜

繡斧所過山川生色吏民向風江右號稱

凋梗且輸誠樂義部運之舟比比湊集况三吳兩浙

間乎 國計有裨邊儲須裕欣仰欣仰弟違

教踰期方擬裁

候不意

尊駕又南發矣稽遲

爲罪又何言屈指

憲旆當已入省而 龍潭

慶川諸公日與飲會一時同遊之盛也似弟出入寡侶

情甚苦之未審吾

丈亦有時憶及弟耶南望

雲樹不任依依敢肅具蕪啓差人奉

候併致下悰伏唯

台照荷荷

啓劉安翁

某久繫

山斗之恩未遂仰攀之願方深抱歎廼

勞

遣使并辱

瑤函賜教祇領

高情倍增感刻竊念某以樗櫟匪材承乏駑役䟽通
未能邊內告困坐是益惴惴冰惕惟幸密邇

光範得以仰藉

台訓受成

鴻猷猶可以免過於

萬一耳人旋謹此奉

謝尚容專人奉

候請

教統希

慈照不悉

啓王敬宇

違 教愈久瞻戀日積每思裁 候苦於乏便未

能歎如之何罪如之何仰惟 門下丰姿神異猷

望鴻碩不待識者而已知爲 廟廊之器千里之

材也久借重敝邑雖爲 門下苦而子惠之政解

懸之仁多一日即民受一日之福在黔黎烏知爲久耶

不才仰 庇冒茲醯役方自媿束手無能適值鹽政

不行邊內俱苦議者紛紛未定不知何以塞責也幸

高明有以教之尤區區之至願也便中肅啓奉

候別楮附言統希 台照萬萬不悉

啓顧來山

節鉞過維揚滿擬晉謁

行仗得以面聆

教愛慊夙懷迺區區幸也不意門下迴轅之急夜

渡廣陵無緣一

晤俾生益用悵罔甚歎甚歎漕糧

自未有如此之速者皆

翁神驅力也吾

翁威行如雷仁行如雨淮海陰沾怙覆久矣行將下上

黨薄金城掃蕩胡塵以安枕北塞直與腹中甲兵

爲伴侶今日事業特其餘緒耳顙仰顙仰茲肅具

啓專人馳

候併薄儀申

敬統惟照不悉

啓王越峯

陳懷山

辱承

鼎惠亟欲作東奉

謝向來滿腹否悶

手足無力遲緩之罪何言恭惟 門下飭風揚紀

霜威凜然

熊幡未至而先聲所徹長鯨已屏

息矣如弟碌碌苟延兩月餘日大率利弊尚未能

曉然惶愧惶愧仰盼

先儀僅隔一水悵不能趨赴

階次以披離情耳長波風順萬惟

垂示龜鑑無

爲昏愚弃尤區區之所望於

知己也敢肅具蕪

啓專人代

候併不腆聊陳下悰統惟

台亮

不悉

啓丁荆山

畿下之會恍如夢中事矣向承

台教曾有小啟

附謝想塵

覽也恭惟

門下老成洞達沉

謀廣識而學問之所涵養且毅然正氣不撓真將相

全才也今之議

國是者將以邊事屬之亦可謂

知

兄矣如弟寡昧謬茲齮役深惧不堪任使益

爲鹽法壅吾

兄諒弟之古愚久矣中間利弊源

頭亦肯有以教弟耶南望

留都僅隔一水悵

不能詣

階次接

光儀以痛披離情耳便中

敢肅具荒啟代

候希

台照不備

啓蒙近野

久違 光範無任馳仰昨聞 繡斧將臨維揚私

心甚喜差人往迎數日還始知 駐節鎮江想此時

公事亦可了矣恭惟 門下飭綱振紀霜威凜然

憲旆所指風清弊絕聞漕糧自未有如此之速者

皆 老丈神驅力也弟寡昧無能濫茲駭役方仰

藉 高明指示求免於過適 榮差將滿得侍

左右寧有幾許幸 尊駕早發俾區區獲霑規

成之愛不勝懇仰茲肅具蕪啓專人代 候薄

具不腆聊陳下悰統希 台照不備

啓王復齋

京邸深荷

誨愛無任銘鏤茲又叨攀同事將朝

夕侍

左右而聆

緒綸也何幸如之何幸如之

恭惟

門下鴻猷遂養義氣忠貞直聲聞於

朝野霜威行乎化外即今

憲節未臨而江左

已肅然向風矣不佞不佞地方水旱相仍蒼生困

苦惟祈

尊駕早發以慰士民之望尤區區之所

深願也茲肅具蕪啓專人奉

候希

台照是

荷臨楮不勝馳仰佇俟之至

啓蒙近野

沃領

誨愛深慰濶懷顧未能少輸下悃此心益

歎歎耳遠承

台札知開闢接灌枯禾回春民之

望之真大旱之望雲雨也吾

丈海潤之澤其奪

天之功乎

尊駕南北尚未可知然

台光漸

日遠矣懸仰益何如益何如人旋草此奉

謝

尚容專

布希

鑒答不悉

啓鄒見岳

昨得邨報

榮差已有代之者吾

丈復

命想

在秋杪遙憶

台光更人遠矣懸戀何如懸戀何

如仰承

殊渥之愛遣使往返得通家音不啻如

萬鑑之賜刻佩寧有旣耶弟方病痢數日氣血俱

虛祇領

瑤函恍若

面命不覺精神倍生矣人

旋謹肅此奉

謝尚容專

候希

慈炤不悉

啓李石麓

承諭貴縣田糧事昨已批行海防道轉委胡推官楊判官公同勘議凡竈買民田無論久近一體納糧如夏秋兩稅水馬二站農桑馬草等項凡因地起科者是也若銀差力差散緒公費等項但係以丁派者竈戶悉免之今民已無詞矣而竈戶猶有說者以久曠之夫一旦使之納糧當差是以未肯即服耳然政在公平焉得人人而說之也目下即會同

龐惺菴

題請施行謹此附

復幸

台鑒不悉

啓王敬宇

比歲濟寧以南赤地不止千里昨都峯過揚始知

敝府屬俱大稔皆門下福庇之所及也和氣致祥

固于此有驗矣

生

去鄉井將半歲邇來錢糧完

納如何權科之政自古所難大要查飛詭則賦稅

均徵及時則辦納易招流移佃種則開墾多痛懲

積年拖欠則奸頑懼四者備而國賦庶幾有輸

乎我公仁愛博大民物同體敝邑漸漬深恩久

矣即其歲所省者亦可以當田賦之少半錢糧何

患其不及數耶時當

聖明群賢彙進 公

以大受之器而磨練於小邑固舉精粗兼細大以貫
之將來立功立業恢乎有餘月矣鴻便肅此奉

候并小刻附 覽餘不敢及

啓方雙江

道體違和殊失問候某罪深矣此地近江河濕熱
特甚秋初某亦兩病暑仰仗 福庇旬日獲安承

諭地方災傷揚亦不減於淮也報有輕重各有司意
見之私耳興化改附六分 台慈固已洞照矣祇誦

大疏詞意懇切調停詳盡計疏入必蒙 俞允也

淮揚之民其有瘳乎遵

命寫完即封上人迴肅

此奉

謝子原稿附

還伏惟

台亮不備

啓方雙江

生企慕

光儀悵不能即趨

撫臺面聆

台誨

中心徒自耿耿耳承

諭已行海道查勘諒不數

日可完也司官中有用籠絡之術者是事即出於

其口意欲援前以飾後耳不意彰布至於如此生

亦不知朱蘇為何如人或未必如人言之甚也使

旋謹此附

候希

台照不宣

副啟

前領

賜會稿即行查勘去後數日未報方擬

再推又奉 手札詳諭感刻感刻朱蘇事自有

公道在生不敢絲毫作意於其間幸 台亮不備

啓方雙江

某昨僭閱通泰官兵俱武藝精練知為 門下德

威之所蓄也淮海真可恃以無恐敬仰敬仰朱蘇

事聞查有下落矣想一二日間該道必有用報也人

回先此奉 謝嗣容躬造請 教幸 台紹不悉

啓郝少泉

有自和州來者得領 遵翰如承 面諭敢不祇

服感佩 諸公事幸已查明第於敬差之體面所

損多矣生匪才方慮表率無能爲臺中玷適值
此揭奏彰彰四聞令人何可當也忝附班末榮辱
相關在 高明必有所得懇惟 詳示萬萬謹
因齋文人便草此奉 候併別幅附 覽統希
台慈照鑒不盡

啓馬龍岡

久聞 光範實切景仰前 尊駕過揚適病痢
未能迎 候媿悔方深詎意借重鈔關廼得朝夕
承領 德誨耶良緣非偶信夫小驅纔發計轉
輪尚待月餘也敢肅此先人奉 候并薄儀聊

陳鄙忝統希

台鑒不備

啓朱鎮山

菲儀奉

賀深慮瀆褻爲罪廼蒙

尊慈深

注持

遣使賜餽儀文優渥令某感愧真無地也

某至揚踰半歲每思

台履不覺神馳期北巡或

可一

晤肯意小舟出淮而

大駕適已過徐咫

尺

台光無緣面領

尊誨人生相逢信自有

數也此心悵悵何維其已謹因使旋肅此申謝

尚容再布伏乞

照宥不悉

又啓

河工底績萬世永賴 主上知之審矣茲者

榮轉固所以報之實所以任之也即公私絀乏 宮

府相持在我 翁固自有轉移區處之妙若輩

何足為 翁慮累承 瑤翰屢荷 豐儀感戢

之私言何能悉敢托 尊使再肅此奉 謝伏

乞 台炤不盡

啓賀洪濱

中都獲侍 清光備領 道誨少遂夙仰之懷勿

勿拜 別依依莫已滿擬 尊駕按臨維揚或得

一晤不意憲旆絕過江而小舟已泛河泊徐沛矣無

緣再 面抱歟殊甚 榮轉方圖超 賀輒勞

遣使先施 僕惶媿益無地矣敢肅具蕪啓額人馳

候併菲儀聊陳下悰伏乞 台亮無任感荷

啓陳燕野

憲旆過揚遙弟行海濱無緣恭謁道左趨領

台誨中心懸切悵如之何近於廿八回院值 復齋

巡歷在此兼以人事勿劇尚未圖 賀日惶仄不

安廼辱 瑤函遠錫 佳儀惠領仰承 高情

敢不拜 嘉所 諭嵎峰兄事甚爲臺中玷而

惺菴之急於攻發亦非所以處同僚存 國體也如

何如何朱蘇二公事無影響尤屬誣陷幸藉堂
翁一辨白之尚可爲同臺雪恥然其事始於楊判
官之作弄成於胡推官之扶同而利口巧舌楊尤胡
之罪人也儉佞之可畏有如是者其大畧想吾
丈已備聞之矣因問故敢道及希祕之人旋先肅
此布 謝嗣容頤人奉 候伏惟 台照不備

又啓

弟鹵莽潦畧不堪世用冒濫以來無一字 關白
於時將就事盡職近日鹽政尤難措手惶懼惶
懼初聞 榮差在此不勝欣仰以平生相知之雅

幸得相與必有相成之益也真切真切吾輩所按
以知人爲首務近見各屬報到大率係故事間有
實跡又多串同耳目不廣聞見不真柰何吾兄
必有妙用處幸盡言以教之當佩服祇事非虛瀆
也昨領佳賜私竊異之弟出京時製靴止二到此
數月用者過半矣拜嘉後即以足服之固弟不
敢虛老丈之所賜抑兄丈亦能知弟之所未
有歟珍感曷有已聞來人法駕始南還想巡歷
未有定所面聆德誨不知何期敢肅具蕪啓願
人馳候薄具聊陳鄙悰統希台鑒是荷臨楮

懸切不盡欲言

啓翁見海

恭喜 門下負一世之豪才際百年之嘉會榮

膺 簡擢撫臨三省 憲旌所至草色生春誰

不瞻依誰不歸戴况不才如某以 撫治之未又

幸官聯一方覩 懿範而聆 道誨良有期矣其

爲欣慶寧有旣哉昨過寶應見 鈞牌謂由淮

徐入濟寧僕 即星夜回揚興一登迎以慰其積仰

之私不意 法駕至儀即由宿徐竟抵任矣悵

如之何悵如之何辰下纔南還無緣 面晤敢肅

具荒啓顙人馳

賀薄具不腆聊陳下悰耳希

惟

台照不宣

啓趙緝齋

前過

貴治特辱

高情雅愛感刻無任別

來未由奉候

起居甚切依依茲者敬惟 晉

柄西臺班鵷增重行將主

國足振直聲鄉梓

有餘榮矣

生忝

知未慶幸曷有旣耶引領

台階實切欣躍顧羈役淮揚無緣趨

賀謹因

齋文之便肅具荒啓少申

候忱統異

台焄

不悉

啓宋龍山

共事數月每借 扶植受益良非淺鮮茲者敬惟

榮陟諫垣朝野無不倚重况生忝附 知未引

領 台階欣躍曷有旣耶顧羈役淮下無緣趨

賀言憶 清範無任懸切謹因齋文之便肅具蕪

啓奉申 候忱伏唯 台照不悉

啓王印洲

維揚一會飫酣 醇和實慰渴仰顧時熱未解且

人事勿劇無能日聆 德誨此心抱歉殊甚奉

別後弟亦即東巡淮海至徐而返往來奔馳倏尔

歷秋冬矣遙憶

台範懸注何如京考在即吾

丈懸鑑持衡其於人材之進退固已灼有成筭矣茲

因便中敢肅具荒啓申

候別幅奉

千諒

臺

下不我拒也希惟

慈炤不盡欲言

啓陳青田

都下過辱

曲愛事每

示誨飲酣

醇和此心不

覺醉服真切真切夏初

憲旆過揚遠

僕之履任

第二日也勉留一晤而未能至今尚歎然抱愧未審

台丈亦肯爲

僕

亮耶罪何如罪何如

僕

孱弱寡昧

人也濫司駮務已八越月矣疏通未能積過萬狀

茲幸密邇

法垣

開導扶植諒於僕不吝也庶

幾勉自繩督或可以少逭罪戾耳懇祈懇祈遙憶
光範益切懸仰謹肅具蕪啓額人代 候不腆之
儀用陳下悰統異 台鑒感荷不盡

啓方雙江

頃者淮陰一晤僭聆

德誨飲酢

醇和甚慰渴仰

之私顧

高情隆渥令僕徒汗愧不敢當方擬額人

馳

候忽辱

琅翰飛示

豐儀寵錫在

台下

之用情則厚矣踈慵如僕其罪當何如也

尊

賜悉領之人回謹此奉謝伏唯

慈炤不宣

啓王明軒

昨高郵一 晤備聆 誨愛甚慰渴仰顧 高情

隆渥令生汗媿不能當方擬差人馳 候恕辱

豐儀寵錫感佩何如恭喜節屆新春 體况清

和納福當倍常也區區雀躍之忱無能走 致

敢具薄儀肅此代 賀伏唯 麾存無任榮荷

啓牛近溪

昨會宿遷宋尹具審 體况清和納福勝常甚慰

懷仰之私敝郡素稱富饒年來盜賊日生訟牒

日煩賦役重而流離多風俗日不往若比閭 老公

祖臨馭盡心節愛極力調停邑之以科取民者一
旦皆改絃感應之機捷於影響活國者手段固
如是耶感服感服人謂作縣難僕謂治郡尤難
縣令朝夕親民施設由已郡則隔縣一層矣法令
猶借人而行雖然有大體焉在端本在知人某也
賢令吾愛之且信之某也不賢令吾戒之且訓之
而又湛然清肅然敬正其身以率之孰敢不用吾之
命由是令得其人則民舉安治天下猶反掌也何
有於一郡耶 臺下精明渾厚政舉大綱未及
期而成效已著僕固敢以是言也恃 愛縷縷別

幅奉

謝統希

台詔不宣

副啟

困敝之郡借重

大君子撫綏士民得所瞻依甚

幸甚幸時思

道範恨不能登

賀爲歎家

叔志向頗銳每不遇時得荷

門下陶鎔已爲

過分廼辱

鼎力扶植使與選中且

作興甚

優渥

洪恩帡幪豈惟一人一世感之殆舉

生之家

世世叩感矣久圖奉

候乏便未果茲因商水

公移草此附

謝不盡仰慕之私希惟

心照

是荷

啓王敬宇

昨京役還得領

琅翰知家叔濫與恩選皆

臺下維持之力也區區不才每辱

雅愛自媿

綿薄匪堪荷茲

特恩何以報稱唯有終身啣

感耳仰唯

明府政先節愛躬行儉約撫臨以

來未聞興一不急之工事一無名之費四境晏然

與民相宜僕入仕籍八年於茲矣亦未敢妄費敝

邑之一錢一物蓋因行誼無裨於閭閻求不為鄉井

之累可也歲前十月間聞

羅公祖東歷賜之坊

牌意欲樹風教作興後賢姑借僕以爲之倡耳仰

瞻德愛寧不悚然興感顧今地方多虞民力困苦

此坊之建雖以

賢父母主之然一木之植一瓦之

覆不無勞費在民願

臺下再加载酌苟可以

復

按治之命即中止之此不惟於

臺下得

全始終節愛之心而

僕之所以寡過免怨者皆

執事之所賜也甚幸甚幸歲月如流目下即

榮滿頌聲載道其愛在人可謂有成時也 內

召不遠惟舒徐以待之耳恃

愛瑣瑣統希

台紹不悉

啓栗東岩

久違

光範積念益深每圖奉

候乏便未果罪

歟如之何遠承 瑤翰賜問甚切感激恭喜

體况清和更慰懷仰南都親故甚少如 越峯

荆山兄不識可常會乎寥落斯情在弟尤有弗

堪者環洲相處不久即以憂去但不知何故去後

人多怨之信處世之爲難也人旋之急草此附

謝唯 照答不備

啓翁見海

恭喜歲事更新 福履康勝甚慰甚慰日前

草率奉 瀆深懼無以成禮惟 臺下不罪

亦已幸矣迺辱 瑤函遠錫 豐儀寵頒仰荷

高情殊愛

僕

何以克當也重違

尊命含悚

拜

嘉遙望

光範攸攸一水恨不能超

台

階領

德誨耳俾回敬此附

謝統希

照鑒

不悉

啓李與竹

不奉

光儀十易朔矣瞻戀何如

門下以道

作人一時賢士相從而化者群如也顧二弟踈懶無

以仰稱

德愛愧甚愧甚家叔選貢事仰藉

府縣公道扶植感不必言而

近溪公尤爲盡心

皆

門下之力也始終曲成之恩當與

覆載

並矣區區瞻仰之私豈紙筆所能盡歲月如流眼
底將告滿矣會晤有期景慕愈切便中先草此
奉 謝併拙句呈 覽聊發千里之一笑耳非

敢言

賀也統希

照鑒不悉

啓梁分教

奉別

顏範忽已踰年想望之私無日不爾苦

風便爲難耳恭喜

獻歲呈祥

履端開慶遙

知 執事體况清和納福當倍常也無任欣慰

家叔得冒貢選皆賴

門下作養之功與扶

植之益感

恩思德情曷能以自己耶茲肅具

蕪啓奉

謝唯

照啓不一

啓白掌教

恭惟

道脉回春

桃李崢嶸

門下日與多士

相游衍涵育薰陶造就者多矣古人成已成物之實
學一旦舉而備之固自一美事歟欣仰欣仰南廓
之別尋已易歲每憶 光儀愈然興思悵不能

寄寸楮叙離懷耳歲前有自京來者得家音知

家叔與貢選仰仗

鴻恩作成藉庇

聶力吹

噓愚生之感媿真無量矣便中草此奉

謝希

垂照不備

啓朱諧所

久慕 台光未遂登龍 僕無任企仰歲前鹽法

事宜藉 高明裁酌 特賜覆行 國用邊

儲永永有賴矣豈惟生之感德已耶運司中判
官七十萬之鹽課所係三十場之生命所關蓋不
可一日缺者近以謫官處之往往不肯赴任坐待
陞轉間有到任者又鑽求別項委用其於鹽課若
不相關甚可駭也僕爲此慮輒冒昧具陳意欲少
嚴其法使彼知供職耳倘蒙 鈞斷 俯賜覆從
則課孰與不足僕尤不勝厚望焉便中肅此奉

候極知草草幸

台照不悉

啓陳淇竹

久違

台範極切懸仰顧日逐塵囂有失裁問

罪何可言罪何可言恭惟

臺下風裁夙著霜

威凜然弟叨攀同事仰藉

鴻猷振飭百蠹潛

消盜改賴以不廢者

老丈之力也幸甚感甚牒中

所言據內商公議是或一道也倘蒙

俞允 俯賜

裁處則下流不滯上源亦可以通利商惠民一轉

移間耳未審

尊意以爲何如肅啓專人馳

上代候

起居薄儀聊陳鄙悰統希

台鑒不悉

啓沈澄川

辱承

手書得知

起居住勝甚慰甚慰恭聞

聖天子躬勅日講勵政不怠海內翕然望至治皆
老丈戡沃之力也欣仰何如不才昏昧伏庇 教愛
叨冒以來倖免顯咎辰下亦已滿矣止候代耳仰盼

懿範面晤良有期也敢因齋文人便肅此奉

候幸惟 心照不盡欲言

啓王見峯

隔歲之別懸戀益深向蕪啓曾托 澄川兄轉致

想徹

電覽矣

春門過廣陵即知東床中選

方圖慶賀

台駕又已東還歎歎每得邸報具

見大疏抗直且荷

俞允一時相遇之盛豈偶然

耶欣仰欣仰弟自二月偶感驚悸初甚懼之每自

寬釋少覺平復但未脫然去體耳伏庇教愛

此差已滿數月間或得回京面覲又有期也茲因

賁文人便草此奉候幸惟心照不盡欲言

啓喬純所

伏讀華札情真意懇惓惓有不盡之思門

下所以愛僕者深矣所以進僕者至矣顧僕愚鹵

人耳每媿踈略爲時所鄙弃歲前誰陰得瞻

光範過辱

晉接曲

賜優容佩服

德愛之

隆如飮醇和不覺心醉真切真切惟我

翁瑩玉

之資粹精之德汪洋河海之量而本之以深沉發

之以揮霍故一旦不家食而司

國禁則情偽微

變皆其所畢照是以直者服其公曲者畏其明傍

窺竊伺者憚其情雖媚旅社鼠且遠避其威而一

時士民仰彼

休德鼓頌

仁風者不止淮甸已

也殆盡江之左右上下矣

僕咫尺

台階時切欣

慕愧駑鈍之資鞭策不前方以負

教爲慙未能

修訊爲罪廼辱

長者之包荒勤使遠問

貺

儀申錫益情與禮而俱全也僕何以堪感 德拜

嘉心神飛馳敢草此奉 謝併具帕簡專人隨

上聊申鄙情幸 台下垂鑒是荷

啓方雙江

恭聞榮膺 新命進轉 台階僕不勝欣忭竊

惟我 翁抱經國之才負一世之望撫臨以來淮

海晏然無事一轉移之間漕政從此更新地方之所

利賴者甚深且切矣卧轍之憂於今當何如非誑

非誑向聞 老夫人違和久乏修訊罪歟何如

辰下 台况清吉納福倍常 僕意在 老夫

人必無恙也茲肅具蕪啓願人代 賀并申

候忱伏唯 台鑒無任感仰

啓蔣日岑

昨草草奉

候極知僭瀆

門下不罪 弟即

萬感矣迺辱

翰惠寵頌更踰涯分祇拜

高情感佩益何如恭聞

老丈威行如雷霆惠

施如雨露神速如疾風之披拂瞬息不留是以

憲旆所指良善安而強暴化墨黷之吏解綬行

矣弟雖不獲面炙

休光而

風猷遠播則

固可時時聽記也真切真切弟向在屬縣叨竊

有年尺寸無補惶愧多矣亮爲老丈所曲

庇人旋謹此附謝統惟台慈照察不備

啓龐惺菴

僕僭趨

左右仰承

德誨培植不任幸感別

後竟尔因循未能修訊罪如何歉如何人來辱

手書備聞

起居佳勝甚慰遠懷第風霜苦

楚有不能堪者恭諗門下望高一時才名當

世茲荷主上之異知以百十年不飭之屯改

一旦舉而付之身任至重也任之重者責亦重勞

神苦體艱險不避凡以爲國家根本計耳在

門下容知有不堪者耶敬諒敬諒若僕以駑鈍

下乘濫竽龔務深媿補塞無能徒切素餐之憂

幸藉鴻猷大畧一整頓間成法昭然可守即

今邊內相安引與鹽兩爲疏通皆門下之所

賜也僕何有焉僕惟以所司乏人行之不盡無

以宣門下之美意是則尤其所兢兢者倘有

所聞便中批示尤幸人旋敢肅具蕪啓奉

謝欲言非尺牘所盡統希台鑒是荷副啟

昨會題加掣淮南儘可消遣所恨水商延

捱等候價高而掣鹽道又不依時掣放是以

彼地雖可消遣而此去遲遲所消亦不多也要
在催督何如耳照單催之速掣已掣催之速
賁既賁催之解網上船船至石灰關而又移
書催之速放則庶乎可矣若淮北行鹽止有四
府今割去淮安一府而又加掣至於二十二萬稍
覺壅滯雖經

題復南陽半府今兩行該道

呈請彼處

撫院分撥竟無一字回報不知何

說俟再圖之近日細查邊商續到勘合鹽引未
賣者止七十萬有零計次年春季可了後來
者寧有幾此不待三年而可以疏通也內商以

其逼之買引小本者少有怨言付之無可柰何

耳遼東開中所納米豆四倍於昔 門下稽查

之力也使各邊有人稽查如 翁邊儲何至如

此告急所謂為改在人者此歟孫嵎峰事勘不在

生惟辨詞始行及之朱蘇人言雖多及查卷案併

各州縣簿籍則毫釐不謬迺知出自楊子之飾詞

謗言甚可畏也 天日在上負 門下即欺心矣

不誣不誣七八月即可交代容至京邸另圖專

候前 賜下考語二冊遵 命即付之該府收

候草具附 復餘不多贅

淮揚雜錄

卷之四
集簡

往



陳聯芳

都下荐承

教愛感刻無涯茲過廣陵極欲搦

謁

臺下因聞

憲旆甫蒞地方未敢遽煩閤

人辱蒙

尊命寵留充荷

厚雅第衝途歸

棹勢難久泊已匆匆爲渡江計矣尚擬再抵留

都繼領

謁益也蒙

賜腆饋緣旅客獨行

不敢虛

長者之惠併附使者告

璧統乞

炤亮旅次乏人援筆草草不恭更祈

原宥

幸萬幸萬

龐尚鵬

夜入東昌聞郵人報

駿節業已駐廣陵引領

臺端未由展

謁乃特厓

眷念專使寓書祇

奉

雅情豈勝感忤竊慚謏劣仰荷

掖持

得備員司歲月已踰涯分今復濫竽重地日切

冰競獨幸密邇

法垣受盛

弘畧庶幾勉自

繩督或少追顯責於

明時耿耿殷憂聊以是

自寬耳奉

教有期馳慕轉切謹先勒此布

候兼致

謝悰未盡願言統祈

台炤

邵鳴岐

往在河許幸挹

台光領

大教旣多且久迄今

企慕耿耿

榮擢日岐自分踈末未敢修

賀

罪何可言茲何幸何緣又得樞衣有地矣德有

期也

台旌按揚當躬詣一展

賀私用飮素渴

第敎關鈔課攸絆遠馳弗克自如謹頌代候

伏冀

鑒原不備

薄儀具別幅

福時

久傾

環望未遂瞻承翹跼之衷非言可狀側

聞

台節按臨維揚想

新猷一布上下稱便

密邇

聲號曷勝祇仰時承乏漕司值運務勿

迫不得躬詣

臺下一申丹款其智力罷淺舉動

周章難逃

藻鑑幸有以

督教之茲特齋宿

遣官齋呈短刺

并致

賀私簡畧不恭統祈

崇炤

周標

隔濶

音範倏尔逾年塵囂久逐賤候遂踈惟

是戀依載盈懷抱恭聞

按節維揚下

車甫

始澄清之氣凜然光被方時調盈虛於歲計觀病

利於人情威震豪猾惠流甯丁誠標所欣欣密邇

而景仰

德業之光也南望廣陵悠悠一水悵未

即詣 階序披歷離思耳茲謹遣官代致薄

賀臨發馳神伏祈 鑒照幸甚幸甚

溫如玉

客歲於都門始瞻 台采沃領 教言生平幸

願良足爲慰瀕行又辱 欸餞稠疊感戢之私

何可言旣頃聞 憲節甫臨江左而風聲所及

已轍三吳玉亦初至地方正喜伊邇 德星擬欲

修候倉劇未克忽承 珍翰遠至足仞 厚情

展讀之下殊增惶感不虛不虛使旋聊此奉

復附 謝諸惟 台鑒并容專圖布也不備

戚繼光

翁海岱萃英熙明肇業蚤膺

路軾弘播

鴻猷中外引領若

威鳳景星為時禎瑞光

戈鋌末品謬役邊疆夙有嚮往之心自顧跼蹐又

無敢輒申竿牘以溷

威嚴卑卑寸亦徒延首

斗山而已頃者北還滿擬伏謁京邸而 憲節已

南指維揚矣光於春杪

陞見日困叅承茲且

謬叨總理之役會

譚華翁行邊

廟堂諸

老頗采納光之管見第光欲乞數萬之衆

所長

廷議未蒙惠允犬馬微誠恐難展効也

翁百心

杜稷憂及邊防敢此啓齒幸

有以教

光也輒有瀆聽賤累豚兒輩尚寓維揚欲托胡叅
戎挾之北迈不揣僭請座船一隻以爲修塗計

異翁俯軫曲賜慈航之渡寵逾百朋望

不訝舐犢之愛也謹勒狀少通悃欵冗次臯稽伏
惟尊慈委炤光幸副啟北自南馳北輒

有十萬之請車步騎互用之法爲遊兵聽調期以
堂堂所長而爲永佚計仰仗朝廷威靈幸

得一試則入衛兵可省邊屯可開鹽法可復諸邊老
弱人馬可汰而取其餉以養兵倘賊入本境則當其

鋒賊入他邊則搗其穴計之上也此 華翁先光

入已爲 諸公減其半又不可得乃允先募三萬

而 譚公以治內標卒料二萬合之 朝紳以爲

情邊事至今日極矣誠有如光之見者但求其

主張是者未聞也 諸老初意欲共以鄙策面

奏 聖明下之廷議俾其必行無可中變旋勅

譚公爲二策以請募兵爲上策而以就練鎮軍乘
墻主守爲上務謂之中策遂暫行中策而請兵
之議解矣又云防秋已迫俟秋後圖之此非真苦
匱乏聞之太僕之積與 皇上節儉之餘歲捐

百萬亦可餉給惟議論多而人語淆擔當之難耳
嗚呼求宛馬于萬里之域至則縛其足而使駕鹽
車且不能千里況下駟如光者乎嗟夫任事人少而
時不易得誠可流涕然事關 國家

氣運想自有驅除之日又非光等之所能力挽也
但不可得盡力而所可自盡者心如光弗以力請于
當宁則光之負心也今旣力請而又力爭之力爭之
不得順焉而已矣聽焉而已矣柰之何哉光復濫
叨總理之 命旦夕且行邊駕馬長途惟向秋風
悲嘶望衰草俛首云爾悒悒不旣 又副啓

光齊人也以薄德獲譴于冥宰而使宗屬凋零
一姓之係僅有弱弟耳光年四十向乏一丁荆室
仄隘不能容婢妾故不得已而行權密置私侍于
他所幸而即獲一豚犬子昨因行急藏諸揚州民
舍今專人往取敢侍 桑梓之雅仰祈座船壹
隻然愚宗千百年香火之續僅倚此兒望

鄉翁務賜新堅之舟所領 爰世世不止一飯之
恩也薄儀欲行併上但 翁按行屬郡恐干

清禁尚容恭候 旋京另申懇懇不備

邵鳴岐

岐沐 門下教愛爲深奉違 台光雖三閱歲然

欽仰之心惓惓如一日也岐濫竽京銜藉賴 福

庇良多自揣已爲踰分惟冀舊遊 諸翁不吝誨

迪曲賜夾持俾得奉職寡過則感 德之私自

當刻骨銘心昨非具持表 賀忱將 問敬爾

茲復承 珍函遠及 厚貺下頒登領曷勝輝

寵秋初擁帚拱候 旌臨祈不以微薄見棄萬

幸萬幸使告旋謹附 上謝諸惟 台炤不備

喬懋敬

懋敬 謏陋不足齒數待罪准司幸功業積幸而密

邇 台端或可竊餘 光以自庇極擬造 請以

輸丹欸竟爲簿書碌碌未償夙心昨菲儀少致

芹 敬方以簡瀆爲懼反辱 昂翰俯錄陳人

盛念已爛然楮筆間矣復付以 多儀之錫自

揣愚戇何以仰承祇 領增慚無能爲喻使旋

肅此附 謝下情縷縷瞻溯爲勞統容頌

頌茲惟 崇炤不宣

方蘄

憲節至維揚將及數旬而地之相去亦止數百里
竟未由一面 教罪歟何如昨海州鹽徒雖時或

聚散而其所報甚是駭聞茲固下人虛張以掩
罪而有司昏昧不察可槩見矣但地方盜賊月
有 奏報若匿而不 聞恐有他說據此徒
衆又非事體謹以行案附 覽在 高明必
有所處幸即 裁示以慰懸切餘惟 台照不
備

喬懋敬

懋敬以海濱下士傾仰 聲光舊矣會謁選之
初即叨淮役侍 教無由瞻溯靡切側聆 台
節開府維揚竊意相距匪遙或得奔走下館以酬

夙心柰職守官次阻詣

臺端深以爲恨然密邇

左右時德聽聞

新政恍若飡承

鼎誨下情

竊慶寧有涯量茲特遣官齎狀代布并薄儀少

申

賀敬卅稟懃懃統祈

宗照萬荷

朱衡

伏承

翰貺遠頒感仰殊深惟此河工得底於成

寔勞

大力今諸閘水滿舟楫無阻且沛縣一

帶昔日魚鱉之區今皆變爲桑麻地矣知明

公厘懷敢以附告衡積病近覺難支旦晚乞身倘

遂所請當期奉

教範於維揚之上肅此宣

謝外河圖附

覽統乞

台亮

譚啓

恭惟 憲節初下維揚淮表風馳長鯨屏息

大賢作用自出尋常也弟奉 違日久渴欲迎

驄馬而聆 緒綸柰江分南北遂成參商回憶金

臺抵掌時事似未可數得弟已竣吳事將之武

林益遠 風標末由覲邁悵惘何如悵惘何如茲

敬肅短裁差人齎 候外具不腆庸申 燕私

伏惟 俯照勿罪幸甚

王嘉賓

舊歲應

召得附驥尾接聆

餘論浹旬滌慰

良多折襟南旋經歲時切悵慕竟坐踈慵不能

勉裁一函以扣閣者其於踈濶又何可言傾聞吾

兄啣命攬轡維揚方幸一江之隔雖對面晤

言未卜何日而承領風裁伺候動定則可

時時得也忤慰何如昨歲胡虜入擾言者議欲

復鹽法之舊意者指本色而言也迺驟添總理

鹽法三員便乎否歟公卿傳議固非後生所敢

輕評兄當此事必有槩於中矣鴻順當有以

見教目下甚苦熱維揚風氣尚江北也雖熱當

少間溽濕未免有之敬慎

動息則芹曝意也

下車例當舉

賀矧久違欲奉候則翼翼不容

已俗儀用以侑東惟無以爲套而見揮斥則顏面
有光矣如何不盡

陳廷芝

自都門奉別

清光忽餘一稔仰止時勤乏鴻馳

問抱歎何如可言恭審

道履亨裕

德望隆

崇正色

朝端主張

國是海內莫不洗滌想

望其風采矣矧今楚揚重地復借

持斧將見

使車所臨盎然春陽肅若秋霜而

仁育義正

之化不期月而已有成效也碌碌如弟者慙無寸
善叨竊同事仰仗 教庇庶賴寡過恨不能奮
翼 左右以瀉積悰也謹此代躬布 候秋風
漸高當北棹以圖 晤言不盡

麻永吉

昨聞 熊幡已按淮揚風裁振肅河山增彩一
方士庶惠沾 明德不淺矣僕叨侍鄰壤與有

餘輝敬仰敬仰近日鰲政建議者紛如想 高

明自有奇畫惠商阜財倍出常情者矣僕猥以

庸陋叨與教末不識可一 惠示否謹茲肅使奉

致鄙悰兼候

台履幸惟

鑒諒

徐階

使主承

惠書良感

記念起居之愛正亦鄙人

所望於

公者幸

自介情臨楮瞻邇不備

李春芳

承

手翰知

憲轍已蒞敝郡山川草木當生

耀矣忤慰忤慰聞家父走

謁辱

體貌優

假不勝感激使還布

謝餘惟

炤亮不備

郭諫臣

向叨附

驥兼以同門之雅過承

教愛感戢何

可言頃者淮揚有幸獲借重 明公想 霜威

所臨貪墨寒心豪強落胆其於 國計民瘼裨益

良不小矣第今鹽課為軍國所資而鹽商竈丁

復一時交困于此欲令足國愛民者無得非悉心

講求多方區處未必遽能盡善 吾丈其加意

于斯焉侍在 素愛敢此僭言伏惟 台亮

南方暑溽更祈 順時調節以膺 渥眷臨風

不任依依

岳相

報國分袂不覺及旬思 先道範昭然在目憶

兄教語耿耿在心雖日趨走於名利場中笑語於妻奴私室曷嘗不一夕馳神移志也方今鹽法告敝國用久匱官吏之皂白察而未信軍民之利病按而無實幸今

聖明在上首簡吾

兄閱彼維揚良以吾

兄久抱經濟匡時之蘊

素豫純誠不雜之心而又出之以優閒行之以平易誠高明沉潛之兼裕者吾知揚清激濁興善釐奸財用足而軍民各安其所矣一時之經制將爲百年之法守豈直澄清一路而已哉弟今勤勞簿書非無知己當如

兄之知愛竟有幾何

終日惟捄過之不暇安得如吾 兄者以導指之

哉伏願吾

兄無吝教音况盛使來京頗多幸

無以為煩也願吾

兄差委查盤及盤鹽官員

務的當者何如此弟平日之所熟知而父見者吾

兄高見固不須弟之贅詞第以弟之受

兄之

教之愛有一毫之私見不容已於不陳之也幸

垂鑒之事冗中盛使立等草草不恭當滯暑

貴體倍加珍攝尤惓惓無已之心也千萬千萬

留神留神

魏時亮

京邸日奉

台光恒切敬仰別來每動瞻注甚

以未獲馳

問爲歎念惟

老丈抱養夙深

茲者

憲望崇碩遙知

驄騎所歷庶績底

而遐邇肅清大爲臺省倚重地方庇藉企賀曷

可云喻如弟者尸素無補懼負

清時惟我

老丈俯教勅示爲望辱

來翰感領去人立俟

不克展宣伏在

加玉以副祝私是禱諸容副

布不旣

王秉鎬

秉鎬自惟凡庸濫厠臺幕叨邇

清輝顧已逾

分極矣然惴惴焉日惟追罪未能而矧望齒于
鵷班之末乃謬蒙 長者汪度不即鄙夷遠

賜 華翰且過辱接引慙感曷勝恭惟 臺

下風采凝峻憲節詳明豈直淮揚人士衣被

耿光額手稱慶行將伊周 廟堂韓范邊鄙

胥于此焉地矣敬服敬服第以後進未緣面晤

台範徒切瞻依深為歎耳使旋肅此附承

動靜兼布景仰之私統祈 睿照臨書不任嚮

往

王堂

臺中幸侍

左右荷

愛種種感佩愚衷未

嘗頃刻少置也別來倏逾半載遙望

風采

無任瞻依未克修候廼承

遠賜翰教銘刻銘

刻因知

台駕已臨地方計此時凡百整刷無

遺矣

國家至計今有

高才大加調理是誠

宗社生靈之福匪特臺末竊獲帡幪已也茲緣

盛使言旋敬裁此附

謝併候

興居萬惟

台原不備幸甚

龍施

施渥承

誨雅未獲專申倏爾爲別已歷兩時

裁 訊鮮緣適殷歎仰使來祇奉 魏劄劇

增悚感恭諗 榮蒞維揚風猷整肅百度飭

貞豈惟剔弊除奸一新蹉理 國祐民福所賴以

崇篤者胥多矣施翹瞻 法曜慶慰為均炙侍

未涯有懷益耿謹肅啓代 謝用佈 候忱

伏唯 委鑒施伏楮不任馳嚮之至

孫光祐

祐菲庸叨與同門頃京飫辱 教愛匪言可悉

別念 道範悵結更切吾 丈諒此情矣淮揚

大不若昔其肅吏治撫凋疲克公儲羊奸頑皆

丈之所優爲又平所慷慨而自任者也區區端有望焉役旋附謝 台念并布下悰臨風瞻企不盡

王本固

近日以邊事孔棘財用詘乏 廷議咸謂通商爲

足 國之計茲以 臺丈之高明而省菴公久練

達老成一通變之間而修攘之所資者將有餘力

也承 垂問足仞 注存因使附 謝伏惟

崇照至感不宣

王好問

奉

違荏苒踰時

懿愛高風倍切思仰南國

督察得 大賢按節計 風猷所敷弊革利興

吾 臺之光也非謏非謏茲蒙 清問遠及益

感 至情勿勿附狀邈望行雲臨緘側側伏惟

鑒原不次

冀鍊

中州欽慕 德名未及面晤乃後 榮晉西臺道

迂又未專賀方茲切仰忽承 台翰感激伏惟

門下所至如春風時雨知兩淮大蒙 洪造也

使迴先茲肅謝嗣容續布南望景悰不盡惟

台照幸甚

楊俊民

握別幾何欵然歲半矣懷

德感

知晝宵在念

非兄施愛過勤何以令人至此伏捧

華牘

具諗

弭蓋維揚過水胸山之問皤老稚髫咸

被春暉之賜輪蹄之使率能頌之匪敢阿所

好也謹貢言展意并曝索之私控欸未悉俟

續音布焉

沈淵

日者沃領

至愛種種難陳比行又多簡畧雖

盛德者不枚枚咎而鄙薄含愧亦何以自解也恭

惟 老年丈德宇粹溫風猷凝遠不日 問俗

既周謁 帝承照宏長夙謨以贊襄治化而

社稷蒼生均有所賴矣茲者疊承 手翰已備

領至教所 諭令親李相公已熟晤矣並

告緣去人迫甚不及恭啓統希 垂鑒不備

陳行健

都門極荷 教雅無任銘鏤 台轅榮征頃成睽

隔瞻戀彌深顧昕夕塵鞅靡一寧刻殊踈訊候為

歟迺辱 瑤翰逖頒垂念葑菲感戢曷可云喻

方今世際熙昌英偶布列雲龍風帟千載一時

明公有夙負奇瑰之才抱經濟之畧閎名碩望丕

震寓內即日晉陟

鼎鉉翊贊

清明其依

袞舄不遠也健樸揆庸品本蔑寸長濫竽省末

日切惶懼儻

門下不斬金玉以迪頤蒙俾可

驅策則

造就鴻恩詎忘啣結使還謹勒此

謝并

候統祈

鑒亮不備

王湘

久不覲

粹顏聆

緒綸矣懷仰衷私與日俱積

夙沐

誨愛種種感奚俟言客冬辱承

華札

益增銘佩溯自初夏離鄉夏仲初旬甫入都城暫

役纂修循資正差尚未可卜方圖修候未遑復
蒙 翰教渥情厚誼服膺不忘詢聞 台範
清嘉夙猷大振忝 愛有素者能不遙慶而
私慰耶倅旋抵此布悰兼候 鈞履伏惟 垂
鑒臨楮欲言不旣

曹自守

癸 教候已數月拜領 翰諭彌切馳仰恭惟
吾 丈疑肅沉粹夔脫俗絆如守粗謬變何言
竊念鹽法在於剗弊導利似與按體少異鹽法
不厭精密按體不厭寬大適今 叱鹽特遣正

創理經久至計時也但屬吏賢否似難專以鹽法
論耳吾 丈以爲然否古言百聞不如一見屬中
賢才可備大用之選者外知自真便使不吝
擲示尤見 相與素意也餘不敢妄贅

張希稷

伏違 台教無任懸戀良以 雅誼醇懇若和
風甘雨披沾暢遂不獨爲桑梓之私媚也真切真
切辱承 遠翰宛覲 清光至於不鄙淺昧亦
及 詢采則又無擇涓埃之渺細豈知嶽峙海涵
又何者可以裨其宗深哉惟 翁精衷而洞外

調高而音和精明渾厚固已鹽梅和而耳苦適
矣於齟之察何有耶夫天下之事膠柱則操者
寡音改絃則聞者殊聽因革損益均之爲難識
其機而調停之善之善者矣若曰清霜愁鬼魅皓
月避妖嬈則翁之餘事未敢以陳也使旋肅此
復上兼申謝悃江雲渭樹豈勝馳情統惟
台照不備

劉繼文

春月台駕榮發都門匆冗未獲一申顙敬迄
今爲歟別來數月無任傾慕第屬按治弗敢

遣 賀廼辱 使命遠及捧讀 瑤翰情誼藹

然足仞 記存感刻感刻恭惟 老丈碩德鉅才

旌節所臨恩威並茂澄清之化將洽江之北矣誠鄉

邦士民之福豈特一人之私慶哉如予謏陋濫竽省

闕職業未盡乞 無吝指教以追瘳曠至悵至

悵將 命者旋謹此附 復臨楮不盡欲伏惟

為 國保耆以膺 福祉是祈

謝廷傑

不才幸侍同臺追陪 末光而城寺諸差又竊

踵承 芳躅仰席 教庇良多第 榮差

遽爾遠違都門一別情思依依茲辱使問則

知孟夏底尊任矣繡節所指威行澤流

如不才近以駕劣叨巡馬政惟門下長駕遠馭

之略當不惜啓示之顧反謙冲下詢令人益負愧

也謹因使旋草率附候興居併以申

謝馳戀之私筆舌難旣

陳應薦

薦也無似叨附鄉末京邸涇承愛教感刻

不盡欲言恭惟我丈化行淮揚風清弊絕

指日臺閣無庸贅矣弟以才謏無事冗瑣

未能修 候咎奚可文迺不加擯斥反遠辱

翰益情誼諄切生讀之不覺汗下沾襟也感激又

當何如也耶 使旋肅此奉 復兼候 台居

伏乞 俯賜鑒納無任懇仰銘刻之至

孫枝

昨歲都門幸承 教範茲違又數月矣惟

公以繡衣使者按部維揚 憲節所臨必能

上為 朝廷宣德下為地方造福不假言者矧

齟改又 國計所需方今講求甚急經濟弘猷

公於此必有大展布之矣枝碌碌待罪省垣不

能毫末裨益於時深用懷愧 使來辱

清問具悉 高雅還便頤啓附 謝餘情縷

縷惟 照鑒不宣

李與善

弟庸劣辱 兄教愛最多雖小兒輩亦賴庇

覆時切懷念前 榮行匆冗中殊欠情款罪

歟何如小婿東歸惠承顧帶寒天遠道 兄

嫂曲爲撫恤煦煦真若己子也顧此 厚雅闔

門感激向來圖謝未便復下 雲章備見存注

愈令人銘勒難忘矣使旋肅具小啓附候 台禧

并申

仰憶伏惟

尊慈鑒亮弟無任臨風

祈仰懇切之至

李用敬

伏自去夏入

都即獲仰接

大君子之光儀緣

壤地相邇遂荷不鄙辱在

知愛之末周旋數

月得聞

密教款語益甚數矣正月相違同郡

加少頗覺落寞昨

驄駕抵府又蒙

曲憶遠

就蓬茅屋烏之愛感當何如茲盛到又

賜手

教

諭誨諄諄捧讀再四令人愈增感戀也

謠知四月蒞任諸所興革煥然聿新駸改固難

舉者此特初試少出緒餘耳敬叨臚寺以來今

踰半歲諸凡

聖駕耕耨謁

陵及

冊

立等事俱幸完畢入夏以來止於常朝之

事亦無難為者足以竊位塞責矣無可以布諸

左右統惟

若時珍攝為

國自玉以迓

寵注不宣備

鍾穀

寒冬違

教今已夏半矣依企之私徒翹首南

注也過承

雲翰遠頌足仞

念存且辱

下問惓惓尤仰見折節虛受之懷顧鴻鵠之志非

燕雀所能窺也。媿悚媿悚。夫淮揚近來最號衝疲。行賈居民之不獲寧已有日矣。幸得大君子

借重是方。則一振布之餘。自當頓然易觀。其所以足國課蘇。民困垂萬利賴之美法者。必有匪夷所思者矣。寡昧如穀者。何足以知之。而何能裨於高明之萬一哉。弟春夏之間多病。為累碌碌。日度無足為道。使旋謹此附候。啓居餘情未盡。統惟崇照不宣。

劉孚

孚曩蒙

出格雅愛。中心不勝銘感。自

都門

送 別俟近年懸慕

儀範每形諸夢寐以嚴

禁無之便未敢通

候適承

翰諭遠來足見

念舊之意始知

台駕已按淮揚矣揚清激濁

奏績盖有日也偶值

今愛之變難不動心然此

亦數耳千里之外

懷抱更宜自寬予素碌庸自

違

大教罪過積不自知便中伏望

高明俯

賜指示何如倘

肯不吝金玉庶幾有所省循矣

此乎恃

愛之至望也

盛使旋急荒此奉

瀆幸

汪度鑒亮之倘有緣如有差尚容面

晤拜謝不盡

朱崇道

弟叨蒙 教愛鄙吝頓消私冀幸朝夕侍左右

也廼吾 丈以榮差行 台範久違不勝瞻仰遠

辱 翰教情義懇切足仞 年雅不以薄劣遐

棄也感佩何如恭諗 碩德夙望雅重一時丕

振激揚肅清風紀行將 台鼎清朝霖雨蒼

生端有望矣欣慰欣慰 盛使旋便謹此少

申 謝悰統惟 台炤不悉

鄭大經

京華幸叨 教愛塵冗碌碌不及時勤晤服

榮發僅一面承亦不能少盡

餞私方切抱歎顧

辱

枉教先施益深愧感

驄節按治而風裁

表著可占已滿擬奉

使南歸冀獲叩謁偶承

乏省緩不果日懼瘵曠惟不惜

指示俾以不謎

徵 惠如何

使旋附言申

謝統惟

垂照

不盡

劉采

久仰

清望未由

晤論亦自神交迺者

觀

風淮海威宣惠孚弊釐倭止他日

台衡事業

此其權輿矣生輕于出山漸以負重憂勞鮮功祇

增愧悚密邇

道範一申

起居別有附言侍

道義之知固無嫌于未同也草草惟諒悉

丁應璧

客歲

京邨一會飫酣

醇和甚愜渴仰後

假便修

訊再辱

翰教逾切感藏惟吾

丈赤忠冰操上資天日下孚狡童先聲所至已

改觀易聽矣至

肅憲貞度釐弊剔奸又

兄餘事耳方

今最重齟政擇以

兄按殊為

得人當不俟弟之綏綏也若弟以孱弱寡識之人濫司戎務譬之駕駘走羊腸之險即僥倖

弗歟求一善狀以荅

知己則閔然無有好事者

以賤名廁邊事之列適可資撫掌一笑耳惶恐惶

恐茲遠承矜念特

賜情贖倍增銘佩緣使者

刻期告旋揮汗草草言無倫次伏祈

台鑒

不盡

劉泮

恭惟

碩德隆望

朝端丰采天下皆想聞之

廼吾江淮

保障獲藉重焉承

庥賴

庇

泮與鄉邦同一感戴矣何幸何幸客秋京邸天

假良遘倏易寒燠瞻企為勞緣備乏固安尋調

昌邑諸所措注愈繁愈難日唯碌碌不給致于
記室過稽慶候罪戾曷以追也頃者叨轉僅
免顛躓殊負倦倦厚望為媿然濫竽洪役
密邇台光請益有期詎勝懽慰茲月之六
日已履任肅裁蕪啟申候台社無控濶稟率率
未盡百一伏祈原亮潯暑更乞珍恙以膺
帝注不宣

王世貞

昨歲陳情北闕削跡西郊乃承長者見召
雖不獲親炙大教而飲德無量矣適以不得

已違心勉出擬一造

臺下叩謝值

道體違和

僅通短刺過辱

俯貺盛儀感佩何勝區區已

上乞骸之疏倘得請歸日當專造謝也外先

狀一通先集一部呈

覽乞

照入

蒙詔

叅悟維揚未及旬日而

高懷雅誨種種開誠

真可以佩服終身感荷何可言盡自奉違後即

早行過高郵寶應秋禾盡稿百姓持訴聲徹

郊原弟即權命有司每處開閘數座稍泄運

河之水以濟之雖杯水無救於揚埃然所謂一溉

後枯似亦不可少者因竊念淮揚以北居民窮苦
非旱則澇流移遷徙煙火晨星最宜加念弟奉
使無狀吾丈何以教之茲謹遣使馳謝走
筆及此不覺狂謬伏惟俯賜鑒原不任祈仰
之至

鄒廷望

憶昔同事汝中弟固忘其鄙陋而吾丈亦不
自有其高明論心真切愛同骨肉都門一別
倏越歲矣其爲悵仰何可言何可言王齋
兄過忽以來教下諭不勝感激恭惟使

節出按淮揚握紀貞率其素履者時行之威信
誠有出于言動之外者遙竊爲慰如弟奉役清
源苟且完事碌碌故吾無可奉聞 貴宅平
安書弟已專人取到矣謹用珍歸附具尺素奉
候伏惟 台慈不旣

龐尚鵬

拙稿 多迂談乃強爲取給目前計謹錄奉
尊鑒伏候 鈞裁指示以便遵行會簿該二
翁一 貴院一領回存照今抄謄不及先將一冊
奉 上容另具請書 題字此舊規也

按院初五日不至即職名不入疏矣謹併奉

聞餘不敢盡

拙稿正欲請

裁方敢

繕寫乃蒙

溢譽過情慙汗多矣其間更易

字面謹奉

命隨宜增損萬惟

酌其可否

早賜發行幸甚

袁洪愈

久違馳仰適

節鉞巡臨定擬會晤乃值

道

體調攝尚欠奉

候蒙

佳儀多錫至感一路

諸公之惠俱不敢承在

至契厚又不敢盡卻祇

領鹹臘四味乾果四盤餘謹附使奉

璧又

啓北來者揚州船甚舊今日舟人云不便于過
江求之于府謂一時不可得然在途以行爲急
不敢不奉瀆門下或命措處或借尊舟得
早渡江幸甚明日欲詣臺端面申謝悃
無布濶私不知可得
是否暮夜潦草統祈
垂亮諸容嗣陳不備

顧承勲

承勲無似武弁庸流叨膺漕寄朝夕悚惶前
月爪渚督運事集回淮道出維揚晉謁憲臺
得侍台教迷途必開終身受翁之惠無

涯也豈期清河水勢急湍聚船二千有餘先承
方老先生手翰次聞此報匆匆就道無程前進
弗克面承 德訓抱歉迄今負罪迄今向者菲
儀申 賀少展下悃更叨 翰貺寵頒不勝
戰慄敬謝敬感之至第勲離淮日久於七月初
八日家僮主舟始接我 翁華翰腆貺勲何敢
當裁 謝過違罪萬莫追謹此專官恭
謝少展愚乘并 候萬福草率欠端伏惟
台照不宣

向者都門辱承

枉顧感荷

高誼第以森因

部務冗雜每晚出遲以致不能顯候

門下而

失於

面拜爲罪殊甚至今抱歉仰惟

按

巡淮揚

風裁獨持而鹽政更新當一振肅矣

莊誦

大疏敬服

確論即已如

命上覆

允行誠清出納之一要務也但減小包增引之說

嵎峰老道長大疏今方議

覆森竊意每單七

萬引增爲九萬計八單所加者必以歷年之積

引而不主定於歲額者乃可漸消尚當待

明公再議也如何如何評還謹此布

謝不盡

鄙懷伏惟

台照無任馳遡

朱繪

遠辱

翰教

明愛良深惟

臺下以宇宙正

氣攄悃揚猷凡在章逢罔不推服繪鄙劣無似
亦辱 謙光下布情義洋洋感愧當何如耶

使還草此申

謝兼致

問私冗中不盡幸

賜原宥

張瞻

去冬忝侍臺中獲炙

道範殊慰夙仰不數月

間

翁膺巡視之命而請

教之心遂曠然遠

矣竊惟

攬轡江淮

風猷茂著三輔士民咸

翹佇以瞻

激揚之化醴政之脩特

經濟之

緒餘耳矧瞻叨承

臺誼倚玉爲光其慶慰之

私寧不什伯于恒情耶

節鉞出京每愧踈

簡爲歟茲承

劄敎遠垂開函展誦深荷存

注使旋敬此附

申侍奉尚遙南望台光不

任耿耿統惟

鈞照幸甚

何起鳴

都門頻接

芝宇猷領

誨愛感刻可勝言恭

惟

門下峻望鴻猷久傾

朝宇行

驄所

止 風采異常世道生靈藉 庇豈淺淺耶

僕謏劣更虛糜何足爲有無也不識吾 丈

何以教之使旋草草附 復并申 候 起

居餘不及悉伏惟 台炤幸甚臨楮曷任依依

潘民模

久違 台教未獲申 候罪歟殊甚茲濫廁臺

末仰 庇良多但謏劣弗堪惟異 年丈教示

耳方擬裁楮代 問仰懇忽辱 瓊翰感佩

無極人旋肅此道 謝并布下悰餘情不盡統

惟 台炤不宣

盛時選

去冬家兄連詞

臺下蒙念

年誼俯賜吹

噓誠二天之恩沒齒之感也春中遣使修謝會

奉命南邁不及徹

台覽爲憾茲承

翰

教愈激鄙衷恭聞

老丈宏才詎盡按歷南

服不惟

國課有裨鹽商亦蒙惠澤矣羨之羨

之弟初濫西臺憲體殊未了了無以臺中乏人

委務雲集恒以不能遠愆爲懼更希

命之

乃至幸也謹此

上復並候

興居惟

加

以需

宸眷至懇

孫以仁

仁以區區庸菲冒役多愆昨者幸際吾 丈交

承仰荷 教愛無涯無以 帡庇百倍銘鏤之

感曷維其忘茲者弟於七月初三日到京初六日

朝見限期頗裕皆賴吾 丈推愛之所及也邇

見 大疏其那借一節正運司夙弊弟已備爲

條陳而 高明先獲真見不約之同亦准弊改

革之一初矣羨服羨服詎今 秋色清威

繡斧澄肅官商感畏中外著聞此誠爲同榜之

光弟所藉於吾 兄者豈淺淺哉書役回謹

此奉 候并 謝統惟 台鑒不悉

盧鳳來

初秋暑中猥以區區無以過勞 臺下親灑華

翰既非來所敢當中間 獎借再三奉 章

檢點尤非來所能當也感激拜 嘉何可言喻

惟日刻之寸衷此生與俱耳 瑤函即令人齎

去還時亟報 上以慰 尊懷鹽法未議乃

開封時弊無補他方隨當錄 呈請 教使

還謹奉 謝不盡衷私伏惟 臺下爲道爲

世崇護多福蚤陟 端揆是願炯炯不具宣

偶病暑不能書屬脉見代萬勿罪

曹邦輔

拜讀 大疏禁制鹽橫誠爲得策夙仰 風

度高朗明斷人皆稱贊矧主私心尤不勝馳
仰軍國大政時正重賴評旋謹此 候并謝有
懷不盡

王友賢

都門日承 教範時切感恩乏便稽 候方

自訟歟承 翰使遠臨尤荷 雅誼恭唯

門下清才碩望風紀增重諒凡補偏裒敝之方

區畫詳盡鄙人叨與同事不過仰步後塵而已
慶幸慶幸聞江左旱魃盛行洪水橫流地方困
苦特甚不知當何弭恤預爲曲突之計望 高
明詳示教之忝便先此附 謝希惟 台炤
臨緘不勝馳戀之至

龐尚鵬

昨三復 名筆凜凜法家語今 序小刻直
而文簡而盡粹乎造道之言也非曾羅萬象豈兼
長主是耶歎服歎服獨念躬行多闕徒競迂談
乃辱 獎借過情祇增慚汗耳謹勒諸篇端使

鵬得附名不朽非平生厚幸與裁此具 復

嗣容躬 謝不宣

徐元氣

氣無以叨附

年未藉庇

寵榮多矣緣初

選南曹弗獲久領

台教繼羅內艱苦居三載

益遠君子之光殊抱積歎近因起復道經揚郡辱

我 翁左顧兼錫腆儀且

軫念天暑慨撥船

隻護送抵灣其

高情雅愛迥出常調不惟

弟之賤體得以少舒而拜客亦稱甚便途中得

此一助感激當何如茲以篤人告回敬修片楮申

謝仰祈 垂答萬荷餘悰種種不盡欲言臨
風曷勝悵望

方廉

淮之去揚僅三百里而 憲節臨境亦凡五越月
竟未得一面教悵戀若之何廉以衰薄夏染暑濕
及秋不能脫體近已疏 乞骸骨或得辭繁劇

矣外地方災傷淮徐獨甚而維揚差薄皆緣不肖
奉職無良 台慈和氣感召所致更復何言茲

特具草 請裁第各官所勘間以毫釐混報僭
為刪定且 題災例不過八月擬二十五日封 上

若各衙門揭帖亦已代具似不煩另製也餘惟
台亮不備

孫代

四方災異頻仍識者憂之頃 朝宁之間又陡生
大變扼腕痛心殊可驚懼而不殺輩躬遇目擊大
之不能請尚方之劍次之不能掛東門之冠猶且
包羞忍耻覲顏就列蓋媿死矣蓋媿死矣又何言
哉承 教鹽法事指陳利弊即如指掌弟未親其
事不諳其詳大率 祖宗之法每事盡善法久
則弊必生當事者惟當怯弊以求法不當因弊而

變法工本河鹽之開均之因弊變法原非至計所以旋議其開復議其止徒令事體紛擾奸弊益滋竟何有裨也哉 高見欲復初制此正求法之美意但相沿既久一旦而議興革非行之有漸處之有術令俗不駭而事無阻則所謂奸詐百出力可通神者或未肯帖然于我也如何如何然此傍觀者執一之套語自在之空談耳不足爲據吾 丈躬理

而深計之當必出人意表也不奉 面訓殊切念

想草草附 復不盡所懷臨楮無任神馳

王積

假館維揚極荷

台下倦倦之愛感領至情非可言

謝矣尤幸日近

清光宗依有道不惟宏猷偉識開

迪愚昧者無窮而祇領

明教清逸高議如令人

坐蒼梧翠竹悠然無塵俗音響頑懦如弟倍增觀

感豈曰鄙吝不萌已哉弟以庸劣謬膺重寄不

逮之懼陳于

台下者甚切久侍

左右竟以首

慮叢奪別來殊自恨之惟知己念存必不以形迹之

踈而棄之

明教外也有便

幸時指示之爲懇

承

借尊舟實賴利濟各役尤謹慎敬事昨至

江關敬即命回揚勿冗中謹此附

謝萬一遠企

清光江雲遙隔領言不盡臨楮神馳

方蘆

叨竊同事未獲面

承心甚懸切茲聞

憲節不

日過淮奉

教有期便此附

候所事詳如別幅

專候裁示方敢咨覆也餘惟

台紹不備

副啓

海道所勘冊報甚明意欲即據冊回覆若卷簿咨
送似涉煩瑣况事經會查何所嫌疑特具行稿請
裁幸 賜詳教即當封發矣不盡不盡

朱炳如

炳如獲廁臺末待罪兩差雖才力薄劣無裨地方

萬一惟苦守一節誓與 天地鬼神相通不敢萌一

毫身家之念向役淮上每事過於矜持諸所釐革

禁約必欲表暴心迹時與 岷翁共事嘗辱面諭

不必自苦恐刷洗太盡或屬僚不堪適以招他尤也

詎意三年之後乃被人誣指 部院會案議出

公用銀兩坐以乾沒非藉 岷翁當時親總其事

刻有江北供應書冊每院出銀八千兩解發揚淮徐

三處委官支銷分毫具載明白蒙 岷翁檢尋

數冊一送 虞翁老先生及遍示省臺聞之果有

憑據一時 朝議輿論皆知言者失於查覈而亮

炳如之必不爲盜臣也覲顏具揭瀝辯以明心迹謹
用齎呈

台覽仍乞先查在院原行牌案及行
稿號簿以稽實數若干次予取發運司銀數及
揚淮徐收領一應文卷以稽支銷若干是否八千
有無另票則炳如之心迹昭然而言者之排陷立見
而門下之維持公道以存臺體不當如是耶尊
草瀆 尊伏惟 鈞察 炳如無任戰慄仰祈之至

副啓

炳如往淮上適當 朝政清明之初且鑒前王
姓者汙跡種種按院捕其吏書收之府禁每見家

屬來訴輒俯首汗面遂矢心必盡革沿襲之蠹
隨事刷洗靡有遺漏使他院不得槩視督駭為
利藪也諸所查革不敢悉陳 鈞臺試一訪參之

副啓小揭中畧見大槩特與

堂翁同事每顧必

面諭革弊不可太盡蠲條不堪或生他尤言猶在
耳然一念嫉惡懲貪堅不可破一年五箇月庶幾衙門
廓清矣且距家三千餘里並未聞音耗雖武昌而下
間有官遊會試從何路過者聞炳如自不接見卒未
有三及門者而遠嫌謹微可謂密也已此亦 堂
翁之所耳聞目見者如此苦心自立詎迄今三年乃

爲龐公誣汙至是冤哉冤哉

天地神明昭昭在

上而鄉士大夫軍民商賈耳目見聞尤真倘有一
毫飾詐沽名至今不有指摘而私議者耶龐公所
揭幸有 堂翁親總其事銀數八千兩分發揚

淮徐三處刻有書冊而經手支用皆一時賢者如
今舒掌科隨副郎袁主政輩皆表表者此不可
明證之乎且三月中會案議處四月中取發銀兩
五月初護送 景靈六月初回揚聞納川已在臨

淮即委舒繼宰查盤運司越半月而造冊繳報
時炳如在泗恭辭 祖陵將往代矣當將查過

冊發該司照造五本如揭中所云者運司錢糧別
府皆不與聞而有冊存四府實自炳如始若有一
毫私心何不如前之渾然無迹可見而乃欲彰彰
示人耶據寵揭差人解赴原籍此必在四五月中
遠涉三千里計程尚未到彼六月發本論劾運使
誠何心哉即不感其相成亦不當報之以怨即不
防其輕泄亦不宜速之以言此少有知識者皆能洞
見心跡又何待查而後信其無他也如入院行稿號
簿牌案與運司取發銀兩及揚淮徐收領支用數
目稍有未合即是可疑參以繼宰查盤冊則毫

釐不能隱漏矣四千兩一起豈無定論哉萬乞公道
維持必使銀有著落庶不爲炳如他日負累若公
用公禮之外稍有分毫自私之弊耳受顯戮決不
敢干門下求私庇也爲此迫切籲告伏乞台宥

戚繼光

光不類忝梓里後轍僭通嚮往之誠辱翁

不鄙夷賜之槩矧豚子輩復賜之舟航仍勤牙

卒遠護惟高誼屹立寰宇間誰不奮仰况光

我愧菲謏無以祗承耳翁崇握憲紀志切華夷

所以誨最豎子者至矣光讀之至請兵數

語不覺髮立而為之拊膺也念叨役已三閱月中固
 懵然謬得其槩關障之險不可誣也即嘆喟之將
 亦尚林立第士心敬具苦因循耳假非奉 廟

堂機宜一振飭之則邊事漸不可言又何能效犬
 馬乎顧人情憚改物議蜩興光駐足且難矣

國家億萬年大計誠在 幸 翁圖之光當

奉以驅馳恃 愛觀縷知 翁能惠掖也冗次

肅絨馳頌 高雅莫既遐秉南望依戀惟 尊

慈俯鑒幸甚 副啟 薄儀茲不敢犯 清

禁容另圖馳展不一

宋良佐

佐謫陋疎庸末流下品也待罪淮陰過狀丘積

憲甚弗加譴責已爲萬幸乃荷特

賜優錄俯

馭殊禮

教誨之獎進之又從而曲成之

作養之

恩同於罔極佐犬馬私心不知當何如感何如報也

復蒙

大力推薦卒使不才如佐者備員諫省

職任稍重分量不堪終始造就之仁佐又豈敢忘

所自哉滿擬躬候

臺端俯臨稱

謝緣以勢

隔未便敢具蕪啓專人齎

上少伸叩謝之悰冒

瀆

威嚴負罪益深伏乞

原宥佐臨楮無

任惶悚隕越之至

朱衡

河役荷我

翁指教匡定幸爾河流通利歲漕不

踰毫末皆

公賜之

國家幸甚况鄙人乎感戰

非劈畫可悉近叨部寄方在候代第公私絀乏

官府相持而以不肖承之深懼無以副 知已而報

朝廷也 公何以教之肅此專人奉候 興居兼

布 謝悰伏乞 台照

賀賁

初夏幸獲奉晤

霜節備領

携愛感仰之

私抵今尚依依也

別來遂還留都遭家難相

尋意緒冗亂坐失

省候爲罪良多迺復出役

維揚擬至淮右登

臺拜叙濶懷猥以不肖外補

廣平旋即南發北望

台顏末由一晤悵快

何如謹此顙人代候

興居聊見萬一冗次未盡

欲言伏惟

台謦幸甚

朱衡

昨聞按淮將歷徐方乃因祭河入徐偵候久

之則聞

憲從尚未至淮隨差人候興居於

淮上計今已授

記室矣茲辱教劄伏諗

憲從於六日臨徐荷拜 豐儀之錫曷勝感激切

念生領河役久叨 匡植此河此轉均賴 玉

成每懷 厚誼心神馳越不能已早知 按徐之

速安敢抱快快而北乎肅啓專人奉 謝無布愚

私伏乞 台照

胡心得

向過維揚荷蒙 睽愛昨聞 下車不敢不謁

見以謝 厚雅但儻行倉遽贅敬未修廼反辱

嘉儀寵頒 翰教勤懇則鄙人之缺禮益甚獲

罪益深矣悚感何可當茲于廿八早已渡江南帆

漸遠

光儀無任切怛役旋先此申

謝尚圖

肅啓額

候不一

陳于階

以同年之雅而又得

同臺朝夕同出入百凡常渥

領

教愛骨肉至情亦不過是已切心感無任矣

今復得同事地方侍

教左右慶幸何如追憶分

袂已十月有餘渴思堆堆積積一舉目宛對

光霽不知

年丈亦有此同情也否乎日昨過

維揚滿擬一晤詎期

憲節公出未償夙願鬱鬱

舟行春樹暮雲時刻在念真不能自堪之甚者

矧後會之期又屬未卜弟將何以為慰耶真切真切喁峰兄事以年丈之同榜同鄉不能為之庇

必有所以自取者值今行勘不知何如但衙門體面所係其如不美觀何哉茲緣已抵南都諸

陵謁完近聞法星照耀于徐淮之區走奸頑

而安良善恩威懾感乎吏民草木生輝山川

增色尤切欣慰茲特裁此寸楮專役代候興居

餘情種種欲言未悉統惟台炤容嗣裁不盡

胡心得

昨遠勞台駕已不自安復承盛儀寵頒益深

感激第

得

因濱行恐反叨

惠不敢先具薄贄既

而藉此轉申鄙

敬實媿先施之未能非敢卻

尊者之賜以冒不恭也廼又辱

翰使遠追

翁之用情則過隆矣令鄙人益跼蹐措躬無地也重

違

台命含悚拜

嘉侍者旋先此布

復尚容肅啓修

謝不一

陳聯芳

臺中叨侍

教誨極仰

丰神敬服之衷每

與

凌海樓公道之不約而合昨過淮揚適

憲節榮蒞之初歸心匆匆未獲進

謁迄今猶

抱耿耿也

驄巡將遍

風采倍揚全臺增光

曷其有既耶弟抵家數月懶拙百臻茲趨役

留畿深懼瘵曠更念

大察伊邇罪謬夙叢不

知可免譴斥否也辱承

垂問無惠

盛儀拜

領之餘愧感駢集使旋先此布

謝另容脩敬

統惟

台炤不盡

辛應乾

正月中旬自

軍門回即差人具啓奉候人到

台駕南發已二日矣歉懷更切抱罪殊深近領

蔡運峯年兄書備道

台履康吉憲政明肅

又感

親家厚意托弟爲道及之聞

令叔

東川親家得遇

恩貢殊切忻慰昨家人來又承

寄

手教念及謂來春四月即赴京矣一切事弟當

代爲之也聞

尊眷納福幸勿以此爲念計

榮差完當在四月北上或在秋月領

教已有期

也弟謬司邊儲仗

庇秋防粗完僅免罪譴而

已茲因風便附此奉

候維揚濕下之區伏惟爲

國保重實區區注望意也種種心懷臨楮不盡伏

惟

鑒亮幸甚

陳聯芳

建業維揚雲樹在望職守相阻聚首何時昨承

翰惠深感

垂念之殷草率奉

復殊愧未

罄衷曲也歲序將新

起居萬福謹頌人代躬祇

候

門下不腆菲儀少將微

敬統祈

紹茹

曷勝榮幸之至

翁大立

昨聞

節按高郵猛欲取道請

教奈

鎮老

恐代期太遲使人要于江上強使西行用是不果

初到小疏未發尚缺裁

候乃先承

獎借過

情

貺儀鄭重顧薄劣何以當感激感激立歸

田十載絕無妄念前在東省尤無善狀可言乃

貴省郡公誤愛前既有巡撫之推今又有河防之委

未知何以奉職業報 恩知也惶恐何如我 翁

垂情素梓又於漕河有共濟之誼望 時賜指

教俾得奉以周旋至禱使 先此謝復未盡所云

陳烈

睽隔 台光數更歲籥緣奔馳靡定奉訊

載踈歎如之何歎如之何恭惟 法星炳耀南

國具瞻 不肖 竊在下風豈勝欣藉顧叅承未卜就

正未繇令人益重咫尺天涯之感耳遠叨翰惠鏤載

何堪到關商舟止有三分之二屢催未齊承 諭

商民兩便誠得權宜之術謹遵 命矣使旋肅

啟附 謝臨楮不盡依依尚容嗣布伏惟

澄啓不悉

蘇朝宗

朝宗無似夙年濫厠臺末得瞻 道範幸聆 教

言殊慰斗山之仰自領江右之差未獲竣事叨轉

東藩謏才闇質無補 名邦祇切愧悚且履任月

餘即聞 龐公以揭帖投 鈐部矣閉門思過誠

所自致何敢充人但挑河一節乃據州縣申請勘佐

有人動支有卷原非無有下落者蒙

鈞臺留神勘覆詳明俾終身名節不至誣玷豈惟
不肖知感而凡在同臺者亦無不稱慶矣倘京考之
後得以苟免則自此以往皆

門下之賜也敢不勉圖砥礪以報

明德之萬一茲時入

賀至京偶遇

盛使之便敢具下情稟

謝其區區感

德之私則非一特筆舌間所可盡也冗中草率弗

虔干冒

尊嚴不勝惶汗伏惟

俯賜鑒宥幸甚

劉光

光命蹇福薄若不依賴

台慈盛德高古推恤獨至一家生路將安知之自奉

違維揚二月十一日至徐州二十六日抵家合家感仰不

勝無以啣報惟有父子對使叩

謝而已途次一路仰仗

德威下程人夫俱各整備無勞

盛使勤慎有加休

公至情一未嘗勞生力也併

感併感伏惟我公清望雅重德政隆洽上為
朝廷依毗下為民生造福

榮膺台鼎以廣調燮光敬切私望非敢阿非
敢阿光自歸見老父不勝悲歡茲頗有樂意
病勢較前為稍愈也惟有痰氣不拔尚欲
尋山林幽室以啗靜養恃

愛無已廼敢贅陳下情萬不盡謝悃
伏惟

尊亮時下春和更惟

珍重德範無任祈禱之至

蔣機

昨秋道維揚蒙

雅情種種銘刻衷私非言謝可既別來忽踰時序抵
汴勛殊甚久稽脩

候罪歟何如祇辱

眷注遣使遠臨捧誦

鼎翰拜領

嘉儀且感且愧外諭

岵峰年兄果自踈畧頃見其辯疏氣稍欠昌恐終
未能脫然無累也前件未明有碍行勘此臺中詫

異之事如何而可弟入境忽及三月餘矣時事民瘼
徒自疚心無所事事奮負奚追幸密邇

法垣萬希示

教荷荷即晨

台候綏祉

霜輪澄肅忭慰無任盛使旋謹此布

謝臨楮千里依依尚曷專 啓惟

炤察不盡

王應吉

吉無似叨任貴邑已逾二載過積殊深慚無寸裨

荷蒙

台慈憫及偃拙曲加培護兼之

台翰屢頒教愛諄至感佩之悚豈言可狀生不幸
遭寒荆之變匆匆過舍僅住數日遂絕裾東行北
至縣適值

諸上按青往返奔馳殆無虛日況今歲錢糧例雖
半徵而上司督責急於星火比之往歲尤覺苦心區
區菲才殊難堪此不識

臺下何以為教也恭惟

憲績日崇中外具瞻吉叨依

庇何勝慶幸

令叔德行文章真為學士斗山應茲

恩貢輿情允愜賀賀辰下偶有賤恙諸凡不能悉

布裁此奉

候萬福伏唯

尊鑒無任翹仰之至

宋良佐

恭惟

慶協履端

道符泰長

翁相網維憲紀

澄清淮甸際茲

景運之新益闡

勲庸之盛欣忭欣忭佐奔走臺端孟浪匪職荷

翁相過賜優錄曲加造就畧其罪而矜其愚與其進

而庇其往此天高海濶恩莫名狀佐雖捐軀沒齒

豈盡啣結惟日夕惕勵恐負

知已尚冀

仁慈惠以良規通其狂惑諒在

翁相嘉惠後學之心不靳此也忽荷

德音下錫捧誦戰兢舊屬微賤曷敢當此肅茲僭
具蕪牘冒干

威重更值新正恭陳

賀私臨封無任踴躍之至

沈淵

日者聚首

都門渥領

教愛感深刻骨曷啻

古鳴恭惟

老年丈望隆山斗才炳經綸邇者

督課江淮源清弊絕公私俱利不日捧

丹詔上

紫薇所以綱維

國是而霖雨蒼生者端有望矣茲因風便敬

裁小啓奉候

台居辰下陽和景恬物熙伏願

順時珍攝以迓 鴻庥不備

王篆

久違 尊教瞻念徒勤埋輪攬轡之風籍

籍薦紳之口者固常聞也忤慰何如孤惡

積自己戾速所生歸未踰年游遭家難

即 犬遠聞當亦慘慘爲孤酸楚孤何

以堪向孤得

請瀕行過辱

厚愛部隸還曾附具致

謝不識徹

清覽否風便肅此代

候不盡哀悰仰惟

台炤臨楮惶悚

蔣機

昨秋過維揚辱

華筵厚贐感佩無垠久稽候謝愧悚已不

可言茲幸密通 蘭垣祇奉

誨旨迺允墮因循未能馳一介通寸楮于

門下又蒙

翰貺先施弟之罪歟殆有甚矣恭諗霜旌按
行風清弊殄吏畏民懷

經綸注措迥邁等倫弟素欽服匪敢佞也弟巡
至汝南又得睹 老夫棠蔭遺愛士民口碑嘖
嘖稱嘆 盛德久而益光遠而愈慕有明徵
矣弟待罪茲土過愆蜩集

老夫垂念舊治必不靳 明教也顒俟顒俟謹
此專 布下私外具弗腆聊引微敬伏冀

鑒原懇懇

龐尚鵬

廣陵奉

矩矱勉自持循曲受

陶鎔之賜盖不特職掌

所關受成

石畫而已濱行辱勝餞移舟水許坐語移日

離索不能忘今歲月將更叅商萬里感時增戀何能為

懷念

門下獨持風裁百度畢舉鋤姦剔蠹淮海澄清

凡所以裨

國計而肅官常事事可為後世法若鵬

拊髀長路碌碌無聞頃士論盈庭亟當報罷乃荷

亮

仁姑試伯鯨待其債事而後嚴譴隨之恐已晚矣諸所

建白悉為空談幸兩淮借

經畧弘猷故胸中糾結所

恃以自遣者惟此耳未知物情輿論今作何狀耶竊願有

聞也隔歲北來不敢具 候以 門下有會勘之事義當

引嫌惟 左右察原幸甚敬裁尺牘用布往懷未盡願

言統祈 台鑒

喬懋敬

昨者齋心滌慮遣狀陳情自媿不文曷寄微悰於兔管
慚茲多謬敢希廻照於 烏臺刺實輕投心懷悚仄顧

辱不鄙俯 錫衷言樸櫟凡姿濫叨剪拂駕駘下乘

誤屬驅馳披碧簡之橫霜光浮衛玉觀瑤函之鬱霧

藻逸潘花悅趨 翰墨之場儼侍 文章之府伏惟

我 翁才猶綈萼學等韜霞倖情岳之雲霄湛心

波之河漢沛膏零於德宅羔旌之禮有差皎月色
於靈闕隼擊之明不爽埋輪震肅朗法曜於三台
攬轡澄清布威稜於四達凡在廵屬慶懼交深自
揣疎庸媿厓 溢獎混夜光於魚目雖竊餘輝抱布
鼓於雷門第虞絕響即情源之九派合亡簪墜履以
兼收之覆錦之一絲與河筇遼豕而增媿矧蒙珍
幣之錫豈勝佩服之恩施者無方報者何地瓊瑤
難稱衣被奚窮忽疑此身常在門下回頭瞻望終
隔雲泥聊布謝私未展萬一伏惟 原啓容圖後

陳

喬懋敬

懋敬東海之鄙人也植性迂拙無足齒數且不善周容
 動多迂俗特庸庸者流耳客歲 翠節遙臨川嶽
 增重即管前弃材亦荷 仁風披拂推衷亦見情
 懷接華裾通懃懇諸凡眷逮都踰分表一時被延
 接者儔不有登龍之慶執御之榮且仰我 翁腹腸
 洞豁不設城府襟度曠夷汪無涯岸咸願執鞭 左
 右以免下館之役柰職守官次絆而未能引領

法臺不覺心神之飛越也即辰清和令序 道履亨嘉

法惠並流畏懷彌篤故紀綱肅而望之者如雷霆闔

澤霑而沐之者若雨露即鄙人雖弗獲奉以周旋
而竊聞 聲教肅將祈歡之念無日無之譬之金烏
垂曜陰翳潜消玉兔流輝百躔拱照寔無兩也第敬
竊錄漕司閱兩年所矢自為經生特向不更事忽
弃去筆札濫竽墨綬之列且不自忖度廁身午道如
盲者索途茫無所適其背戾譸張想聒 聰聰久
矣我 翁淵澄玉映之懷兼蓄併包之度故為羣
情欽矚幸 俯加督誨先從不肖始使人皆仰之曰

翁之明於酬物也如此 翁之勤於誨人也如此則私
心銘戢即孔印楊環奚足以償感哉久缺脩訊聊布

下棕捉筆神飛悅御 軾熊而馳驟臨風結想若偕
 旗隼而徘徊款款丹衷仰祈 宗鑒外具菲儀效野人
 獻芹之意且方土微物或不為 有道長者深鄙故
 敢率爾倘蒙越例優容萬感萬荷

殷士儋

別後即承 翰教深感肅啓候 復而未使不至
 迄今末緣上 達為歎每聞淮南北縉紳贊述

盛德如出一口良用藉光生薄劣無似屬者兩子繼
 天情抱苦惡乞斥未遂形神摧沮愛我如 執事
 聞之能不為惋訝邪茲肅牘顙候 起居外近刻

講章拙稿完敬上 請益希 賜覽正諸冀 珍

重自愛不宣

王之垣

違教範日久懸仰殊切顧未能通片牘以申

候忱鱗鴻阻稀坐致踈簡殊非其情也弟自去歲冬

至前三日抵京比今歲春月以來每以別後南北

問候俱踈不識動定如何鄙衷憶甚五月初二日

得奉翰教知尊恙不任驚訝茲或向來過勞

所致今想益慶泰惟順時節宣益自珍愛是懇吾

丈精練之才明敏之度冰蘖之節謇諤之忠海內夙

予不獨弟也茲聞 憲節所至凝重嚴明風清淮上

頌動寰宇心如白日政似秋霜吾 丈可謂真御史

矣弟冒列省署才菲為虞吾 丈何以示教俾得

奉以周旋也風便附啓奉候 興居伏乞 台照

幸甚

易
雜錄

卷之五
詳註

往

為陳言興利抵賦役以甦民困事據徐州道呈

批洪夫出自徐州果係偏累該道議設鈔關欲借商人之微息以供洪夫取洪夫之餘力以拽商舟是誠兩利之道也仍候

撫院詳行此繳

為新河工竣條陳應舉事宜以圖永久以裨

國計事據徐州道呈

批昭陽湖如果可耕即宜一體撥捕自留城至南陽均係民田均有額糧該道留心的算通融抵償亦一方

生靈之福也仍候

各院詳行繳

為衝疲地方夫差偏累懇乞

天恩俯從議處以蘇民困事據徐州道呈

批據議誠可以永解徐民之困苦矣通候

各院會議施行繳

為思患預防乞早著定規以勵人心以護

國課事據海防道呈

批呈屆常聽場官約束防汛分委官練習此不惟事
體歸一可免擾害抑兵不出境防禦有賴真竈勇之

便各場之福也愚如議行繳

為有司抗滅

明旨飛差害竈事據揚州府呈

批民竈一體撫恤豈容有二但竈尤為辛苦前院加恤
意以此耳今據該府所呈要竈戶與民二十年以前一
體派糧二十年以後地多者差亦同派所議未必無
見但興化之例既開而各縣之援引者恐多將如之
何海防道再從長計處務期竈民兩便經久可行速
具議報

為豪橫打死人命事據運司呈

批叅看得張十一毆死殷谷情亦似真但屍傷太多恐
非用拳所致而招稱嘔血又豈一拳一閃傷之耶檢究
欠穩妥有碍允行海防道委官覆檢另具招奪此繳
又批張十一既覆究明實依擬監候會審詳決張積
的決實收繳

為給由事據揚州府呈本府同知任賢給由緣由

批本官純謹立心篤厚制行幹濟不激不驟從容而
有成臨下惟寬惟和溫文而訟無不理訟兩署府事
曾有平恕之稱節清鹽場一無沾染之累年勞已著
士民相安依擬給由報其保留事例仍候

撫院詳示繳

土豪打死人命事據揚州府呈

批叅詳吳友之死果係韓鸞毆重吐血即當速斃
今延至五十五日內傷猶未平復耶且既稱吐血又稱腦
氣詞復互異有碍免行海防覆審詳確另具招報
此繳

為貪官枉法受財賣放大夥鹽徒等事據海防道呈

批楊天駿已監故賊銀照例免追趙良相罪雖可宥仍
令帶俸差操不許管軍管事繳

為慣擺私鹽截傷官兵乞恩提究事據山陽縣申

批叅詳黃相等拒捕科書皆持有兵杖則招三犯為首
恐亦未必俱虛豈可因恤部一駁而輒為遷就之說耶况
同力傷人而一死二生難以服死者之心係千人命不厭詳
慎海防道再究的確招報

又批黃相等原本殺人引例處斬未穩該道叅之是矣
但私鹽拒捕罪既當宥引例發遣似亦擇強該道再一
審奪張士賢重責四十與張相先擇放繳
為大夥鹽徒拒捕殺死官兵等事據海州申

批據招宋斌乃係一夥則前之拒捕者斌何以知之中間
似有隱情且大率草畧全欠明悉有名人犯亦未必真

海防道務究的實另具招報此繳

為盜窩鹽黨敵奪人犯打傷兵快事據時堡巡司申

批董榮之打奪有之陳寵之打詐未必無也該道嚴究

招報

為地方事據海防道呈

批各犯不勝責咎姑容待罪緝訪十日內捉獲真盜即以功贖罪若再延緩該道先將犯官重加責治具招詳奪仍嚴督各該巡捕人員多方訪拿務在得獲其一切退兵省令暫且回籍免生事端此繳

為影竈違法事據海防道呈

批夏訥姦亂義女毒殺嫡妻允淫至此極矣衆証已明
覆檢無異本犯又有何詞依擬牢固監候會審詳決
追悔死而黷賄有人心者所不為也追贓完日仍單去衣
巾塗引附卷夏曙等俱照

恩例免罪餘如照取實收領狀繳鈕甫等提結

為貪弊冤殺三命事據江都縣申

批看得莊袖等毆死殷權情已近真但係人命未經
覆檢遽難允轉海防道委官檢究明白再審的確招報
興利除害事據海防道呈

批據呈馬攻等倉鈔委屬真正即與閔支而白欽執

稱五付俱係買求重出者何以爲之真正或者出自
白欽誣攀之詞則亦不足據矣該道再審明實從
一具奪速繳

爲地方事據揚州衛呈

批住劄城中屢次失事恐於體面不堪海防道嚴行
緝訪各該巡捕官應住俸者住俸應待罪者待罪俱
不許管事定限月內獲繳過限該道據實叅來以
憑施行繳

爲捕獲大夥鹽徒船隻事據海州所申

批據申鹽徒雖未捕獲所獲鹽船甚多各該員役不

可謂無功海防道先支院銀十兩分別給賞仍將有名
鹽犯嚴行備倭官軍緝拏以清地方此即張白花之
餘黨未可知也捕逃貴速慎無延緩悞事此繳

為議改折以便供應事據海防道呈

批據議召入織解無非寬裕民力之意但得人承認即可
行矣候

撫按詳行繳

為極惡謀姦傷殺嫡兄事海防道呈

批審得董室磚毆兄目即時睛破情真無異依擬監候
會審詳決董寧收贖如照實收繳

為軍務事據海防道呈

批據各官估計區畫甚明悉而該道參酌處置尤當依擬行令王价等作速領銀辦料修理一面查取人匠刻期興工至於稽察侵冒該道再叮囑任鄭用心務革往昔一切夙弊也事完冊報

為殺人放火事據揚州府推官呈

批據招葉松謀同葉輅等殺死葉松棠情亦近真但人倫之變事出非常而多命所關尤不可不慎也海防道再鞫審務得的確具招速報勿枉勿縱繳

為捉獲大夥興販私鹽人船事據揚州府呈

批據招徐遷屢販至於數千贖徒似不足以盡其事且
徐儼令本分利情或有之海防道覆審明實另具招
報

為提獲江洋大夥殺人強盜事據瓜洲陳同知呈

批叅看得張德用等屢次行劫情犯似真內陳宝三名
雖無失主供証據招或亦不枉張成分見有賊擬徒已屬
體允又何冤抑但係重辟不嫌詳慎海防道再究的確
具招詳報此繳

為軍務事據海防道呈

批此莫非官家事以鹽船改之誠為省費但恐大船所

獲不多耳該道即行巡鹽巡捕官知會此繳

為捉獲江洋大夥鹽徒拒殺官兵事據海門縣申

批據申陸元等連船五隻張旗執刃大肆興販陸邦孚三

名當時捉獲招認水手陳福係是陸元陸邦美等截死

事關鹽法不宜輕縱海防道嚴究的確具招解奪申內

有名人犯通行原籍提問此繳

為懇乞申明寬大急救生命事據海防道呈

批看得胡相被誣果實今屈死獄中汪直等罪擬贖決

不以輕乎該道再加鞠審無枉無縱具招再奪

為捉獲徒船私鹽乞申近絕後患事據金沙場申

批方今春汛官兵聚集而鹽徒猖獗如此各該管兵官何
為海防道嚴行緝捕私鹽併船燒毀船格估變繳

為打死人命事據泰州申

批看得王勝毆死徐盤情已近真而徐鎮之悍掛萬聖詐
欺計也據招似得之矣但係大辟尤當詳慎海防道覆審
的確併究縱火焚屍實跡招報

為仰仗玄威倭患久寧懇乞

天恩等事據海防道呈

批據議每歲軍餉可用十二萬而額派止十三萬有零似
難減半但查各處軍餉十欠三四不知何以足用或歲

用不必十萬餘也商稅苦亦不多該道欲待查明通融
計算亦是總候

按院詳行繳

為鑛賊白晝搖旗戰殺人命事據霍丘縣申

批看得鄭大有等聚眾盜鑛爭利殺人情已近真但燒
死一十七人必有遺骨可驗豈能盡行拋毀且江子遠等皆大
有之從也據招不見拒捕而一槩發遣恐於例未穩况賣酒
宰殺之家止為利耳審無通透即可追究通擬配發不已甚
乎係干大辟連累人眾不妨詳慎潁州道細加鞫審務究
的確另具招報勿致有枉縱也繳

為請賞吏缺以激人心以勵後效事據鳳陽府沈推官呈

批叅補吏役原非本院職掌顧按院一時未臨而本官又經陞任恐張舜化之效勞無以自明仰鳳陽府行令本吏先加納候

按院至日即呈詳叅補前缺繳

為欽奉

聖諭事據鳳陽府呈

批土商夾帶之弊即何經可驗矣該府所陳誠為有見依擬嚴行禁革繳

為清處私鹽功罪以蘇民困事據壽州申

批扣除工食已經本院嚴行禁止矣該州果能遵守是亦良有司已如何人有此申且減却公堂紙劄以資助本院賊罰是何以伯夷自處而以盜蹠待人耶本官躁妄輕率亦不更事之過也姑不究仰鳳陽府速將該州首領提究招解

為出巡事據壽州申

批看得張乾窩藏楊舟等未有分賊實跡或一時訪聞之過未見知也仰鳳陽府虛心審究的確速具招報勿枉勿縱此繳

為出巡事據鳳陽府同知呈

批前曾委沈推官清審之矣彼時緣何不行送審此
必吏蔽之也王登等紙罪俱免鹽斤減半追完限十
日內繳再遲提吏

為群豪謀田陷命事據鳳陽府同知呈

批各罪俱免但申稱今歲遇革而欲援引先次革免
本院見委官清審却欲照前院事體詳行此誠何
心哉該吏姑不究此繳

為議處鹽斤牙用充餉以蘇民困事據鳳陽縣申

批軍餉例該均徭銀內帶徵牙行非餽餉之人况官取
之牙行牙行即轉取之鹽商此法行未必為鹽法滯也該

縣之徵於民者亦多矣牙行可盡代之否耶事須為長
久計無以目前之小利為也若能約已裕民歲省幾千
二百何足言所議不准行繳

為衝疲地方復罹極重旱災等事據臨淮縣申

批地方災傷誠宜軫念但非止該縣為然蠲租事宜

仰候

撫院詳行繳

為欽奉

聖諭事據臨淮縣申

批何經一人而私販一萬七千斤猶謂為得私鹽到此該

縣已被若輩欺矣本院條約曾說食鹽若不足額即功蹟微欠亦量情處置查得該縣食鹽僅足二分而全無功蹟迺妄行申請為吏卒役使大槩居官可知矣姑且不究年終若退引不及數定行叅提此繳

為出巡事據泗州申

批官吏俱照革前免罪引鹽務設法疏通私鹽亦要用心緝捕無徒扣追工食以為便可了事戚仕虎等鹽斤銀各饒一半其餘嚴限追併入庫通取實收繳拖欠錢糧未完七號改正登簿併追徵完日另報

為遵 憲條陳地方利弊事據泗州申

批方今鹽法阻滯正苦於征商之多即修堤係公務而以鹽商代之無迺不可乎仰州另查堪動錢糧通詳繳

為查議浮橋事茲泗州申

批浮橋既有利於地方依擬建設該州仍查庫貯堪動銀兩報奪

入批前銀准照數動支建造浮橋其不足者候

按院處置工完冊報

為乞憐地方極重災傷請發賑濟暫停逋欠以安人心以固

邦本事據盱眙縣申

批前項贓銀准支易稻備賑須多方稽覈使貧民得
沾實惠繳蠲租事候題

請施行

為給由事據天長縣申

批器度優雅識見通融嚴剔積蠹而公庭肅清力節疲
民而閭閻安堵興平鑿一就緒聽斷卓卓有聲才守並
著遠大可期茲既積有年勞准照例起送給由繳

為乞憐申豁扣追工食以解倒懸極苦事據定遠縣申

批該縣所申深孚本院意夫嚴禁私鹽原為疏通官課
官鹽既行私販量不多也近訪得各州縣不務疏引鹽

人不督率兵快緝獲私鹽止按季扣除工食抵補捏
作私鹽或派槩縣通償甚失立法初意殊已刊布條
約行令各按屬遵守外仰縣先將前弊痛加革除今
後止許督責各役晝夜巡緝果無賣放季終量情責
治然食鹽須要六十有餘也此繳

為申管支餘銀買麥穀以備賑濟事據宿州中

批省馬頭之煩費其害已除充倉廩之積乏其利益
溥如議行繳

為乞推仁恩俯念蔽衛懇賜修理以昇舊制以光聽政事

據宿州衛呈

批修理公所委不可緩者但要出自各官本心使該衙
無科取之名則可至於軍人尤不可索借一錢一物工
完冊報仰候

撫院詳行繳

為比例分辯事據宿州申

批軍雖無月糧若肯盡心巡緝功蹟決不至全無此後
及五分者准免追賠繳

為出巡事據宿州申

批仰州查照本院此發行不許故引前院事規違者
提吏究罪此繳

為捉獲私鹽事據虹縣申

批劉臣鹽未至百斤且係肩挑輕擬不究亦未為過若
係積年販鹽即少亦不可輕處該縣再審究的確原
情擬議具奪

為勢豪非法致死人命事據虹縣申

批奴婢廼功臣之家所間有者庶人之家止以義女論
謂之奴婢可乎仰縣另擬速報

為清審獄囚事據壽州申

批看得各犯延捱亦只因縣官關茸故也姑從寬免仰
霍丘縣查照批行定限一月內完報

為出巡事據懷遠縣申

批張還謝藩輒敢朦朧各還職役該縣不知有憲法耶譚介福姑不究仰將二犯并該吏速具招解奪此繳

又批官吏犯賊即一二錢銀亦罷職役不叙各犯經訪宣無一二錢實賊耶此不待言可知其必有矣廼朦朧辯復亦當申詳本院今徑自還職役與原行衙門若不相聞有是理乎張鎮依擬贖罪張鏢謝藩徐登俱革職役免罪發落取實收併追劄批繳塗其折半銀兩各退還各犯

為出巡事據懷遠縣申

批各犯贓銀未見追完廼先繳此何也姑不究追贓完日通繳半月內不報仰將該吏解比

為遵例設立官店以禁私販等事據懷遠縣申

批立官店以稽夾帶固是但不許抑勒商人也繳

為旌表節婦以勵風俗事據潁上縣申

批看得汪氏痛夫之亡以身殉之貞心烈節可質天日其閨係風教非淺鮮也仰縣即動本院銀三兩置立貞烈門扁以禮往奠仍候會

題旌表施行二週之孤尤屬可憐再給銀二兩以資乳哺繳

為出巡事據靈璧縣申

批據議甚悉見該縣之留心鹽政也除私販行海邳設禁
鹽商行運司查撥仰縣即便量地方僉報鹽鋪接應官
商仍嚴督兵快痛緝私徒及窩藏勾引者此繳

為出巡事據潁州申

批賀有光等姑照例宥但查該州食鹽不足原額必是
私鹽阻撓而私鹽又一無所獲該州官吏何為也此後
尤宜用心緝防但官鹽可以疏通即無私鹽可以情恕
若兩不足數法難輕縱前欠鹽斤且從寬免實收繳
為大夥鹽徒違法興販擾害莊村事據淮安府呈

批蘇兩蘇賢因爭奪取人財情固可惡但一婦一女

俱因毆就斃則原情論罪許成當不在兩下矣近奉
恩赦許成姑重責三十與各犯通行寬免紙鹽入官猪子給
主取實收領此繳

為查處未完以弘

國恩以彰

憲紀事據淮安府呈

批文案積滯皆因猾吏耽閣即今奉有

恩赦應提結者大率蒙宥前卷正可刷洗而所司猶漫然
不知何日得完結也本官獨能酌議杜絕具見勵精之思
前議依擬仍仰嚴行所屬一體遵照此繳

為捉獲人鹽事據淮安府呈

批查得

恩詔內一款殊真犯死罪等不赦外其餘咸赦除之范守學
死罪無亦非真犯歟仰府查例速報其餘犯俱免罪發
落取庫收繳脫逃李相等未到蔣洪等免提究

又批看得范守學革前兩犯革後又犯而又革三犯兩
赦本當原宥仰府重責四十發落繳

為懇恩便商以通鹽法事據淮安府呈

批葛宇遇革免罪所圍房屋仰府嚴限拆毀毋徒庇民
而損商也銀紙取庫收繳餘如照行

為捉獲屢犯刺字等事據淮安府呈

批看得各犯年遠該府懶去追尋自宜據實呈奪本院
定無不允廼援例來說非矣例稱三月不完放免該府
果監追二犯至三月耶抑未之監追耶該吏姑不究王
忠等准免紙此繳

為明會計以通時變領遠圖事據淮安府呈

批巡緝私鹽顧人之勤惰何如耳不係數之多寡也潘小
漢等准扣留功蹟照舊報此繳

為給由事據淮安府呈通判劉裁緣由

批看得本官才猷老練志行純謹約已裕民循良已著於

郡佐勞神苦骨經理在裨于河工殆清修之吉士幹濟之實學也茲年勞既久准令給由繳

為檢姦蔑法事據淮安府李通判呈

批依擬封銳等各贖罪鍾時泰丁克曆戴壽一俱照例罰稻七石會手壞法全在稽查得人本官酌議亦是相應准行取實收併繳仰淮安府查照發落

為朋克打死人命事據海州申

批叅看得王滿毆死范清似真孫美計告巡檢等受賄事豈無據而竟以誣告坐之恐非平恕之道也仰淮安府通提一千人犯虛心審究務將真情的確招報

為恩賜旌表以彰純孝事據淮安府呈

批割肉醫親在儒者則不可為若幼稚之女偶一為之亦足以振頽風而興孝思仰府即動支本院銀三兩召而與之以示勸感此繳

為清審獄囚事據淮安府李通判呈

批黃知縣省令策勵供職喬栢等仰提究招詳繳

為豪民妄變成規違法事據劉通判呈

批據議洪澤設司為便准照舊專管清河地方凡屬泗州者行令另議計處此繳

為鹽河害民事據山陽縣申

批勸商借代已知捏詞求脫非出自該縣意也但工不合式此督工者之罪中間或有別說亦未可知且賊多追併恐難仰縣再加查訪如果侵費照舊監追倘有冤抑自當從實分豁此繳

為緝訪拒捕大夥鹽徒事據山陽縣申

批胡受先既覆審明實依擬會審詳決趙本高等

俱查照

恩例有免取實收繳卜賢免提

為貪酷寒心事據山陽縣申

批孫寅賊私甚多且有指証據招未盡百分之一二姑

依擬贖罪革職劉召的決孫豹重責四十免科給主
贓銀從實追給餘如照取庫收領狀繳

為巡鹽捕盜事據山陽縣申

批巡鹽亦非可緩者陳弘毅既不屑管姑准陳景山
專理仍行令策勵繳

為偷爬商鹽據山陽縣申

批依擬王恕等各贖罪發落原偷引鹽俱照數追
給原主取實收領狀繳

為公務事據山陽縣申

批所怪非因一人而頂二名廼因快手不赴比耳劉相等

依擬贖罪金榮薛春免究其入庫鹽作速變價少獲
鹽斤姑候查盤行餘如照取庫收繳

為明會計以通時變遠圖事據鹽城縣申

批緝捕私鹽原無定行亦無定起不得已而酌定斤起者
訪其縱也訪得該縣巡鹽人役全不巡捕每遇季終比較
稟官撤派槩縣取償鹽斤不惟貽害小民抑且全失立
法初意無怪乎陳縣丞有此申也該縣快兵奉文革矣
私販鹽者亦曾奉文卑耶所賴賢有司正宜留心嚴督
各役期獲真犯慎毋導之使縱此繳

為出巡事據鹽城縣申

批叅看得應霍等指稱海巡乘機興販與尋常平民不同且鹽至五千以上可謂多矣或非三五合夥者仰縣另詳奪

為虎里害竈陷課事據鹽城縣申

批依擬袁科等贖罪發落鹽課重務不比民差科既投竈十年以上自當入竈籍矣榮華無故科索豈科昔貧而今富耶該縣民差速與除豁無得故違取實收繳為暫折賑銀湊完額課事據運司呈

批各竈鹽課已完者照常給散未完者扣留該場轉解總司抵補額課不必令殷實領辦恐滋他弊

仰師知縣查行此繳

爲黑夜走失徒夫事據鹽城所申

批各犯逃走中間必有情弊仰鹽城縣從重究報

爲乞憐災民復罹水患懇乞轉達分豁等事據安東申

批據申見本官憂民誠切司牧自當如此踏勘蠲減
俱候

撫院詳行繳

爲捉獲鹽犯事據安東縣申

批監禁不嚴徒囚脫逃中間必有賣放情弊朱方等
仰縣從重招報徐枝嚴行緝捉務在得獲繳

爲汚吏不法事據安東縣申

批各犯以不逞審問罪歲前本院按臨本州又不逞審
何也該州之迂緩該吏之違慢俱可知矣王良材張選
受賄事情或有之仰范知縣通提凌賢時大烈孫臣錢
紀宋臻宋淮與王良材等面審的確併今承行吏書
通具招解奪定限四月內報繳

爲恤刑事據海州申

批據申銳之收嫂情法難容而無知犯重辟良亦可憫
旣經恤刑衙門問宥姑准從輕發落仰候

撫按詳行此先繳

爲大夥鹽徒拒捕殺死官兵等事據海州申

批據申初七日拒捕十一日方申本院該吏遲慢姑不究
宋斌倪守忠速具招解奪再敢延遲併首領提究

爲清審獄囚事據海州申

批徐仁等拖欠領出官物其罪不赦仰州嚴限比併定
限一月內完結如違先將承行該吏解院究罪餘犯俱
依擬宥免查照原詳發落繳

爲迭罹旱災秋禾失望等事據海州申

批據申賑救亦卹民一事也須多方處置俾沾實惠
則可然以此時行之猶覺太早仰候

撫院詳行繳

爲絕課陷命事據板浦場申

批放債折鹽例有明禁各犯故違本利銀兩通該沒
官杜林依擬梁德等姑准贖仍各重責三十即時趕
逐出場杜林名下止照本銀追給原主姑免入官餘
如照實收領狀繳汪新等提結

爲大夥鹽徒假公報私等事據海州申

批據招甚明悉各犯宜無詞矣依擬朱仲等俱贖徒朱
儒贖杖私鹽變價入官船隻該州當官印記駕送淮
安府留作巡船用取實收領狀繳

爲乞憐貧軍苦差懇賜俯便免致流亡事據海州申

批解鹽固然累軍但今該所變價則假官鹽而興私販其弊甚多且鹽雖領去數年不見變價入官是何法也仰州再行酌議報奪

爲出巡事據清河縣申

批侵欺一應錢糧罪在不宥史直等得徒末減亦已幸矣贓罪可復饒乎毛美等所管錢糧恐拖欠不在民也該縣亦宜完銷其餘各犯俱免罪此繳

爲衝疲殘民疊遭水患等事據清河縣申

批該縣黃淮爲災民遭肌溺誠不認言但蠲免止可以

及存留起運恐難免也仰候

撫按詳行繳

爲地方危急事據桃源縣申

批逋負以蘇民困是或救災一道也至於併里則差糧未
之減也徭銀未之恤也併與不併均耳曾見諸城併里富
者益爲貧民拖累至今怨之此恐非目前急該縣再思之仰候

撫院詳行繳

爲關茸失職違誤答應迎候事據睢寧縣申

批迎候止有司之一節而招撫流移革釐吏弊此縣事之緊
要者本院經過該縣兵吏典赴縣累官是何法也且舉目荒

蕪村落不接恐流移者多矣仰縣盡心所事無以此介意本院定不以迎候去取人該吏亦不必提究也此繳

為乞正鹽法事據運司呈

批驗放商鹽亦係重委李天爵正可暫管數日該司仍嚴行覺察候未知事到任即便呈奪此繳

為霹空打詐捐財殺命事據運司呈

批吳顯忠之死已屬未明可併方相等連累至死耶吳鈺姑不究依尚仁釋放方相汪書保候此繳

為議改解贓罰銀兩修理軍器事據運司呈

批暗耗五錢安頓在何處想欲濟解官之私篋耶太
倉銀庫中天平比外省較小此本院所悉知者以贓
尚要暗耗則商人之明耗可知矣止許加二十兩七分
二釐速傾錠完起解此繳

為清審獄囚事據運司呈

批四犯姑免究仰司查照批用行但贖銀在官者宜
用心一理無使庫役侵剋未入官者亦宜明白示諭免
追無使經紀侵漁也原詞併繳

為懇復舊例全課超生事據運司呈

批水鄉鹽且二錢一引而今正課改折已不便於商人

况欲一錢一引商人誰復肯領此例不知開自何年恐示
竈以偷安者必從茲始也似難永行仰司速併該場官
吏嚴督煎煮以足 國課原賑銀兩候課完支給此繳
為分撥餘銀預積邊儲以備緊急事據運司呈

批既查無別弊仍作正開除所議亦依行昨借三萬五
千七十三兩四錢仍還庫其還過賑濟二萬六千兩仍
照數撤回亦不必還也見今尚欠九千七十三兩四錢六
釐亦不必再呈本院該司暫且那借候儀字四百八十
六單掣過徑自補還此繳

為恤竈全課事據運司呈

批所費既多須要牢固可經久倘不如法管工員役以冒破論事完具冊報

為阻壞鹽法事據運司呈

批各犯姑依擬的決所欠鹽糧仍令各戶頭督率各竈丁上緊完廩不得獨累劉炳亦無偏併一二戶長也限一月內完報實收繳

為遵例均蕩裕課事據伍祐場竈告

批據張明所告亦該場之夙弊也仰運司速行分豁此繳為鹽法事據運司呈

批停河鹽增引價俱依擬行各巡司驗收過新引仍要

送本院查驗方可免於轉換之弊其議改小鹽增掣
至百一十萬似尚有未盡處再加酌議另報以憑叅詳
此繳

為大夥鹽徒興販私鹽拒捕戕傷兵勇事據運司呈

批仰司嚴提候事官員招報併查何竈火鹽通同私
販依律究罪繳

為暫救時艱懇天甦電事據運司呈

批姑准扣賑抵補欠課此後不為例也繳

為推情超校事據運司呈

批既犯超掣通該入官仰司查照汪東洋例行令盡數

變價繳

為劫財殺命事據運司呈

批據王鎮屢告想前賊未得盡領耳事已問明各犯俱伏辜原詞准銷繳

為疏通官鹽事據運司呈

批既查無越次前呈單准掣其臨掣未到商數作速查造送院已後造單止就過橋次序挨攢到不到勿論也此繳

為遵例濬河益課以便商竈事據運司呈

批疏濬鹽河委不可緩但恐督率無法徒費銀兩靡裨

於用仰司加意揀選務得殷實者數人領之神丈分工
看實修濬期其堅深固久一勞永逸慎勿使之虛應
故事倘有灘損即令陪補事完回報

為比例建學養育人材以勵風教事據運司呈

批據議亦已周悉仰候會 題施行此繳

為虎吏捐財壞法羈邊事據運司呈

批似此奸巧誠所未聞本當重處既經 總院詳允姑從

輕饒原引定要盡數追出銃毀勿滋奸弊繳

為出巡事據運司呈

批官鹽已到而不能賣則責在該縣官鹽可行而不能

往賣則責在該司仰司嚴行鹽所照數分撥前去發賣
若置簿查銷退引本院自有處也繳

為懇救極苦事據運司呈

批侵欺糧銀例難輕減如果能速行還官罪即免之亦
可也若假以加煎希圖脫免糧銀則不可矣仰候 總院
詳行繳

為給賑安竈事據運司呈

批依擬照數動支行令各分司臨場親散凡有消折鹽斤
即將本犯賑濟扣留但不宜累及小竈也燒鑿包封
查舊規行此繳

為懇憐故官孤苦不得還鄉事據運司呈

批儉字勘合惟撫院有之該司查照舊規請給憲牌

恐不能遠行不必發也此繳

為隨鹽賑濟事據運司呈

批准照舊給賑仍行令各該分司臨場查散如有短少
即時包賠具揭報來事完冊繳仍候總院詳行

為剪革老人事據運司呈

批依擬徐東王曦俱贖罪發落徐東革役竈勇分班
防護給與原銀二釐的不許令竈戶認之仍嚴行各場
商人買鹽止許兩平交易地主砍手小夥常例俱不許

在正銀內扣除分外加之可也取庫收依准繳

為大夥鹽徒拒捕戳傷軍快糾官聚衆等事據揚州府

呈

批審據陳章詞稱姜楫亦係截買私鹽該府尚未究
出仰徐運使虛心覆審招報毋致枉縱此繳

為籲天超援引鹽事據運司呈

批據議亦是但恐內商指此為詞發來引到難以責備
速買仰徐運使再加覆審如果兩願即具由報

為鹽法事據運司呈

批自古稱有治人無治法該司所議是也俱依擬行繳

為准照舊例領賑事據金沙場竈劉冕告

批該司收銀自有羨餘如果原封不動即細碎分之定不多折訪得近日發銀數已短少既經銀匠鑿燒又有偷摸且庫官庫吏併看封農民處處索取總催其何以堪仰徐運使痛革前弊另從長酌議務使公私兩便經久可行限五日內具由報奪此繳

為前事據運司呈

批農民常例本院訪之赴告者此不為虐該司無為曲護耗銀原議未有且不必加仰查舊規責令司官一員督同銀匠鑿封無使場總經手可也繳

為公務事據運司呈

批據議亦是但銀匠之奸猾有不可盡言者仰司一面許加工食三分一面將奸猾之尤者枷號一二示衆解期甚迫該司宜作速催徵無自延緩貽累可也

為地隣失火沿燒堆鹽事據運司呈

批水火盜賊命也必欲於官家償之何哉方實張克化喬承紀等俱不准豁今後遇有燒毀鹽引止查其已折引數量免銀一錢其重細者不必恤免以杜奸弊仍行令掣鹽處所不分前院免與不免一體遵照新例施行繳

為懇杜殘課超生事據泰州分司呈

批殘鹽貽累貧竈甚矣該分司所陳誠目擊其弊者仰
運司查照書冊所開作速派給商人支領仍具商人姓名
繳

為童子割股救母事據運司呈

批周崇漢幼穉知割肉醫親亦足嘉者依擬給童孝扁
一面仍與白米兩石作勸此繳

為商竈兩便事據角斜場竈戶吳滋等告

批未完鹽課者准扣賑補之已完者仍給散仰司着實
處分無使奸總得計也繳

為准照舊例領賑事據運司呈

批零收零放其理一也零放有拆則昔之零收必有附餘
附餘者不知入於何人之手而拆者小竈認之冤哉仰運
司即將該司大法并銀一錠解院鑒驗毋得時刻違違
取究繳

為立法修舉廢墜以杜奸弊以增國課事據應天府石灰
關申

批近見水商紛紛爭告謂潮包阻壞鹽法據該關所
申又要各商赴院報單有無病及水商仰司作速議報
為乞憐遠途寒苦懇復舊規以濟公務事據運司呈

批既有長行勘合夫銀自宜減免况已革又復添乎本院

不敢作俑各員役安分無生事端此繳

為比例轉詳明降事據運司呈

批本院所謂不分前院免與不免一體遵照新例施行
者意在未掣之鹽中間或有奉文減免今不准行若
掣掣已過餘鹽已完又豈有再補追之理仰司查照
行繳

為陳言查理錢糧以便查盤事據運司呈

批據議亦是但減之之說易生物議仰司再申 總院
定奪繳

為分撥餘銀預積邊儲以備緊急事據運司呈

批既赴 各院掛號姑免改正所餘銀兩且莫補庫邊

商紛紛告賣引此銀即可買之此繳

為懇憐超活邊困事據運司呈

批題 准堆鹽而河鹽猶未止似非事體但邊商苦不得歸
而內商無力承買依擬以五萬九千之數分為四分春季四
單掣掣無妨各單正額此繳

為懇乞循舊賜給衣服以沾恩澤事據運司呈

批書吏冬夏衣歲有定規此不可缺者此外又有巡歷衣
不知起自何時一旦單之則太甚矣但如楊運使所為獨
非曲諛乎仰司仍照朱院舊例給銀拾兩候本吏出院之

日領繳

為黨奸謀引事據運司呈

批得利纔一十九兩而一罪輒費太半則誣告有何益哉可
憐可憐王寶重責二十姑改不應贖罪發落餘如照實
收領狀繳

為懇乞轉移仁術以免流移事據運司呈

批茅且不生豈堪開種所告開種者必富饒之地也但欲
要安煎莫如卹竈量開一二草蕩糊口亦不為過何必回
護謂為瘠薄者耶俱依擬永不起租此繳

為定制手單以便徵解事據運司呈

批張鶴且不究淮北稍遲數日猶不爲病淮南遲一日則
悞一日事各該承行吏書務要上緊督併各商分撥
新引足數依期呈掣若再故違坐贓問革其收過
新引限即日送院印發仍行令山陽縣高知縣監掣
完日繳

爲俯憐商困補掣完課事據運司呈

批姑准入單呈掣大抵告買補者即係奸弊該司宜留
意振刷無過聽從此繳

爲清理鹽法事據運司呈

批挨次攢造如何又有此參差旣係前單遺下人數李

天爵等姑免究該司仍用心逐單親自算對以防他奸
此繳

為出巡事據高淳縣申

批仰運司查因何引鹽不派該縣水商因何不赴彼處
發賣此係題 准提究事理該司勿漫不經心也繳

為定制單以便徵解事運司呈

批依擬該司仍斟酌行之無使商人起怨言也繳

為修理賢祠以敦風化事據運司楚副使呈

批神舍但取其潔清可也不必高堂廣廈且當財用匱乏
之日諸費不嫌簡省仰該司再量加銀二十兩合前四十

兩選委的員役從省修葺刻期限完冊報此繳

為懇恩遵例減免卹因事據運司呈

批黃栢等姑准照數俱於九十二單內扣免今後火燒應免者即於本單內扣免不許延捱作弊其買補鹽亦要隨單呈掣無使重複扣免也繳

為事遠人亡辨豁極苦全生事據運司呈

批各犯侵欺數百萬鹽追併至於十八載竟無斤鹽還官可嘆可嘆該吏姑不究原詳速繳

為隨鹽賑濟事據運司呈

批准照數支給賑濟其一切夙弊是在該司併監督官

之輦正也安豐等五場賑卹提吏追併散完各具造報繳
爲懇恩入卑補掣事據運司呈

批水火盜賊方准買補今無故而告風雨消折則後之比
例買補者不可勝言矣仰司再議報奪

又批高寬姑准補掣此後不得援以爲例也繳

爲乞諭覲面交易事據運司呈

批覲面交易兩家之便也依擬刻示永爲遵行繳

爲清理鹽法事據運司楚副使呈

批商人經紀通同作弊如此封引官吏何爲由此觀之則
月報簽冊亦虛文耳仰司提究招報其舊引銃毀入

官商經姑免問此繳

爲稽查包索稅銀事據運司呈

批錢糧出入委宜詳慎據議置簿稽查不惟吏書無緣
爲奸該司之心事亦明矣依擬照欵填報繳

爲變產完課救命事據運司呈

批石畧石澗稔惡不悛石得等黨惡行充通該盡法姑
依擬石畧重責三十石澗戒飭二十與薛沐俱各贖罪石
得七名看實責二十的決發落餘如照取實收領狀繳
爲飾舊典補微謀以圖海防以裨久遠事據運司呈

批據呈挑河銀止三萬有零似不宜別項支用但訪得

馬判官未候詳允而該場土城已將築完此具意甚銳
不可阻抑仰司且將前銀內暫借三千兩給付該分司修
理城門水關并補椿木土工之費務使牢固永久此工完
先用報週圍磚灰可再圖之繳

為查催盤鹽事據運司呈

批鹽已赴掣而用後來此何法也仰運司提究招報

為虎吏賣法事據運司杜同知呈

批依擬汪讚等俱贖罪董奎免科汪讚受賄荀德
高等行財通屬干礙行止俱革役追批塗抹附卷餘
如照實收繳

為箋憲匿贓事據運司楚副使呈

批依擬問朝覲問朝京各贖罪發落取實收繳觀此
則火燒水折者可盡信乎不可盡信乎該司留心一
訪查可也

為檢舉侵盜官銀減法事據安東縣申

批黃霸所首是必有因仰楚副使覆審的確招報其
見任銀錢布足作速解司收貯他場一併查解無使
官總侵損也繳

為窩盜害命事據揚州府呈

批看得俞玘以弟告兄情固可惡而沙溝居民窩賣

私鹽容或有之仰楚副使嚴究招報

爲大夥鹽徒聚衆興販私鹽拒捕截傷官軍違法事

據通州申

批審得姜完等要將私鹽寄囤興販情似近真但
係擔挑且未出場而同夥者未至十人以上恐難以
大夥論罪况招係截傷曹京手背今以脰肘驗傷
豈拒捕亦未實與仰楚副使細加鞫審無致枉縱
具招速報

爲吏書買免事據楚副使呈

批依擬李相等各贖決發落楊時泰姑不深究

且還役史起雲重責二十與劉桂等單退餘如照
取實收領狀繳

為奸豪妄捏躲差事據楚副使呈

批李梅等既係真商免附縣籍王恩等不必究繳

為黨賊執器黑夜截路打傷人口搶擄財物事據通州分
司呈

批據招陳相未至主家廼遽擬已行不亦重乎以飾監
故之非也劉柯先釋放杜萬責二十發落仍將守監吏
役另具招解報此繳

為前事據通州分司呈

批審得本犯執稱陳相入監時已被杜萬打重將死又
本院曾批司重責二十該司竟未責釋放是執法不在
本院而輕重出全在該司矣仰將該吏并杜萬解院王
貴姑宥此繳

為船戶盜盜虧本事據運司呈

批叅看得慶萬福劉萬虎既係同夥焉有虎內而福
外之理所謂截買作弊者萬福是也且萬福萬虎聲
亦相類而易劉為慶所以遮蔽內商之名也孰謂此二
名而非一人乎該司全無究出仰楊判官另招詳奪

為大夥興販事據通州分司呈

批看得董欽興販不止一次問遣亦何枉止因見獲未及
二千以致詞不輸服畢貴倚勢嚇詐裝平人情亦真確
但與誣執為盜者稍別俱難允發仰楊判官再議詳
奪此繳

為群虎詐財殺命事據如皋縣申

批看得陸雲威逼陳高以致於死情亦近真但未經覆
審遽難允發仰楊判官再究的實速具招報

為懇破群奸事據通州分司呈

批查得豐利草蕩原有萬頃其田不過百十餘頃耳
富者墾蕩為田惧其告發也而陰附之有司及其久假

不歸也而又公然賣之有司之民矣然則石仙所告可盡
謂之誣乎且俱免罪發落終必有歸復日也此繳

為汚吏殺命事江都縣申

批朱世臣聽許財物已有數目即事未枉法亦當以
不枉法論罷仰楊判官依律招報

為災變事據餘中場申

批文卷非一時風雨所能糜朽而鹽倉苦蓋得法亦必不
至消折據此申文該場不無情弊仰楊判官提勘報繳
為有司抗賊 明旨飛差害竈事據楊判官等呈

批田糧同徵雜差盡免民竈兩無詞矣依擬行令該縣

出示省諭仍候會 請施行此先繳

為非常大變事據余西場申

批想亦不至如此之甚仰楊判官從實查報

為非常急變事據泰州申

批審得王陳力詞不輸服且王祿稱未首告中間似有未盡之情仰楊判官調取原問文卷再虛心訪究的實具招速報

為出巡事據委官六合章知縣申查盤呂四等場

批看得各場鹽課侵欺者獨呂四最多官吏總催通同納賄虛出通關據法均宜拏問姑令帶罪催辦侵

欺消折未完鹽廩一切通限次年四月完報至期不完官吏坐贓問革朱岳朱棣等各發場加煎照限滿放顧鋒彭鐸等依擬贖決餘如照取實收收管繳仰通州分司查行

為豪商玩法私賣故商鹽引不行報官過坑血汗工銀事據通州分司呈

批前引既已分撥姑免追鉅仍查照入官之數每引追銀四錢五厘其餘引目照例納米一斗取實收繳

為懇卹安煎以全國課事據通州分司呈

批既於商竈兩便姑准存留各便倉不得援此為例也繳

為遵例復業事據泰州分司呈

批李恩准收復名鹽照十一引數辦不許總催侵擾此
繳

為乞復舊規分理鹽政事據泰州分司呈

批該司既估計明白准推繆館等作速買辦木石磚
料仍委官一員能幹管工人役二名務要修理完固可為
永久住址限十月內終報

為冒破侵欺河工官銀事據泰州分司呈

看得撩河未有明文指稱冒破各犯俱所不免姑依擬
劉楚唐汝追贓完日重責三十發場加煎如照實收收

管繳各場工完一體嚴查完報

為出巡事據委官揚州府秦通判呈查盤富安等場

批依擬吳鵠周朋等各發該場加煎照限滿放背信等
各贖決發落未完鹽課照限追完出給通關已完消折
侵欺者俱限次年四月終通補完足過期不完解院究
責通取實收收管繳未到有罪另行

為設聞以杜私販事據泰州分公司呈

批准照數支給該場修造工完具冊回報該分公司仍申海
道知會灣頭下閘不必折移也繳

為鑒總科室事據泰州分公司呈

批即係匿名而事亦多真仰該分公司留心查實速報

為軍解串計匿文弊害事據泰州分公司呈

批周仲仁挾制場官索詐人財事發成遣屢次脫逃情
有可惡仰司先枷號三箇月查 恩例報奪

為指河冒詐官銀事據泰州分公司呈

批看得何嵩原給周梓銀時前銀尚未解到運司
雖非買免其意已欲侵落固以此挽之不使開口也不
意衆口不齊難以自掩只得報官到周梓之訐告夫豈
無因俱依擬各贖決發落取實收領狀繳

為惑衆殃民事據泰州分公司呈

批姜忻等依擬贖罪各發落原贓果買有木植磚瓦
即令於空閑處起蓋社學一所召延儒生訓誨該場子
弟取實收繳

為查處社學以勵風化事據泰州分司呈

批准於供剩銀內動支修葺若有不敷方許借包夫
銀用事完通具冊報

為場虎侵匿官銀貽害事據泰州分司呈

批依擬王辰贖罪發落挑濟中自來有弊該司今後
尤宜留心查訪無使奸徒侵剋也取實收繳

為盜賣倉課事據泰州分司呈

批依擬周涵重責五十發場加煎照限結課潘銀重責三十贖罪房高等的決發落如照實收收管速繳各分司官第一追徵鹽課為先近經題

准事例頗嚴本院定照例行之該司仍留心催督查考且嚴禁偷盜侵剋以付本院期望之意可也

為比例折價全商事據泰州分司呈

批據告折扣本院屢次不允非不知順竈情也特以二年鹽課延至今年中間豈無二人完者而一槩扣之則完者何辜是以該司就近督查如果未完方准折扣其已完者仍給與賑銀無使總竈侵期也繳

為乞申修理古遺賢祠以隆風教事據泰州分司呈

批仰該司再查三賢祠果係官主祀抑民祀之耶係
官官當修建係民任民自建可也况范公祠昨已批發
另修矣即不忍其頽壞止可從簡修葺何必侈大動輒
所費六七十金何為併查胡張名諱歷履速報

為欽奉 聖諭事據泰州分司呈

批既查明仰將私鑲入官候官鑲損壞即以此補之繳
為場官黑夜逃走事據泰州分司呈

批依擬蕭學等各贖決發落課有差池盡責之蕭學
餘如照取實收繳張潭以脫逃申

部文憑另繳勿使潭又買去也

為讐梟劫產事據淮安分公司呈

批依擬沙臣發該場加煎滿豁紀恩惡跡亦有三五是實且屢向沙臣侵尋宜其恨益不平姑准贖杖仍重責三十以抑富豪劉高的決發落取實收收管繳

為追併鹽課事據淮安分公司呈

批法弛已久驟行誠難該司慮之是也但此等奸猾亦宜量治一二以儆其餘至於循行督率尤望該司之一留神也此繳

為帑總侵課羈商事據淮安分公司呈

批各犯既完鹽不必問罪原詞速繳

為追併鹽課事據淮安分司呈查過所屬伍佑等場鹽課
批依擬陳校發本場加煎卅三省等加號滿日與栢立
等俱戴罪完鹽四十四年所欠限今年終四十五年所欠
限來歲四月元年所欠限來歲八月俱完與免本罪如
過期不完卅三省等先發場加煎栢立擬罪報奪另
拏的親家屬監併晁軌董梅姑免罪行令上緊催提
俱五六月一比庶奸猾少知警省取實收收管繳見課尤
宜早催也卅範等提結

為出巡事據委官安東縣范知縣呈查盤白駒等場鹽課

批依擬田隆等俱贖罪滄消至二百引以上者限次年四月內通完二百引以下并虛報之數俱限次月終補足通取實收繳各犯如有先期能完及期不欠者該司具由申奪姑免追贖業判官原招免行

為出巡事據淮安分司呈

批仰劉判官速將各官經手鹽課查驗明白從實具報勿徒轉委之場官也繳

江南五府

為出巡事據六合縣申

批本生孝行孚於人謙退不敢任於己此非近名者仰

縣置孝行扁徃送其家仍給米四石帛二疋以示作勸之意完具由繳

為鹽棍歐害事據六合縣申

批看得黃仁見獲私鹽雖甚少其積年窩販者可惡依擬解發南京工部查撥做工照限滿放如照實收收管繳

為出巡事據委官揚州府于推官呈

批依擬陳諫章等俱贖罪完各還職役劉明初既革任免究今後必有真正人犯方准功蹟仍通詳本院不許擅自發落該縣功蹟每月六百斤非每季也

遵照行取實收繳

為清審獄囚事據江浦縣申

批清查冒破是在該縣之用心何如耳若不隨時清查
任其侵冒祇恐入窮人之手花之固易追之則難張忠
姑重責三十免追贓發落此後掌印官尤宜留心預
查此繳

為暴白心跡以全名節事據太平府呈

批毀譽出於愛憎之口原不足憑且經丁同知問明則
是非昭彰於人之耳目該府之心迹判矣仰安心供職
二犯仍聽撫按歸結繳

為出巡事據當塗縣申

批張嵩楊春以揚州水手而夾帶私鹽是知法又犯法也情甚可惡但奉有赦宥姑痛責三十與各犯通行發落私鹽變價同紙贓入官取實收繳

為完解錢糧事據寧國府呈

批據申閤境士民保留具見本官之實政惠下但既有新官即難 奏留仰候 撫院詳行繳

為給由事據池州府呈

批本官年勞既久賢聲茂著准照例給由仰候 撫院詳行繳

為俯憐危病懇乞休致調理事據安慶府呈

批訪得本官才識老成氣節剛正有用之良也今陞長
史又兼痰疾仰候

奏請施行此繳

為寵妾殺妻事高郵州黃判官呈

批據申看得莊氏總係殷權毆死就當取具允服
招由方可論罪况一檢未明口詞尚含糊即將殷權
就斃此非檢官苦刑所致必李盛等之索逼莊迪等
之毆打而死也人命至重係于匪輕仰府訪究的確
速具招報

為給由事據揚州府呈

批本官才猷練達操履端方慮切時艱而調停動中
乎事機憂深民隱而撫綏曲盡乎人情年勞已著資
望亦深相應報績准照例起送仍候撫院明文施行繳
為土豪打死人命事據揚州府呈

批據招前後不侔想書供人信手寫成該府亦未留
心審究也仰府再究明實招報

為極惡聚眾打傷人口搶奪官銀事據海門縣申

批據申陸贊行兇情或有之但通學具呈不類於黨惡
乎該縣率爾申提豈惟未諳事體且非所以正士風也

有罪人犯仰府通行提究從公招報

為極天冤枉事據運司呈

批據呈盧楠所犯本合

恩例但不知賣放之賊後曾復獲否如陶金已獲盧楠即
可免贓釋放仰楊州府查照行繳

為議處折鹽鋪戶以恤民艱事據楊州府呈

批據議尚欠停安蘄州等處驟加引至二三千不無太
重而高郵等州一引官鹽不食此何法也若以為往返
不便當另有處豈可盡廢官鹽乎況水商一時在口之
言為足憑信萬一派加各州縣而不能行又將何如處也

仰府公同運司再加斟酌無甚甘甚苦期使經久可行
此繳

為酌處議疏通鹽法事據揚州府呈

批止河鹽增引價目前救弊之計大要不過如此仰
呈該道作速會議以憑叅奪此繳

為祈禱雨澤事據揚州府呈

批天道亢陽政失職也依擬日竭誠祈禱期獲陰雨併
入地尺寸繳

為極惡假威無故行兇搶奪財物事據江都縣申

批鄒玘之銀即係混失亦張立揪扯之過也仰縣嚴追一

半給主以警後之生事者繳

為請給官銀以資公費事據江都縣申

批該學公用之費自不可缺一二出自諸生所累多矣依
歲給銀十二兩以免飲辦永為遵守繳

為支給學租銀兩事據江都縣申

批學租本以資助生儒之不給者新官什物量支六
兩亦足用矣永為遵守繳

為大壞鹽法事據儀真縣申

批陳林李成積年騙詐人財情固可惡陳艾鍾冬保
以私販合夥謀行捏告罪當在陳林等之上也依擬

各的決林成各免枷號與艾冬保各重責三十李松
免杖發落餘如照取實收繳

為奪婦事據泰興縣申

批各犯俱經赦宥姑免究罪張謨非不知情者程南
仲反以蔡氏斷給於人心安乎陳鸞張謨各重責二
十陳鸞原得財禮銀入官張謨各另罰銀十二兩給
李漁以償污辱蔡氏仍給前夫聽其嫁留通取庫
收領狀繳

為清審獄囚事據揚州府任同知呈

批各犯延緩罪之是也但中間既無情弊姑逭其罪使

自新之再不策勵本院按臨重有處也此繳

為遵例告給優養事據高郵州申

批節義風化所關表揚勸典攸係若止以免差之故
而曲為揄揚恐終不足以風世教也仰州再查張氏是
否室女有無再樵曾未三十以前守節如果無碍即
便取具通學師生該州官吏各印信結狀申來以
憑覆勘訪問施行繳

為清審獄囚事揚州府任同知呈

批鄭可之罪誠不可逭但依擬去後該縣亦束之高閣
而已姑饒罪此後若再怠緩提來重責五十坐贓發

配定不准贖此繳

為雷火燒毀城樓事據興化縣申

批城樓觀望修造誠不可緩徵取糧里恐妨病民在
該縣之處置何如耳處置有方則民不擾而事亦集
矣工完具由繳

為惟恩奏旌孝行以勵風化事據六安州申

批據申何金孝敬純篤良足嘉尚除候本院巡歷滿
日類題旌獎外仰州置一門節孝匾送本家懸掛仍
動本院贓罰銀六兩排際二壇祭冷何母子以昭勸典
此繳詩匾候文行

為出巡事據廬江縣申

批罪吏意在完銀銀不完而徒問吏罪有何益也楊
廩姑免贖前欠銀兩仰縣嚴限完報此繳

為恤刑事據泰州申

批李鏜胡繼祖俱從 赦宥周應奎係真犯死罪 大赦

所不原者恤刑案開該校則誤矣周應奎不死趙氏何
以生存禮由心生法以義起仰州另具招連人解院此繳

為恤刑事據泰州申

批律載凡犯私鹽拒捕者斬並無為從之說例稱豪強鹽
徒聚眾至十人以上撐駕大船張掛旗號擅用前仗拒敵

若殺人比照強盜已行得財律皆斬亦無為從充軍之說
所謂為從者俱發邊衛充軍蓋指拒敵不曾殺人或十
人以下原無兵仗者言也季新同夥已屬十人之上而胡
章被戳捺沉水底果季選一二人所為耶曹現王六晃倖
出死罪既往者不必深究矣豈可以薪之反復而又出
脫之折獄須要平情故出故入皆非也仰州照舊監候
會審定奪

為出巡事據泰州申

批仰州查照近日新例應繳者繳應追贓追紙者追前
冊前院未之覽也該州仍作照驗申來如有應駁處本

院徑於驗文批駁不必照詳免致繁瑣繳

為申明盤詰以便防守以靜地方事據泰州申

批孫昌倚代辦而令男騙取工食何異自己誑騙稍不遂
意又使孫林首州以圖報復此非挾制抗拒誣告本管
官員者乎本當革役姑依擬與耿高等贖決發落如
照實收繳該司常例痛行禁革毋得故縱

為捉獲大夥強盜事據通州申

批叅看得吳權等劫財殺人贓證俱的不必覆審而其
罪已昭昭也依擬牢固監候會審詳決宋四寄贓甚多
姑准贖杖發落見贓務給原主取實收領狀繳張欽等

嚴行巡捕官兵挨拏招結單志等提究仰候撫操明文施行

為恤民分豁俯救倒懸事據通州申

批據申該州民竈雜居私鹽盛多欲責之盡食引鹽也亦難矣但揚州額引三萬係國初定制似難更移即比照如皋猶歲食千引該州四十八引斷非事體且開海泰鹽贛紛紛告擾之門也姑准比興化例一季三百七十五引此繳

為孀妻殺子抄家事據通州申

批徐信已故尹氏不在官止憑媒證之言則媒證為知非仇

坦之所使耶且既婚姻自當往來陳積曾未與禮識面是非姜寵與信未結親也即結親或亦未有定禮耳各犯准宥財禮不必追徐氏仍給奚欽完聚實收繳

為恤刑事據海門縣申

批許承慤同夥上盜難擬盜後分贓事發方首豈可以首遮罪陳知縣已被其欺矣該縣猶未知耶仰署印郭知事另具招報

為出巡事據徐州申

批舊管新收開除實在俱指見在庫銀而說也如何又有未完之理果是未完則不當入新收項下矣且開除又

不明白說是因何項支用不意該州之糊塗一至此耶仰
將承行該吏解院面審併此冊繳

為出巡事據徐州申

批牌行連人招解該州徑稱羈候何也想前項銀兩中間
必有侵欺情弊仰將二犯併刑吏周蟠一併解報此繳

為清審獄囚事據沛縣申

批該州前件百不完一當該官吏所幹何事可羞可恨
除前不究外接管者慎毋曰舊號再高閣也此繳

為懇乞議處學糧事據碭山縣申

批申詳到院自不經宿查得內號五月二十日已經允發而

今就未到縣鋪兵悞違如此可惡甚矣除廩糧先行支給
仰縣差的當人役沿途挨查務將沉匿鋪兵併鋪長司吏
俱從重招解如所在官司恡占不發一併叅來治罪此繳

為查究詐偽事據滁州申

批王惟藩等在兗州府已贖完不必再究滁陽驛丞吏各
重責二十免招仰判官涂本看實行敢再朦朧一併提
究此繳

為清審獄囚事據和州申

批吏之違悞官亦與之有責為鮑廷祥姑依擬贖罪
還役各欠鹽斤免追補實收速繳

為出巡事據含山縣申

批訪得各該鋪兵沉匿公文習以為常玩法悞事莫
此為甚罪雖遇革仰縣枷號二十日發落取實收繳
為酌陳安民救時之要以慰

聖心以隆

聖治事據含山縣申

批割股自古不以為孝以其毀傷全體且致喪生本
院巡歷以來所見皆割股之孝此外更無聞焉意雖
可取惟恐失中難以風勵世教仰縣先給米二石布二
疋再觀其後如有他端孝行與置扁具動支銀數繳

為檢舉事據徐州申

批銀在井蓋之上一時外人何以知之此必甲夫或州中吏皂所為也但庫中失盜官司久不及知似有不能辭責者仰王知州嚴行緝詰限一月內獲報違限定行叅究此繳

為給由事據碭山縣申

批本官清慎律已節儉宜民開荒田而給以牛種撫流移而力請蠲貸惻愍無華之吏也准照例給由仍候撫按詳行繳

為遵奉

詔旨乞賜表揚等事揚州府呈

批節美維持綱常表揚不可不慎仰陳知府覈實具報此繳

又批李氏節既經該府覈實依擬行令該縣置立貞節門扁仍支院銀辦米四石帛二疋往送其家以示勸揚之意具由繳劉楊王龔待公論定行

為公舉清貧孝行以沾國恩以勵風化事據揚州府呈批割股原非中道廼楊亦已過矣況割股又未必實為寧無負此廼乎仰府再行訪實詳報

為大夥局賭登時打死人命事據揚州府呈

據招藍念歐死孔澄兩傷俱明衆證亦悉慎真不枉

依擬監候會審詳決蔣應科等各贖決發落餘如照
通取實收領狀繳

為勢豪打死人命事據揚州府任同知呈

批叅看朱華被毆之後力能行至泰興且與梁忠高
聲爭罵可見前傷就未重也既經夾放懍扶而死此
非官殺之乎仰揚州府再加鞫審的確招報勿枉勿
縱繳

為土豪打死人命事據揚州府呈

批看得陸偃田已出賣而欲復贖廼推跌陳寶以致之
死必豪橫人也姑依擬贖罪仍重責三十與袁氏俱發

落追埋葬銀給袁氏通取實收領狀繳

為奸豪計同吏書玩法侵盜官銀貽害事據揚州府呈
批于金侵銀脫逃楊東代為賠償苦矣依擬豁免仍
行令嚴拏于金以正其罪家產先入官此繳

為指衙誑騙民財事據揚州府呈

批李義金其既指保頭得銀入已緣何還追贓問罪衙
門使用恐亦不免據招尚未究出仰府另具招詳

為誑君冒襲事據揚州府呈

批依擬張鈞贖罪發落查族序既該張守業襲替則
守禮之借職耳再世仍當以守業之子繼之不得紊冒取

實收繳

為打死人命事據揚州府呈

批審得曾桐詞已輸服依擬牢固監候會審詳決戴
環俞乾曾三見俱照宥免顧謨既詐環以財復誣環
以罪本當重究但念伊弟之死姑重責二十發落餘如
照取實收繳

為公舉節孝以勵雙行事據江都縣申

批蕭氏苦節四十餘載撫育孕孤以有成立良足嘉尚
若子割股雖非中道亦知所以報母氏之恩者仰縣置
扁禮獎書曰一門節孝仍動支院銀置白米肆石衣帛二

足以遺節蕭米二石絹二足以勵子燦完具由繳

為貪官欺國殃民事據揚州府呈

批姚鑣多取耗銀賣放商稅未必皆虛但李銳徐綸以
本管挾制毀罵情有可惡仰縣枷號半月餘依擬發落
姚鑣王志學姑還職役汪住陳祥決放如照通取實收領
狀繳

為久旱災傷懇賜申豁錢糧事儀真縣申

批地方災傷誠為可憫但有司加意省節多方撫綏就
可支持錢糧蠲免事宜仰候撫院詳行繳
為緊急間工事據儀真縣申

批賒取建閘木料原非該縣任內事恐前官亦有
一二償之未必盡是賒欠仰劉知縣再加查訪如果未
還即照數支給但無使賄通工吏瞞蔽重支可也繳
為捉獲船戶偷盜官鹽事據儀真縣申

批設埠頭原因保船戶之不偷耳今埠頭知取牙用而
不知船戶之誠偽何以埠頭為也仰縣革去吳兆麟埠
役另僉殷實充當此繳

為捉獲鹽犯事據儀真縣申

批金二保等俱依擬贖罪發落取實收繳董永鶴盡
心捕鹽給銀五兩以勵其後袁美等賞銀二兩訪得

水商延捱不即起程中間必有奸弊仰劉知縣嚴行催促務要盡數赴南道聽候掣放敢有故違該縣徑拏究枷號施行

為強橫內臣違禁多索應付騷擾地方事據儀真縣申批夫馬廩糧原有定例今後內使人員經過該縣止許照例應付敢有故違明旨分外需索者該縣即查其索取之贓併凌虐人數指實申來以憑叅究仍刻木牌豎立公館處所示知此繳

為請乞裁銷遠年未完以清案牘事據儀真縣申批該縣勤謹本院已自深知之矣其一切未完如鹽斤

之拖欠贖之單免照提中之逃亡詞訟之不出對理者
不拘遠年近日通准銷繳

為從獲盜犯事據儀真縣申

批汪貴姑免充軍依擬照本律與汪法等俱贖罪貴
罪外仍罰穀壹百石備賑餘如照通取實收繳有功人
役於內動支銀五兩分別賞勸該縣番心盜政提督勤
謹仰動詳內盜銀十兩以禮獎勸具由報

為出巡事據儀真縣申

批據議稅包索抵補額辦具見本官恤民之心但增稅
則價亦增其勢必至於累商况經紀之索取稅課局之

剋減又有不勝其煩擾者具該縣里甲供應各項錢糧
取經於鹽引商稅者亦已多矣無故而復增此稅恐於事
體未穩仰縣行令鹽引所於原收包索銀內每年姑再
扣番一百兩借助該縣額辦錢糧永為遵守此繳

為強盜放火劫財事據泰興縣申

批王僑等所犯俱在革前該縣不查 恩例徑擬罪如常
何草率之甚耶各犯免罪發落承行吏書另具招報
此繳

為飛糧虐竈事據泰興縣申

批似此俱經赦宥者有何難完而該縣畧不經心是以

徒累卷案耳本官能清查完結即此亦可以見用心處
依擬銷繳

為強奪良妻事據泰興縣申

批蔡繼祖蔣本各詞俱誣該縣獨坐繼祖而恕本者何
歟仰縣擬議詳確另報

為清查未完事據泰興縣申

批歷年詞狀無一問報者不知前官作何為鑒此不惟該
縣當痛自省改即本院亦深切愧汗矣姑依擬註銷仰章
判官并將近日有行者通行完報此先繳

為遵例清查未完事據泰興縣申

批據申多詞始知該縣百姓非刁頑止因官不理枉吏且
科索是以不得已而紛紛上告耳歷三十年来未見一
賢令惜哉民之苦也俱准銷繳

為出巡事據泰興縣申

批該縣未完甚多其間應繳庫收銀兩俱係經手人役
侵欺止憑空文搪塞此雖前官因循之過該縣尤宜查明
繳照凡稱支解給者須要見何年月日奉何明文有何憑
據其循環底簿一併解來對証毋使奸頑得肆志也如此
者多不勝駁姑駁一件為例仰逐件查報近查盤詳內
獨該縣侵銀六百兩有餘作速追完繳來

為出首以杜後患事據泰州申

批丁憲免提以其非見獲也今又營充巡鹽則前之販鹽
真實無疑矣仰州解發掘港守備與王官一體哨瞭照限
滿放雷彬等俱依擬各贖決發落取實收收管速繳
為遵例革弊事據通州判官楊舜卿呈

批書手飛詭那移本當引例然非止書手之過前官
疾惡竈戶不敢伸訴以致有此等弊耳本官鞫審明
白兩造俱平即不重寘俞撫於法而竈之冤苦伸矣依
擬丁偉等贖罪居賢等的決仍各從實枷號三個月
重責五十板退革書役餘如照取實收繳劉學等另

結

為捉獲大夥盜徒船器事據如皋縣申

批看得徐宰大夥興販拒敵官兵當時捕捉人盜俱在
罪又何詞依擬監候會審詳決船隻從實估計併
私盜俱變價入官取實收繳馬杲等案候緝捕羅憲
率衆當先緝捕効力獎勵銀三兩孔知縣因春汛之屆
期慮盜盜之延蔓防禦嚴密督率殷勤獎勵銀六兩
其一切有功人役該縣再動支銀五兩分別賞勸具由

報

為異常風雨倒塌城垣事據通州申

批城垣修葺要不可緩但所費既多須實用砌築期
於完固且無擾派荒民也事完用報仍候撫院詳行
為積老倚公科害里甲事據通州申

批各犯姑免罪發落胡璧名下追完贓銀給散各里
取實收領狀繳陳昆等拖欠銀免追蓋給領周盤未
必即轉給花戶而追呼陳昆則是必重復科擾小民也
此繳

為十分旱撈災傷事據通州申

批地方災傷黎民愁苦此司牧所宜留心者救恤事
宜仰州隨時酌處申奪繳

為大夥強盜劫財傷人事據通州申

批據招各犯雖無贓証但現遺狀則馬榮之蹤跡露查
首詞則丘岑之同夥明喻陸丘品俱榮口初供紀欽馬友
廼其自認分贓也情亦不枉依擬監候會審詳決梟示
餘如照實收領狀繳張賢俟拏

為虎總違法事據通州申

批叅詳劉旦謀總催而肆剝削以退役而讐言姜仵事情
似亦真實但所告直日科斂則不誣也緣此坐徒處之重
矣改杖的決仵依擬取實收繳

為捉獲江洋大夥盜徒拒敵官兵事據海門縣申

批看得各犯張旗持器公然興販可惡甚矣然停泊必
有窩家收買必有棒頭所過地方必有熟識通同賣
放仰縣通提到官逐一審究的確具招連人解報其船隻
器具給與尤典史從實變價該縣分別獎賞有功員役繳
為辭免長夫銀兩以蘇民困事據高郵州申

批黃判官奉委自有長途稟糧辭之是也同知王命檀
動官銀市恩不知何心仰州速將吏究報此繳

為出巡事據高郵州申

批各犯指引道路令恩逃走情罪似為不枉但犯在革
前宜照恩例赦免取實收繳錢三免提

為查理稽違公文事據實應縣申

批王橋沉匿公文至於三月之久恐的決不足以盡其罪也仰縣從重具招解報該吏朦朧封遞不行解審均屬有罪一併招奪不必連人解也繳

為挨查公文事據實應縣申

批王炯依擬贖罪仍枷號一箇月取實收繳該縣鋪司兵玩法若此當該官吏緣何不行查究姑免提問此後着實挨查勿自取罪也

為清審獄囚事據揚州府任同知呈

批卷在王通判數年不能歸結廼欲改批該州即能完

結耶原詳先繳照拏史印前件不准銷仰任同知嚴
併獲報

為豪展人命彌憲殺害事據揚州府呈

批劉鳳仲岱俱豪強無容論矣但開單中事情尚當
一究以見虛實也全不掛提夫豈事體仰任同知另招
詳報

為出巡事據揚州府胡惟官呈

批依擬李奉等俱贖罪各還職役蔡渭以下各贖決發
落錢糧之拖欠功蹟之急緩鹽斤之侵剋獨該縣最多
前官廢弛此可以見而吏民之才詐又復何說也仰霍通

判查照嚴併追補入官限一月內通取實收繳楊英等提
結

為出巡事據揚州府秦通判呈

批據招陳柯犯贓情已真確但見証欠悉恐有後詞且
指稱打點一節有無全未究出事屬含糊仰秦通判
再審明實招報

為無干人命事據泰州申

批據招王增之死是係何交刀斫所致及檢尸傷則太陽
額顱却無刀刃之痕而遍身紅紫色非橙等毆重何以
有此直以何交之逃為畏懼敵命不思交無根蒂去之固

易易耳人命至重不宜草率仰胡推官再究的確招報

為查究公文事據廬州府呈

批叅詳吳魯面接公文必認識其貌況此文既與六安一角同到該鋪則有前途可查事關各官名節且匿名揭害此風俗之所最壞者尤不可不一懲治仰府再加鞫審并體訪的實具招速報

為查革常例以清鹽法事據徐州同知陳大章呈

批稅鹽常例積習已久本官獨能革之商民之福也依擬行仍行各屬一體遵照繳

為舉報烈婦死節事據沛縣申

批據申姜氏悼夫病亡悲歸自縊其貞烈之志誠足以振
顏風而端婦則仰縣即置貞烈門扁一面再動本院銀三兩
禮奠其家仍候題請表揚施行繳

為給由事據來安縣申

批本官恂雅之資優裕之政節用之甦困敝而里甲尤寬
簡訟以息刁風而刑罰亦省催科有要出納惟明茲年
勞已著准照例給由仍候撫院詳行繳

為出巡事據六合縣章知縣申

批食鹽少賣該吏不疏通之咎也商人何罪袁栢踴且未
掛可置之勿問乎即此可知查鹽矣仰來安縣另具招

報定限旬日內繳

為條陳末議以俟採擇事據和州申

批據議有關於民風更切於吏治本官之留心政理此可
以觀大槩矣依擬着實遵行繳

為出巡事據六合縣章知縣申

批據招吳萬賣鹽不足額皆因該州禁緝私鹽不謹以
致壅滯萬何罪焉不究該吏而究萬顛倒甚矣牛屯河
等三巡司全無斤鹽止扣追工食抵塞此豈立法初意仰和
州通將故違該吏另具招詳吳萬張受二俱免罪速繳

[G e n e r a l I n
f o r m a t i o n]

书名 = 中国明朝档案总汇
8 8

丛书名 =

作者 = 中国第一历史档案
馆，辽宁省档案馆编

出版社 =

出版日期 = 2 0 0 1 . 0
6

形态项 = 4 2 6

页数 = 4 2 6

原书定价 = 5 8 0 0 0
. 0 0

读秀号 = 0 0 0 0 0 7 4
5 4 7 0 6

SS号 = 1 2 2 2 5 4 3
0

ISBN = 7 - 5 6 3
3 - 3 1 7 6 - X /

K 2 4 8 . 0 6 3

分类号 = 1 1 0 3 0 4 0

4 0 8 & s w = D 6 D 0

B 9 0 X 1 . 9 0 F 9 0

0 P - 9 8 5 3 7 B 3 -

0 X 1 . 6 F E 8 8 0 P

- 1 3 5 F B 5 B 5 B 0

B 8 D 7 D C B B 2 . 6

3 6 8 5 1 E - 3 0 8 3

+ 8 8

主题词 =

参考文献格式 = 中国第一

历史档案馆，辽宁省档案馆编．中国明朝档案总汇
88．南宁市：广西师范大学出版社，2001．06．

简介＝全国古籍整理出版规划领导小组资助出版：
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。

封面
书名
目录
正文